

саломатлик
кутубхонаси

АСАБ

тизимингиз
саломат
бўлсин



МАЖБУРИЙ
НУСХА



ЯНГИ АСР АВЛОДИ

ТОШКЕНТ

2015

611.8 - Асаб тизимиши

A82

УЎК: 65.89

КБК: 56.12

А-82

**Асаб тизимингиз саломат бўлсин/ Нашрга тайёрловчи
Ҳ.Тешабоев. – Тошкент: Янги аср авлоди, 2015. – 136 б.**

ISBN 978-9943-27-556-0

Мазкур китоб одамлар соғлом бўлишида асаб тизимининг юксак ўрни ва аҳамиятига бағишлиланган. Унда инсон саломатлигининг содда, аммо ўта муҳим омиллари ҳақида сўз юритилади.

УЎК: 65.89

КБК: 56.12

**Нашрга тайёрловчи:
Ҳасан Тешабоев**

Масъул муҳаррир:

Абдукарим Усмонхўжаев,
тиббиёт фанлари номзоди,
психотерапевт, «Турон» фанлари
академиясининг академиги

2015/93	Alisher Navoiy
A	nomidagi
5854	O'zbekiston MK

10 43728
291

ISBN 978-9943-27-556-0

© Нашрга тайёрловчи Ҳ.Тешабоев. «Асаб тизимингиз саломат бўлсин», «Янги аср авлоди». 2015 йил.

МУНДАРИЖА

Сўзбоши 5

БИРИНЧИ БОБ АСАБ ТИЗИМИ БЕТАКРОР ТАБИЙИ КОМПЬЮТЕР СИФАТИДА

1.1. Асаб тизимининг тузилиши	7
1.2. Соматик асаб тизими.....	15
1.3. Вегетатив асаб тизими	16
1.4. Вегетатив асаб тизимининг симпатик бўлими	18
1.5. Парасимпатик асаб тизими	19

ИККИНЧИ БОБ. ИНСОН РУҲИЯТИ ҲАҚИДА

2.1. Асаб тизими ва одам психикаси	21
2.2. Стресс ҳақида	23
2.3. Руҳият шаклланишига хос айрим хусусиятлар	24
2.4. Асаб тизимида психиканинг жинсий ва ёш хусусиятлари	27
2.5. Асаб саломатлигининг психологик жиҳатлари	32

УЧИНЧИ БОБ. ДИСТОНИЯ – ДАВОСИ БОР «БЕДАВО ДАРД»

43

ТЎРТИНЧИ БОБ. ҲАЁТ ТАЯНЧИ

4.1. Бўйин соҳасининг шикастланиши.....	54
4.2. Кўкрак соҳасидаги шикастланишлар.....	56
4.3. Бел соҳасидаги шикастланишлар	58
4.4. Шифоб эхш бадантарбия	61
4.5. Умуртқанинг бўйин соҳаси учун машқлар	62
4.6. Умуртқанинг кўкрак соҳаси учун машқлар	63
4.7. Умуртқанинг бел соҳаси учун машқлар	64
4.8. Касалликни даволагандан олдини олган маъқул	66
4.9. Елка мушаклари учун машқлар	67
4.10. Орқа мушаклари учун машқлар	68
4.11. Қадди-қоматни мустаҳкамлаш учун машқлар.....	68
4.12. Ҳалқ табобати	69
4.13. Ўзини бошқариш сеанси.....	71

4.14. Уқалаш.....	78
4.15. Қад-қомат.....	79

БЕШИНЧИ БОБ ҒАМГИН, АММО БИЛИШИНГИЗ ШАРТ

5.1. Марказий асаб тизимида қон айланиши хусусиятлари	85
5.2. Бош миянинг томирли заарланишлари	89
5.3. Мияда қон айланишининг ўткинчи бузилишлари	91
5.4. Инсультлар	92
5.5. Венада қон айланиши бузилишлари.....	95

ОЛТИНЧИ БОБ ФИТОТЕРАПИЯ. ДИЕТОЛОГИЯ. ЎЗИНИ УҚАЛАШ

6.1. Фитотерапия.....	103
6.2. Парҳез.....	103
6.3. Қон босими пасайишли вегетатив-томир дистонияси	104
6.4. Гипертоник касаллик	105
6.5. Остеохондроз	106
6.6. Фалаж	108
6.7. Невралгия.....	109
6.8. Умумий соғломлаштирувчи воситалар	111
6.9. Бош оғриқлари ва бош айланишида	112
6.10. Бош мия атеросклерози	113
6.11. Бош мия томирлари спазми	113
6.12. Бош мия томирлари спазми, склероз, орқа миянинг функционал бузилишлари	113
6.13. Атеросклероз, гипертоник типли вегетатив-томир дистонияси	113
6.14. Юрак ўйнаши, бўғилиш, бош айланиши	114
6.15. Уйқусизлик ва ортиқча таъсирчанлик.....	114
6.16. Бел соҳасидаги оғриқлар	114
6.17. Радикулит	114
6.18. Остеохондроз	115
6.19. Остеохондрозни даволашда ванна учун бир нечта рецепт	115
6.20. Ўзини уқалаш	116
6.21. Ўзини уқалашнинг асосий усуслари	117
6.22. Ўзини уқалашга қарши кўрсатмалар	120
6.23. Ҳаммом шароитида уқалаш	121

ЕТТИНЧИ БОБ. ВУЖУДНИ ТОЗАЛАШ

7.1. Шифобахш очлик	123
7.2. Хайрлашар эканмиз.....	128
Фойдаланилган адабиётлар	130

СҮЗБОШИ

«Барча касаллікпаратасабдан!» Шундайми? Бу бүрттириб айттылган гапми ёки аччиқ ҳақиқат? Кейин, асабдан пайдо бўладиган касаллікпаратасабдан қайси экан ўзи? Бу ҳақда мулоҳазага киришишдан олдин ҳаётдан мисол келтирамиз.

Масалан, ўрта ёшли бир эркак шифокор ҳузурига келади-да, ишдаги таъби хиралиқдан сўнг ошқозон яраси очилиб қолгани, қўлида тошма пайдо бўлгани, қон босими ошиб кетганидан шикоят қилади. Уйқуси ҳам йўқолиб, кечаси билан мижона қоқмаганини айтади. Ҳа, бу аломатлар хавотир олишга арзийди. Шунда унинг ошқозонини гастроэнтеролог, теридаги тошмани – дерматолог, қон босими ошишини – терапевт даволайди. Энди ҳаммаси гўёки жойига тушиб кетадигандек. Факат даволанса бўлди. Лекин ишдаги ўша зиддиятни ўйлаган ҳамоноқ унда барча аломатлар яна такрорланади.

Одам мияси худди мукаммал компьютер каби. Тўғрироғи, компьютер асаб тизими фаолиятига ўхшаш яратилган. Одам организмида кўз, қулоқ ва тери ахборот киритиш каналлари ҳисобланади, қоннинг биокимёвий таркибидан таъсирланувчи рецепторлар ҳам бор ва ҳоказо. Мия сўздан жуда кучли таъсирланади, қўпол сўз эса организмда бутун бошли тўфонга сабаб бўлиши мумкин. Худди юқорида келтирилган мисол каби: марказий асаб тизими ўзини ҳимоя қилиш мақсадида психологик стрессга кескин биологик фаол моддалар ажратиш билан жавоб берди. Шундай моддалардан бири эса гистамин бўлиб, у ошқозон яраси ва нейродермитни чақирган.

Ҳа, асаб тизимимиз шундай тузилган: мия учун хотиралар ҳам уларни юзага келтирган воқеалар каби реал ҳисобланади. Мисолимиздаги каби ҳолатга дуч келган одамга ёрдам бериш учун, аввало, марказий асаб тизимига таъсир ўтказиш керак.

Демак, ростдан ҳам ҳаммасининг тепасида асаб тизими турар экан-да! Албатта, шунинг учун ҳам бошимиз-

6 | Асаб тизимингиз саломат бўлсин

да-да! У қандай оғришини умрингизга ақалли бир марта бўлса ҳам ҳис қилиб кўргансиз, албатта. Марказий асаб тизими – асаб тизимининг атиги бир қисми, албатта, лекин энг асосий қисми экани ҳам шубҳасиз. Айнан шунинг учун суяқ тизимига ажиб маҳорат билан жойлаб қўйилган. Бу ҳақда бошқа ўринда батафсилоқ тўхталамиз.

Хўш, ўзимиздаги энг мукаммал компьютер – асаб тизими соғлиғини асраш учун нима қилиш керак? Бугун деярли барчамиз одам организми қандай тузилгани ҳақида мурайян тасаввурга эгамиз. Шифокорларга ишониш керак ва зарур, лекин улар касалликни даволаши ҳақида унутманг. Саломатлик ҳақида фан эса бутунлай бошқа нарса. Бунда ҳар ким ўзи тер тўкиши керак: ўз саломатлигингиз учун бошқа ҳеч ким жавобгарликни бўйнига ололмайди.

Ҳозир айнан шундай даврга қадам қўйганмиз, ҳурматли китобхон, шифокорлар ўз билим ва тажрибалари билан ўртоқлашиб, сиздан соғлиғингизни сақлаш учун жавобгарликни ўз зимманизга олишга ундаиди. Мазкур китоб орқали бу борада етарли тушунча ҳосил қилишингизга кўмаклашамиз. Умид қиласми, бу сиз учун нафақат фойдали, балки қизиқарли ҳам бўлади. Ахир, сиз учун ўзингиз қизиқарли эмасми?

Ўз вужудимизда нималар кечеётгани ва кечиши мумкинлигини билишимиз зарур. Шундагина унга ёрдам бера оламиз. Турли муаммолар руҳий дунёмизнинг ноёб қобиляятларидан, ижодга ва меҳр-муҳаббатга эҳтиёжларидан устун келмаслиги учун уни асраб-авайлашга тушамиз. Шундай экан, вужудимиздаги энг ноёб бўлмиш асаб тизими ҳақида билиб олишни ортиқча меҳнатга йўйманг. Нима қилсак, унга зиён етмаслиги ҳақида батафсил билиб олинг. Агар шундай ҳол юз берган бўлса, бу китобда ушбу муаммоларни қандай ҳал қилиш мумкинлиги ҳам атрофлича баён қилинади.

БИРИНЧИ БОБ

АСАБ ТИЗИМИ БЕТАКРОР ТАБИЙИ КОМПЬЮТЕР СИФАТИДА

1.1. Асаб тизимининг тузилиши

Тасаввур қилинг, самолёт салонида ўтирибсиз. У эса қўниш учун шаҳар узра шунчалик пастлаб учиб бормоқдаки, ойнадан тураг жой мавзеларини, унда гуж-гуж бўлиб турган кўп қаватли уйларни бемалол кўришингиз мумкин. Энди эса самолёт қаноти остидан аста сузид ўтаётган ўша уйлардаги ҳар бир хонадонда компьютер борлигини ҳам тасаввур қилинг. Ва албатта, ҳар бир компьютер нафақат шаҳардаги, балки бутун дунёдаги бошқа исталған компьютер билан мулоқотга кириша олади. Бинобарин, ҳар бир асаб ҳужайраси ҳам бутун бошли компьютер. Тасаввурингизга бир вақтнинг ўзида қанча компьютерни сиғдира олсангиз, уларнинг барчаси жамлашиб, асаб тизимизнинг энг содда нусхасини ташкил қилади. Бу тизимда асосийси компьютер – ҳужайранинг ўзи эмас, балки унинг ахборот узатиш ва қабул қилиш қобилиятидир.

Бир компьютердан бошқасига ахборотни икки хил усулда узатиш мумкин: маҳсус шнур ёрдамида компьютерларни ўзаро бириктириш (асаб ҳужайраларида бу анатомик бириктириш) ёки Интернет ёрдамида (асаб ҳужайраларининг функционал алоқаси). Нейрон (асаб ҳужайраси шундай номланади) фақат шунинг учун яратилган. У ахборотларни қабул қилиб, муқаррар ра-вишда кейингиларга узатади.

Агар компьютер билан ўхшашликни давом эттирсак, тез орада жиддий фарқни ҳам англаб оласиз – бу ўз-ўзидан тушунарли, компьютер одам организмида мавжуд мукаммал ва ноёб тизимга ўхшаш содда қурилма, холос. Электр токини узиб қўйсангиз, компьютер монитори ўчиб қолади. Табиий компьютерда эса биологик электр қувватидан ташқари ахборот узатишнинг бошқа йўли ҳам бор – кимёвий моддалар ёрдамида – медиаторлар, нейропептидлар.

Айтиш жоизки, нейрон жуда ҳайратомуз тузилишга эга: унда ҳар бир компьютерда бўлгани каби корпус – тана бор. Аммо нейрон буниси билан машҳур эмас, ундаги асосий нарса унинг шохчалари ҳисобланади. Бутун нейрон нимаси биландир шохлари тарвақайлаган дарахтни эслатади. Дарахтларда шохлар новдалардан ҳосил бўлса, нейронда калта шохчалар бўлиб, улар дендритлар деб аталади. Дарахтда тана бўлса, нейронда узун шохча – аксон бор. Асаб ҳужайрала-ри бирикадиган жой эса синапс. Агар иккита компьютер шнур ёрдамида уланса, у ҳолда компьютер билан шнурнинг контакти асаб тизимидағи синапснинг айнан ўзи бўлади.

Энди эса жуда ажойиб хушхабар! Асаб тизими – ўзи-ни ўзи дастурловчи компьютер! Бу, масалан, шахсан сиз учун нимани англашиб мумкин? Унда қулоқ солинг: машқлар ва кўп марталик такрорлашлар йўли билан, ҳурматли китобхон, ҳоҳлаган нарсани ўргана оласиз! Агар ҳоҳиш бўлса, албатта. Циркдаги айиқлар ҳам шунчаки бизни хурсанд қилиш учунгина конкида учмайди, биз учун ўзига хос сабоқ бу! Айиқларки нимагадир ўргана олса, биз одаммиз-ку, ахир?! Буларнинг барчаси асаб ҳужайраларининг янги шохчалар ўстириб, уни керакли асаб ҳужайралари билан бириктира олиш қобилияти шарофати билан. Керакми, марҳамат, муаммо йўқ, нейрон ҳужайра янги дендрит шохчалар ўстириш-

га астойдил киришади! Керакмасми – бу ҳам муаммо эмас, кераксизлари ғойиб бўлади.

Қанча кўп ўқисангиз ва янги нарсаларни эслаб қолишга ҳаракат қилсангиз, миянгиз ҳам ўз навқиронлигини шунча узоқ сақлаб туради, хотирангиз шунча яхши, фикрларингиз шунча тиниқ бўлади. Каллани ишлатиш фойдали! Айтганча, беҳазил – кексаликда ақл ўтмаслашишига қарши энг ишончли воситалардан бири шу!

Янги шохчалар ва синаапсларнинг пайдо бўлиши ва аввал мавжуд бўлгандарнинг қисман парчаланиши асосида бузилган функцияларни ўрганиш, мослаштириш, ўрнини тўлдириш ёки тиклаш ётади.

Нейрон танаси ва шохчалари ҳатто рангига кўра ҳам фарқланади: асаб ҳужайраси таналари кўп бўлган жой кулранг тусда, шохчалар тўпланиб қолган ер оқ рангда бўлади. Ўзаро бириккан шохчалар – асаб, нейрон таналари тўплами эса – асаб *тугунлари*. Асаб тугуни анатомияга оид тушунча. Агар бир нечта нейрон айни бир функцияни бажарса – бу асаб маркази.

Асаб тизими қандай ишлашини тушуниш учун яна мисолга мурожаат қиласиз. Бу ҳол ҳар биримизнинг ҳаёти мизда барибир учрайди: эҳтиётсизлик ё тажрибасизлик туфайли билмасдан қандайдир иссиқ нарсани ушлаб оламиз. Эслаб кўринг, нима бўлганини англаб улгурмасингиздан кўлнинг ўзи орқага тортилади. Мана шу энг содда рефлекс бўлади. Асаб тизими сизнинг ўй-фикрингиз иштирокисиз, ўз-ўзидан амалга оширадиган иши эса рефлектор ҳаракат дейилади. Тушуниб турганингиздек, бундай фаолият биз учун ҳаётий муҳим саналади.

У қандай амалга ошириллади? Терида рецепторлар деб аталувчи маҳсус асаб толалари бўлиб, улар, масалан, совуқ билан иссиқни фарқлайди. Ушбу рецепторларга нейроннинг узун шохчаси туташган бўлади, нейроннинг ўзи эса марказий асаб тизимида, орқа мияда, аниқроғи – умуртқалараро тугунда жойлашади.

Рецепторлар механик таъсирини электр импульсларига айлантириш қобилиятига эга бўлиб, уни шохча бўйлаб йўналтиради ва у нейрон танасига етиб келади. Нейрон ахборотни қабул қилади, сўнгра худди бир компьютер бошқасига ўтказгич электр сим орқали ахборот узатганидек кейинги нейрон танасига узатади. Албатта, орқа мияда жойлашган нейронда ҳам узун шохча бор бўлиб, у орқа миядан тўғри мушакка йўналган бўлади. Мушак импульсни қабул қилади ва ўз ишини бажаришга киришади, яъни, қисқаради. Қўл орқага тортилади. Тери рецепторларидан орқа мия орқали мушаккача йўл рефлектор ёй дейилади. Моҳияттан, иссиқ туфайли қўлимизни тортиб оларканмиз, биз орқа мия билан ўйлаган бўламиз!

Орқа мия – бу энди марказий асаб тизими бўлиб, организм уни ғоят асраб-авайлайди. Уни умуртқа сувкларидан иборат зирҳга ўралган хазина дейиш мумкин. Жуда ишончли ҳимояланган, қўзғалмас ва мустаҳкам.

Орқа миянинг ўзи – узунлиги 41-45 см цилиндр тасма. Ундаги энг ажойиб нарса, яъни, дарҳол қўзга ташланадигани томирчалар ҳисобланади. Бу томирчалар жуда моҳирона тузилган: орқа мия цилинтридан олдинга ва орқага тарқалиб, унинг ён томонида орқа мия асабини ҳосил қилган ҳолда яна бирлашиб кетган. У, ўз навбатида, иккита қўшни умуртқа суяги ўртасидаги тешикдан ўтади.

Орқа миянинг ён юзасидан ўтувчи бундай асаблар, орқа мия томирчалари жами 31 жуфт. Орқа мия томирчаларининг ғаройиб функциялари икки таниқли олим шотланд Белл ва француз Мажанди томонидан тажриба йўли билан аниқланган. Маълум бўлишича, олд томондаги томирчани қирқиб ташлаш қўл-оёқлар ишламай қолишига олиб келади, яъни, уларда тўлиқ ҳаракатсизлик ёки фалаж бошланади. Лекин уларнинг таъсиричанлиги мутлақо сақланиб қолади. Орқа томондаги томирча қирқилганда эса, аксинча, қўл-оёқлар таъсиричанлиги бутунлай йўқолиб, ҳаракатланиш қобилияти эса сақланади.

Орқа мия ушбу томирчалар орқали тери, мушак, қон томирлари, ичак ва жинсий аъзолардан барча ахборотларни тўплайди. Жамийки ахборот орқа мия томонидан бизнинг онгли иштирокимизсиз қайта ишланади ва скелет мушакларига (қўл, оёқ, тана, қисқаси, юздан бошқа барча), ички аъзоларга узатилади. Айтиш мумкинки, иш қайнагандан қайнаб, шу тариқа жўшқин давом этаверади, биз эса буни мутлақо ҳис қилмаймиз ҳам. Ахир ажойиб-ку!

Онгсизлик, яъни, орқа миянинг рефлектор фаолияти билан боғлиқ яна бир қизиқ ҳолат бор. Маълум бўлишича, скелет мушакларимиз фаол пайти, яъни, бўшашибмаган ҳолатида ўзимизни анча тетик ва бардам ҳис қилишимиз мумкин экан. Ва бу фаоллик, бошқача айтганда, тонус барибир ўша орқа мия томонидан мотонейронлар орқали маҳсус импульслар билан таъминлаб турилади.

Эътибор берган бўлсангиз, азиз китобхон, орамизда кимдир қўёшли об-ҳавода ўзини бутунлай бошқача ҳис қилиб, ҳар не ишга ғайрат камарини боғлаб, кўзидан ўт чақнаб туради. Бошқалар эса, аксинча, ёмғирли кунда ўзини яхши сезиб, қанийди, ёмғир ҳеч қачон тинмаса деб орзу қиласди! Бу ҳодиса метеотаъсирчанлик деб аталади. Бу боз миямизда жойлашган ретикуляр формация – бизнинг шахсий электр станциямиздан қўйига жўнатилган маҳсус ахборотлар оқими ёрдамида амалга оширилади. У асаб тизимининг бошқа бўлими вегетатив асаб тизими билан бевосита алоқадорликка эга бўлади. Мушакларни ишлатишга ҳарчанд уринманг, агар миямиздаги ретикуляр формациянинг ялқовлиги тутиб, орқа миядаги маҳсус мотонейронларга импульслар жўнатишга кучи етмай қолса, у ҳолда бардамлик ҳиссини кундузи чироқ ёқиб ҳам тополмайсиз.

Олимлар боз мия таъсиридан мустақил ҳолда орқа мия қандай фаолият юритишини, бошқача айтганда, фақат унга хос бўлган вазифалар нимадан иборатлиги-

12 Асаб тизимингиз саломат бўлсин

ни ўрганишга ҳам жуда қизиқишган. Бунинг учун ҳайвонларда маҳсус тажриба ўтказилган: бош мия орқа миядан ажратиб қўйилган. Кейин ҳайвондаги барча эркин ҳаракатлар йўқолган, ҳатто сезиш ва нафас олиш ҳам тўхтаб қолган. Нафас олиш функцияси сунъий аппаратлар воситасида таъминланган. Аммо барибир нимадир қолган: скелет мушакларининг рефлектор фаолияти сақланиб (яъни, жонивор олимлардан қочиб кетолмасди, лекин туёғини тортиб оламан деса – бемалол уdda-ларди), артериал босим, пешоб чиқариш рефлекслари, дефекация акти ва айрим жинсий рефлекслар нормал ҳолатда бўлган.

Шундай қилиб, ўзимиз ҳам сезмаган ҳолда орқа мияга хос вазифалар нималар эканини билиб олдик. Демак, булар биз учун аллақачон таниш бўлган рефлектор, яъни, автоматик фаолиятлар, шунингдек, бош мияга бориб, яна орқасига қайтувчи фаолиятдан иборат.

Умид қиласманки, марказий асаб тизими нафақат орқа мия, балки бош мияни ҳам ўз ичига олишини тушуниб улгурдингиз. Бош мия ҳам худди орқа мия каби ишончли ҳимояланган, бош суяги билан тўлиқ ўралган ва амортизация тизими – бош мия қобиқлари ўртасида айланиб турувчи маҳсус суюқлик, ликворга эга. Бош миянинг орқа мия билан алоқаси бош суягининг энса тешиги орқали амалга оширилади.

Бироқ марказий ва периферик бўлимлар ҳам асаб тизимининг барча бўлимлари эмас. Яна шунингдек, соматик ва вегетатив бўлимлар ҳам мавжуд. Соматик асаб тизими ўз номида «сома» ўзагига эга бўлиб, бу «тана» деган маънони англатади. Айтиш мумкинки, исми жисмига мос, чунки скелет мушаклари иши учун асосан шу тизим жавоб беради.

Вегетатив асаб тизими, аксинча, ички аъзолар ишини тартибга солади, Устига-устак, буни бир-бирига ўхшамаган қарама-қарши таъсирлар ёрдамида бажаради.

Аникроги, вегетатив асаб тизимиning симпатик ва парасимпатик бўлимлари томонидан амалга оширилади.

Соматик ва вегетатив асаб тизими функцияларига кўра, худди ҳайвонот ва ўсимлик дунёси каби фарқланади. Ҳатто мазкур кичик тизимларнинг номида ҳам «сома» («тана») ва «вегетатика» («ўсимлик») эшитилади ва ёзилади. Ушбу ўхшатишлар уларнинг функционал фаолиятидаги нозик фарқларни яхшироқ тушуниб олишимизга кўмаклашади.

Масалан, кўз, қулоқ ва томоқ фақат ҳайвонда бўлади. Токи ҳаракатланаар экан, у тирик. Танаси мавжуд экан, ўзига емиш топа олади. Ўсимликларда эсаunday эмас – дараҳт қишида баргини тўқади ва баҳоргача унинг учун ҳаёт гўё йўқдек. Аммо токи илдизи бор экан, ўсимлик тирик, синган шохи ўрнига янги новда чиқарди. Ҳатто чопиб ташланган танаси ўрнида янги ниҳол ўсиб чиқиши мумкин.

Соматик асаб тизимига бош мия қобиги, вегетатив асаб тизимига эса мия пўстлоғи остидаги асаб марказлари тегишли. Кундузи соматика, тунда эса вегетатика ҳукмронлик қиласди. Яъни, соматик асаб тизиминг тонуси кундузги вақтда вегетатив асаб тизими тонусига қараганда устунлик қиласди. Буни билсак, нима учун айрим одамларда юрак уриши хуружлари кўпинча тунда содир бўлишини осонгина тушуна оламиз.

Кундузи тана мушаклари вегетатив асаб тизими марказларини қувват билан таъминлаб, нормал ишлаши учун зарурий ресурсга эга бўлиш имконини беради. Шундан кейин жисмоний машқлар қанчалар муҳимлигини эслатиш ўринлимикан! Асабларни зўриқтирувчи ишингиз сизга барибир жисмоний бардамлик учун имкон қолдирмаётган бўлса, кечаси уйқунгиз йўқлиги, кутилмагандага юрагингиз ушлаб қолишига асло ажабланмаймиз.

Айтганча, стресс ҳам соматик асаб тизими орқали юзага келиб, бош мия пўстлоғида кенг қўзғалиш ўчиғи

14 | Асаб тизимингиз саломат бўлсин

пайдо бўлганда ишга тушади. Кўпинча бу қийин ҳал этиладиган ёки умуман ҳал этиб бўлмайдиган ижтимоий вазифалар бўлади. Шундай пайтда организмнинг бошқа барча функциялари гўёки тўхтаб қолади, стресс туфайли вегетатив асаб тизими ўта сусайиб кетади, бутун вужуд қувват манбаисиз қолади. Юксак даъволар, жizzакилик ва тажовузкорлик асаб тизимининг мақбул фаолияти билан асло мувофиқ тушмайди. Бу ҳақда кейинроқ батафсил сўз юритамиз.

Соматик асаб тизими вегетатив асаб тизимидан фарқли равишда бош суяги ва умуртқа билан жуда мустаҳкам ҳимояланган. Вегетатив асаб тизими эса умуртқа билан ёнма-ён жойлашгани учун унга чирмасиб, худди чирмовиқдек умр кечиради. Албатта, суякнинг ғилоф ҳимояси ҳам анча ишончли ҳимоя, лекин вақт ўтиши билан бу ғилофлар тош тобутга айланиб қолади! Чаноқ суяклари ҳаракатчанлигини бутунлай йўқотади, умуртқа поғоналари орасидаги тешиклар ейилиб кетади, кичраяди, атрофини холестерин қоплаб, суяк маҳсулларига тўлиб қолади. Ахир, айнан ушбу тешиклар орқали артеријалар тўғри мияга уланади-ку. Унда нима бўлади? Мияга қон етиб бориши ёмонлашади, етарлича озиқланмагани учун мия чин маънода оч қолади. Бунинг оқибатида соматик асаб тизими ҳам ёмон ишлай бошлайди, юрак бошнинг кўллаб-кувватлашидан маҳрум бўлади, вегетатив тизим ҳам энергиясиз қолади, чунки мушаклар унга қувват бермай қўяди!

Организмдаги бошқарув бошсиз қолади. Кейин эса одам, бу қанчалик ачинарли бўлмасин, микрофлорага ютқаза бошлайди. У одам организмида ўзининг ўсиш ва кўпайиш дастурларини ишга тушира бошлайди, сўнгра гуркираб ривожланади! Шу тариқа касалликлар бошланади.

Фақатгина одам ўз танасига шунчалик аёвсиз зулм ўтказиши мумкин. Доимо банд, аллақандай ижтимоий

муаммолар ечими билан овора одам вегетатив асаб тизими айни шундай дамларда қувватсиз қолишини ва тез ишдан чиқишини унугтиб қўяди. Хўш, бундай муоммала га у қандай жавоб бериши мумкин? Қишида баргини тўқадиган дараҳт эсингиздами? Ҳа, бизни ҳам шундай қисмат кутади: вегетатив асаб тизими мушаклардан қувват олмай қўйгач, «бор-е» дейди-ю, стресс режимини эълон қилиб, ўз қобигига ўралиб олади.

Вужудимиз билан иноқ ва муросасозлиқда яшай ол масак, онгу шууримиз садосини эшитолмасак, ўзимизни тез орада остеохондроз ва тушкунликдан ясалган фиръавн тобутида кўрамиз. Ҳалиям тириқдекмиз-у, лекин дунё кўзимизга қоронғи бўлади!

Ёдда тулинг! Ўзимизни тутишимиз, ҳаракат фаоллиги, ўқиш, ҳимоя, марказий анализаторлар каналлари орқали мухит ҳақида ахборот олишимизни таъминловчи соматик асаб тизими функциялари мия озиқланиши ва унинг суюк ҳимояси сифатига боғлиқ бўлади! Бошни у ёқ бу ёқка бурганда бўйин қисирласа, нима бўпти, шифокорлар, нари борса, остеохондроз ташхисини қўяди, вассалом, деб ўйляяпсизми? Лекин нафақат хондрозга, балки кўникумаларимизга ҳам зиён етади! Ахир жароҳатлар-чи! Болалиқда велосипеддан йиқилмаганмисиз? Митти бошчангизни деворларга уриб олмаганмисиз? Албатта, шундай бўлган! Ҳар қандай жароҳатдан сўнг яллиғланиш ўчоқлари қолади. Улар кейинчалик қон ва лимфа оқими бузилишига сабаб бўлиш мумкин.

1.2. Соматик асаб тизими

Соматик асаб тизими ажойиб бошқарилади: чап томондаги мушаклар бош мия қобигининг ўнг яримшаридан, ўнгдаги мушаклар эса – чап яримшаридан бошқарди. Соматик асаб тизими мушакларни бошқаришдан ташқари, шу мушакларга яқин жойлашган аъзоларга таъсир кўрсатади.

Сиз, масалан, қўл мушаклари ва елка учун жисмоний машқлар қилсангиз, у ҳолда бу билан юракни ҳам озиқлантирасиз! Мушаклар қайси артериядан озиқланса, унга ёндош жойлашган аъзолар ҳам худди шу томирдан озиқланади. Умид қиламизки, шу ондан бошлаб жисмоний машқларга кўпроқ эътибор қаратасиз, китобнинг сўнгги саҳифаларигача ўқиб чиққач эса, ушбу машқларни бајонидил бажаришга киришасиз!

Лекин ҳозир тушуниб олишингиз лозим бўлган асосий масала шундаки, мушакларни озиқлантирувчи соматик асаб тизими орқали ички аъзоларимизни қўллаб-кувватлашимиз мумкин, гарчи улар бутунлай бошқа асаб тизими тасарруфифда, яъни, вегетатив тизим ихтиёрида бўлса ҳам.

Мия регуляциясида тўхталишлар туфайли ички аъзолар озиқланишига путур етганда, бу жуда муҳим аҳамият касб этади. Масалан, остеохондроз дарҳол ўтиб кетмайди, юрак эса доим яхши озуқа олиши керак.

Демак, шифобахш гимнастика фойдаси ҳақида мулоҳазаларимизни ҳозирча тўхтатамиз. Чунки бу ҳақда кеинроқ маҳсус тўхталиб ўтилади. Шундай бўлса-да, енгил бадантарбия машқлари ҳар биримиз учун кундалик одатга айланиши лозимлигини аллақачон тушуниб етдингиз. Бу ҳақда шифокорлар камдан-кам сўз очади. Чунки бунга вақти йўқ, улар касалликни даволаши керак. Сиз билан биз эса қанча мумкин бўлса, шунча вақт соғлом яшашни хоҳлаймиз. Аммо ёдингизга бўлсин, биз бу ерда мураккаб спорт машқлари ҳақида асло сўз юритмадик, чунки бадантарбия машқлари осон ва енгил бўлиши керак. Бунинг аҳамияти катта, чунки баъзан спорт ҳам стресс сабабига айланиши эҳтимолдан йироқ эмас.

1.3. Вегетатив асаб тизими

Энди вегетатив асаб тизими ҳақида сўз юритмадик. У чиндан ҳам организм ўсиши, ўпка ва ичак орқали

қувват олиниши, юрак ритми билан боғлиқ қон айланishi учун жавобгар ҳисобланади. Шунингдек, соматик асаб тизими марказлари томонидан ўзини кутқариш ва кураш учун ишга тушириладиган стресс режимиning рўёбга чиқиши ҳам айнан унинг қўлида.

Лекин одамлар бунга қўпинча лоқайдлик билан қарайди, шунинг учун ичак ва ошқозонда эррозиялар ва нейродержермит пайдо бўлади. Лекин стресс табиати бошқача, айтайлик, ички бўлиши мумкин. Масалан, бош мия жароҳатидан кейин. Худди бузилган телефондек: «майиб бўлган» бош мия бутунлай бошқа буйруқларни беришга тушади.

Вегетатив асаб тизими эса айнан ички аъзолардан келаетган сигналлар асосида фаолият юритиб, томирлар тонуси, қон ва лимфалар ҳаракатини бошқаради. Бунинг устига, ушбу сигналлар шунчалик секинки, доим қаердан пул топиш ҳақида ўй-хаёллар билан банд мия қўпинча уни эшита олиши ҳам даргумон. Албатта, бу ҳазил. Вегетатив асаб тизимини сақлаш, уни оқилона бошқариш масалалари шарқ мамлакатлари, жумладан Хитойда анча ривожланган. Бунга мисол тариқасида биологик фаол нуқталар ҳақида таълимотларни, шунингдек, ажойиб шифобахш восита – игна билан даволашни келтириш мумкин. Энди эса вегетатив асаб тизимининг айрим бўлимларини эслаб қолишга ҳаракат қиласиз: гипоталамус, гипофиз, сайёр асаб, энса соҳасидаги асаб ядроси (бош билан бошқариш), думгаза ядроси (қоннинг юракка қайтиши), юрак ўрилмаси (юрак уришини таъминлаш), кўкрак, қорин ва белдаги асаб тугунлари.

Вегетатив асаб тизими бош миядаги учта соҳага таянади: бош миядаги асаб ядролари, айниқса – сайёр асаб, гипоталамус, гипофиз, эпифиз. Вегетатив асаб тизимини бошқариш аъзолари симметрик ҳисобланади: чап ядролар чапдаги аъзоларни, ўнг ядролар эса ўнгдагини бошқаради.

2015/93	A	Alisher Navoiy nomidagi
3854		O'zbekiston M.K.

Вегетатив асаб тизими томирлар бўйлаб айла-наётган қоннинг ҳажмига, бош мия, умуртқа ва тоснинг сифатига, томоқ, бурун ва пешона бўшлиғи, ўпка, жигарнинг ҳолатига муайян даражада боғлиқ бўлади.

Ушбу асаб тизими иккита кичик бўлимга эга: *симпатик ва парасимпатик*.

1.4. Вегетатив асаб тизимининг симпатик бўлими

Симпатик бўлим иккита ўзак кўринишида умуртқанинг иккала томони бўйлаб жойлашади. Чап ўзак чап томондаги аъзоларни, ўнги эса ўнгдаги аъзоларни озиқлантиради. Жигар, ошқозон ва юрак истисно ҳолни ташкил этиб, улар иккала симпатик ўзак томонидан таъминланади. Агар орқа мия асаблари ҳимоя қатламига эга бўлса, у ҳолда симпатик ўзаклар фаолияти мушкуллашади.

Вегетатив асаб тизими тармоғининг асосий қисми аъзоларда жойлашган, унинг асаб марказлари бош суяги ва умуртқанинг сукр филофидан ташқарига чиқарилган, бевосита умуртқа, бош суяги, артериялар, веналар, ички аъзолар деворларига яқин яшайди ва ишлайди, ўз-ўзидан тушунарлики, вирус ва бактериялар ҳам ўша ерларга ўрнашиб олади. Марказий асаб тизимида жойлашган асаб марказлари умумий ҳимояга эга бўлади: сукр филофлари, гематоэнцефалитик тўсик. Периферик марказлар эса ўзини-ўзи мустақил, яъни, индивидуал ҳимоя қилади. Биринчиси учун чайқалиш, иккинчиси учун эса тошиш (аъзодаги яллиғланишлар унда жойлашган асаб тугунини ишдан чиқаради) хавфли ҳисобланади.

Энди фикримизни бироз чалғитамиз. Шунчаки қизиқ фараз. «Ўзбекчилик» деган гапни ҳаммамиз, аниқроғи, бутун дунё билади, тўғрими? Бу нималигини аниқ билмаймиз-у, лекин ҳис эта оламиз. Шарқона менталитет айнан кўрмаган ва эшитмаган нарсасини ҳам ҳис қила олиш қо-

билиятидан иборат. Бу эса яхши ишловчи меридианлар, биологик фаол нуқталардир. Сезимлардир. Ёдингизда бўлса, вегетатив асаб тизими ҳам шу. Фарб дунёқараши эса ҳайвоний анализаторлар, яъни соматик асаб тизими: кўриш, эшитиш ва ҳидлаш асосига курилган.

1.5. Парасимпатик асаб тизими

Энди эслаб қоламиз: тинч ҳолатда парасимпатик асаб тизими етакчилик қиласи. У кўз қорачигини торайтиради, юрак ритмини секинлаштиради, томирларни кенгайтиради, артериал босимни пасайтиради, безлар секрецияси ва ичак перистальтикасини (ичакларнинг тўлқинсимон керилиш ёки сиқилиш ҳаракатлари) кучайтиради, сфинктерларни бўшаштиради. Ҳаракат пайтида симпатик асаб тизими кучга кириб, қорачиқларни кенгайтиради, юрак уришини тезлаштиради, томирларни торайтиради, артериал босимни оширади, безлар секрецияси ва ичак перистальтикасини сусайтиради, сфинктерларни таранглаштиради.

Вегетатив асаб тизими қўёш ўрилмаси (қоринда туашган вегетатив асаблар тизими), перикардиал, мезентериал ва тос ўрилмаси каби қатор тугунларни ҳосил қиласи. Улар ички аъзо ва тўқималарни асаблар билан таъминлайди. Олий бошқарув гипоталамус ядрои ва лимбик-ретикуляр мажмууда амалга оширилади. Бошқарув психик ва соматик функцияларни интеграция თашдан иборат бўлади. Айтганча, қўрқув, ғазаб ва жаҳл каби ҳиссиётларда симпатик асаб тизими қўзғалган бўлади. Нима учун шундай пайтларда юрак дукиллаб, оғиз қуруқшаб, қорачиқлар кенгайиб кетиши энди тушунарлидир? Агар ўт пуфаги, тўғри ичак ва қовуқни бўшатиш талаб қилинса, парасимпатик асаб тизими фаоллашади. Қонда шакар моддаси камайиб кетганда эса симпатик асаб тизими қўзғалади. Бунда у

20 Асаб тизимингиз саломат бўлсин

буйрак усти безларини стимуллайди, улар эса қонга кўп миқдорда адреналин ажратиб чиқаради. Адреналин жигарга тушиб, гликогенни глюкозага айлантиради ва қондаги шакар миқдори нормаллашади. Организмнинг иш лаёқати симпатик асаб тизимининг тонуси билан бевосита боғлиқ: у қанча юқори бўлса, одам шунча фаол бўлади.

ИККИНЧИ БОБ

ИНСОН РУХИЯТИ ҲАҚИДА

2.1. Асаб тизими ва одам психикаси

Энди асосий мавзумизга сабаб бўлган омиллар ҳақида сўз юритамиз. Асаб тизими одам организмининг нормал фаолиятини таъминлаш учун хизмат қилса, ундаги турли бузилишлар ҳар хил касалликлар билан бирга одам феъл-атворида жиддий ўзгаришларни келтириб чиқади. Шунинг учун одам психикаси, яъни, руҳоний дунёси ҳақида ҳам батафсил маълумотга эга бўлиш лозим.

Айтиш жоизки, одам психикасида теварак олам билан ўзаро таъсирлашув шаклига кўра иккита унсурни ажратиш мумкин – онг ва онгсизлик. Онг – мия акс эттириш қобилиягининг энг олий шакли. Шу туфайли одам ўз фикрлари, ҳис-туйғулари, хатти-ҳаракатлари ва бошқалар ҳақида ўзига ҳисоб бериши, зарурат туғилганда, уларни назорат қилиши мумкин.

Онгсизлик одам психикасида салмоқли улушни ташкил қиласди, ҳар бир психик акт онгсиз бошланади ва кейингина англаб етилади. Турли одатлар, қизиқишлар, интуиция, яъни, организмдаги автоматизм каби онгсиз ҳаракатлар одам психикасининг онгсиз шаклини ташкил қиласди. Одам психикасидаги онгсизлик асосида айрим таълимотлар яратилган. Масалан, З.Фрейд концепцияси. У таклиф қилган психоанализ усули одам хулқ-атворининг ҳақиқий мотивларини шарҳлашга ва

унинг онгсиз ҳаракатларида уларни онгли қилишга имкон беради.

Психик жараёнлар индивидуал саналади ва у турли одамларда турлича намоён бўлиб, шахснинг психик фаолиятини белгилаб берувчи муайян даражадаги фаоллик билан тавсифланади. Бундай белгилар психик ҳолат деб номланади. У масалан, одамдаги илҳомланиш ёки сусткашлик, ишонч, шубҳа, хавотир ёки стресс ва бошқалар билан ифодаланади. Шунингдек, одамнинг психик хусусиятлари деган тушунча ҳам ажратилади. Яъни, ҳар бир шахснинг хулқ-атвори ва фаолиятидаги барқарор белгилар: унинг темпераменти, характеристери, қобилияти ва бошқа психик сифатлари. Демак, одам психикаси яққол индивидуал тафовутларга эга анча мураккаб ва кўп қиррали тизими саналади.

Асаб тизими саломатлигини таъминлашда ўрганиб чиқиш муҳим саналган жиҳатлардан бири ҳиссиёт ҳисобланади. Ҳиссиёт – турли таъсирлар, воқеаларга одамнинг субъектив бошдан кечирилган муносабати бўлиб, роҳатланиш, қувонч ёки қайғу, кўркув, даҳшат, яъни қувончнинг олий даражасидан чукур жароҳатловчи изтиробларгача бўлган кўринишларда намоён бўлади.

Ҳиссиёт одамдаги турли эҳтиёжлар қондирилиши билан чамбарчас боғлиқ бўлиб, улар шахс ривожланишига ижобий таъсир қилиши мумкин. Психиканинг кайфият деб аталувчи жиҳати ҳам ҳиссиётга тўғридан-тўғри алоқадор саналади. Давомийлигига кўра турлича бўлган ушбу ижобий ёки салбий эмоционал фон, одатда, бизнинг жисмоний ва ижтимоий фаровонлик даражамизни, у ёки бу фаолиятда кайфиятимизни акс эттиради.

Эҳтиёжларнинг кам қондирилиши эҳтимоли салбий эмоциялар пайдо бўлишига олиб келиши мумкин, ва аксинча ҳолда – ижобий ҳиссиёт пайдо бўлиш эҳтимоли юқори бўлади. Шундай қилиб, ҳиссиёт ҳодисаларни

баҳолашда муҳим ўрин тутиб, хулқ-автор регуляторлари ҳисобланади ва шартли рефлекслар вужудга келишида мустаҳкамловчи вазифасини бажаради.

Қандайдир таъсирнинг одам ва унинг психикасида салбий акс этиши организмда умумий тизимли реакция – эмоционал стрессни келтириб чиқариши мумкин.

2.2. Стress ҳақида

Фавқулодда таъсир қўзғатувчи ҳаракатлар остида организмнинг умумий зўриқиш ҳолати ва азалий ҳимоя реакциясининг пайдо бўлиши ётади. Ушбу атама ўтган асрнинг ўттизинчи йилларида Г.Селье томонидан таклиф қилинганди. У, аввало, давомий стресс жараёнида (дистресс) организмда кескин ўзгаришларни келтириб чиқарадиган психикамиздаги ҳиссий жиҳатларни тавсифлайди.

Эмоционал стресс мия салбий баҳолаган таъсир ва вазиятлар каби стресс-омиллар томонидан ишга туширилади. Замонавий одамнинг хулқ-авторидаги ижтимоий мотивлар таъсирида одамлар ўртасидаги зиддиятли муносабатлар сингари психоген омиллар деб номланувчи эмоционал зўриқиш стресслари кенг тарқалди. Одамларда ҳаракатланиш фаоллигининг пасайиши, гиподинамия, маълум даражада ортиқча вазн ва бошқалар ҳам стрессда муҳим сабаблардан ҳисобланади.

Стресс ҳолати уч фазага ажратилади. Фазалар давомийлиги организмнинг индивидуал ҳусусиятларига боғлиқ равишда ўзгариши мумкин. Стресснинг биринчи фазасида (босқичида) гипофизга таъсир оқибатида АКТГ гормони – буйрак усти безлари активатори қонга чиқариб ташланади. Бир вақтнинг ўзида симпатик асаб тизими фаоллашиб, юрак фаолияти кучайиши, артериал босим ортиши, қон қуюлувчанлиги ортиши ва бошқаларга олиб келади. Ушбу босқични «хавотирли»

деб ҳам аташади, чунки у организмни стрессга қарши ҳаракатларга сафарбар қиласди, бу эмоционал ҳаяжон билан тавсифланади. Бунда организмнинг турли тизимлари катта зўриқиши билан ишлайди.

Иккинчи – барқарорлик босқичида гормонлар секрецияси муайян даражада стабиллашади, симпатик асаб тизими фаоллашуви эса юқори даражада сақланиб қолади. Айнан шу муайян ишчанлик қобилиятини саклаб туради. Стресс вазиятлар узоқ вақт давом этганда ва организмнинг мослашувчанлик имкониятлари сусайганда учинчи босқичга ўтиш содир бўлиб, уни – тугаш босқичи деб аташади. Бунда ишчанлик қобилияти пасайиб, организм иммунитети пасайиши ва бошқалар кузатилади.

Шундан сўнг ҳам ушбу жараённинг фавқулодда стресс зўриқишилари билан давом этиши организм де-задаптацияси ёки *дистрессга олиб келиши мумкин*.

Дистресс оқибатлари жисмоний (кескин озиш, сурункали касалликлар зўрайиши) ва психологик (депресия, безовталик ва б.) жиҳатдан оғир бўлиши мумкин.

2.3. Руҳият шаклланишига хос айрим хусусиятлар

Маълумки, организмда исталган функция унинг генетик материали, яъни, генлар, жумладан, мияни ривожлантириш дастури ва одамнинг айрим психик хусусиятлари асосида шаклланади.

Муайян мухит шароитида, жумладан, таълим шароитида генетик дастурларнинг амалга ошиши барча унсурларга эга одам психикаси шаклланишига олиб келади. Айнан шу генотип дейилади. Генотип билан атроф-мухитнинг ўзаро таъсирлашуви натижасида морфологик, физиологик ва хулқ-атвор белгилари мажмуми шаклланади, бу фенотип деб номланади.

Психика шаклланишида генетика (ирсият) аҳамиятини билиш муҳим саналади. Бу алоқа, шубҳасиз, организмнинг психик функцияларидаги муайян қобилиятлар ирсийланиши кўринишида мавжуд бўлади. Масалан, ташки муҳит ёки тарбия шароитларига унча боғлиқ бўлмаган фикрлаш жараёнлари характеристи, эътибор, хотира ва бошқаларга таъсир қилувчи асаб тизими фаолиятининг генетик шартланган хусусиятлари. Демак, тушунарлики, ҳар бир одам ўзининг гено-фенотипик хусусиятлари таъсирида фақат ўзига тегишли психологик сифатлар билан фарқланади.

Олий асаб фаолияти турларининг бир қанча таснифлари мавжуд. Улардан энг қадимиysi Гиппократ томонидан таклиф қилинган тасниф бўлиб, унда одамлар тўрт тоифада (темперамент) қайд қилинади: сангвиниклар, холериклар, флегматиклар ва меланхоликлар. Сангвиниклар – вазмин, барқарор психикали ҳаракатчан одамлар; холериклар – таъсирчан, қизиқон одамлар, улар қисқа муддатли ишларни яхши уddaлашади; флегматиклар – мўрт, кам ҳаракат одамлар, секин ўйлашади, аммо ўз мақсадларига эришиш йўлида қатъиятли; меланхоликлар – жуда таъсирчан, кўнгли нозик ва тез толиқадиган одамлар.

Ўтган асрда таниқли физиолог И.П.Павлов Гиппократ таснифи негизида илмий базани келтирди. Унинг асосида ҳаяжон ва тормозланиш жараёнлари, уларнинг баланслашганлиги ва қўзғалувчанлиги ётади. Буюк олим сангвиник, холерик ва флегматик кучли ифодаланган асаб жараёнларига эга олий асаб фаолиятининг кучли турлари деган хulosага келди. Сангвиникларда ҳаяжон ва тормозланиш жараёнлари баланслашган. Холерикларда ҳаяжон жараёнлари устунлик қиласи, флегматикларда – тормозланиш, меланхоликлар учун асаб жараёнлари кучсизлиги характеристи бўлиб, ҳатто энг кучсиз таъсирларга ҳам таъсирчан.

Одамнинг типологик хусусиятларини билиш турмуш тарзи ва умуман ҳаёт фаолиятини шакллантириш жаёнида улардан самарали фойдаланишга имкон беради. Қайд қилинган одамларнинг психологик турлари генетик шартланган, ҳолбуки мухит ўзгаришлари натижасида муайян доирада ўзгариши мумкин деб ҳисобланади. Тарбия (болалик йиллари) ёки ўзини тарбиялаш (балоғат йилларида) орқали одамнинг типологик тавсифидаги айрим нохуш белгиларни камайтириш, психикани мустаҳкамлаш асосида нохуш омилларга, энг аввало, ҳиссий таъсирга чидамли қилиш мумкин.

Шубҳасиз, бу давомий ва машаққатли меҳнатни талаб қиласи, аммо унинг натижаси сарфланган саъй-ҳаракатларни оқлайди. Одам типологик хусусиятларидаги бундай ўзгаришлар (шаклланиш) генетик дастурлар билан атроф-муҳитнинг, аввало, ижтимоий муҳитнинг ўзаро таъсирлашуви натижаси ҳисобланади. Шунинг учун одам ҳаёт тарзини унинг психологик турига мос равишда белгилаш мухим саналади. Индивидуал хусусиятларни билиш ва ҳисобга олиш, одам имкониятларини таҳлили меҳнат фаолиятини ташкил қилишда, таълим-тарбия масалаларида, стресс вазиятларнинг олдини олишда, жумладан, турмуш тарзини шакллантиришда турли муаммоларни четлаб ўтишга имкон беради.

Қайд қилиш жоизки, шахснинг индивидуал психологик хусусиятларидаги барча мураккабликларни тавсифловчи яна қатор таснифлар мавжуд. Масалан, немис тадқиқотчиси К.Юнг ўзининг таснифи асосида тафаккур, эмоция, ҳис-туйғу ва интуиция каби психик функцияларга эҳтиёж, интилиш ва эгаликни таърифлайди. Бунда олим икки тоифали одамларни ажратиб кўрсатади: экстраверталар – уларнинг эҳтиёжлари етарли даражада ташқи омилларга йўналтирилган, улар фаол, чиқишимли, вазиятни ўзгаришишга мойил, беқарор, доим эътибор марказида. Интроверталар – ўз қобиги-

га ўралиб олган одамлар, улар кўпинча ёлғиз яшайди, доим шубҳачи, жуда таъсирчан, бадгумон, зиддиятли вазиятларга дош беролмайди. Шундай қилиб, мазкур психологик тоифалар, аввало, мутаносиб эҳтиёжларга йўналтирилган хулқ-автор ва ҳиссиёт векторлари.

Бошқа тасниф, қадимги Ҳиндистоннинг «Аюрведа» соғломлаштириш тизими психосоматик тоифаларга (вата, питта, капха) асосланган. Уларнинг ҳар бири доша деб номланувчи муайян механизmlар таъсирининг натижаси ҳисобланади. Психосоматика асосидаги бу таълимот нафақат жисмоний ва психик саломатликни, балки барча ҳаётий параметрларни: ўзаро муносабатлар, ишдан қониқиш, маънавий ўсиш, уйғун ижтимоий ўзаро муносабатлар ва бошқаларни юқори даражага кўтаради.

2.4. Асаб тизимида психиканинг жинсий ва ёш хусусиятлари

Эркаклар ва аёллар ўртасидаги психофизиологик тафовут ҳар бир жинс вакили миясининг анатомик-физиологик хусусиятидаги фарқларга боғлиқ. Бу аёлларда, қоидага кўра, миянинг ўнг яримшари билан чамбарчас боғлиқ эмоционал жабҳа яққолпроқ ифодаланганига ҳам ишора қиласди. Эркаклар ва аёллар миясининг функционал хусусиятларидаги фарқлар мутаносиб психикани шакллантиради. Эркаклар ва аёллар психикасидаги тафовутлар бир-бирини инкор қилмайди, балки уларнинг ижтимоий-биологик вазифасидан келиб чиқсан ҳолда тўлдиради. Одатда, қарама-қарши жинс вакилларига тегишли психиканинг қўшимча хусусиятларини ривожланиш учун машқлар ёрдамида соғлом турмуш тарзини шакллантириш ҳар бир одам психикаси имкониятларини оширишга ва иккала жинс вакиллари ўтасида индивидуал муносабатларни оптималлаштиришга замин яратади.

Онтогенезда асаб тизимини шакллантириш муайян генетик дастур бўйича жойлаштирилган мураккаб ва серқирра жараён. Психиканинг шаклланиши она қорнида ривожланиш давридан бошланади. Асаб тизимининг ўзи онтогенезнинг учинчи ҳафтасидаёқ вужудга келади. Олтинчи ойда миянинг барча бўлимлари, жумладан, катта яримшар қобигини фарқлаш мумкин бўлади. Бу даврда мия жадал ўсиш ва ривожланиш босқичида бўлиб, нохуш омилларга жуда таъсирчан ҳисобланади. Мия оғирлиги бола туғилгунга қадар 340-400 граммгача ортади.

Мия ривожланиши билан туғма (шартсиз) рефлекслар механизmlари шаклланади. Бола шулар асосида дунёга келади. Мазкур даврда ҳомила психикаси шаклланишида ташқаридан келаётган турли сигналлар ҳам муҳим ўрин тутади. Бола она қорнидаёқ товушларга, айниқса, онасининг овозига жавоб қайтаришига ишора қилувчи ишонарли тадқиқотлар мавжуд. Бу даврда соғлом турмуш тарзининг барча унсурлари, жумладан, рационал овқатланиш, меъёрий жисмоний юкламалар ва бошқаларга риоя қилиш айниқса муҳим.

Постнатал онтогенезнинг ilk босқичида бош миянинг анатомик ривожланиши давом этади. Бу янги рефлекслар пайдо бўлиши, анализаторлар шакллантириши, хулқ-атвор шакли мураккаблашуви билан бирга кечади. Индивидуал типологик хусусиятлар ҳомила ҳаётининг иккинчи ярим йилида намоён бўлади. Шунинг учун мазкур даврда бола психикаси шаклланиши учун кун тартиби, айниқса, тўлақонли овқатланиш ва онанинг ижобий психоэмоционал ҳолати жуда муҳим.

Эмизикли ёшда (1 ойликдан 1 ёшгача) ва эрта болаликда (1-3 ёшда) психика нормал ривожланиши учун бола билан онанинг яқин мулоқоти муҳим аҳамият касб этади. Бошида мулоқот жисмоний (силаш, теккизиш ва б.) кечади. Кейинчалик уни ҳиссий мулоқот тўлдиради. Болани яхши кўриш ва буни мунтазам равишда намоён

қилиш зарур. Бундай муносабат йўқлиги болада психика ривожланиши бузилишига олиб келиши мумкин.

Эмизикли давр ва эрта болалик ирсият ва муҳит таъсирини яққол намоён қилади. Генетик дастур муайян ривожланиш йўналишини беради, уни мазмунан бойитади. Агар муҳит дастурга номувофиқ бўлса, у ҳолда психик ривожланишнинг мутаносиб варианти амалга ошмай қолиши мумкин. Агар муҳит жонсиз, бола билан мулоқотлар чекланган бўлса, у ҳолда келгусида унинг нутқи ва интеллектуал қобилияtlари жабрланиши мумкин. Шунинг учун нормал психик ривожланишда бола билан оғзаки мулоқот ва кўпроқ ўйнаш алоҳида аҳамият яксиди.

Боланинг 3-6 ёшлик даврида психика ривожланишнинг кейинги босқичига ўтади. Бунда асаб тизимиning тормоз механизmlари маълум даражада такомиллашади. Марказий асаб тизимида анча мураккаб структуравий-функционал ўзгаришлар содир бўлади. Болалар бу ёшда жуда эмоционал бўлса-да, бу эмоциялар бекарор, аффектлар характеристида бўлади. Кейинчалик бу жараён сусаяди ва болаларнинг хулқ-атворида индивидуал мотивацион тизим вужудга келади.

Мазкур даврда бола психикасининг ривожланиш хусусиятлари индивидуал тарбиявий муҳит мавжуд бўлишини талаб қилади. Шунда ирсий дастурлар амалга ошиши учун мақбул шарт-шароитлар яратилади.

Эрта ўсмирлик даври руҳий-психологик кризис билан устма-уст тушади. Муносабатлар тизими ўзгаради. Бу идрок қилиш ўзгаришига олиб келади (ўзини, атрофдагиларни, вазиятни). Боланинг эмоционал-мотивацион жабҳаси мураккаблашади. Бола шу ёшда дуч келиши мумкин бўлган омадсизликлар ўзидан қониқмаслик, хўрлик, хафагарчилик каби ҳис-туйғулар мажмуини шакллантиради. Бу мажмуя таъсири ҳаётнинг кейинги даврларида ҳам сезилиши мумкин.

Ҳаётнинг бу даврида психоэмоционал ҳолат ҳали яхши ривожланмаган, етарлича барқарорликка (айникса тормоз) эга бўлмайди. Шунинг учун болалар узоқ вақт дикқатни жамлаб туришолмайди ва жуда тез чарчади. Агар ақлий зўриқиши кучли бўлса, у ҳолда бу невротизацияга сабаб бўлиши мумкин. Агар бола ўзининг индивидуаллиги бўйича кучсиз ёки таъсирчан тоифага мансуб бўлса, бунинг эҳтимоли ортади.

Шунинг учун болалар ривожланишининг бу даврида уларга алоҳида эҳтиёткорона муносабат талаб қилишини ёдда тутиш зарур. Болаларга қўполлик қилиш, босим, хўрлаш ва ҳақоратлаш ҳали тугал шаклланмаган асаб тизимида турли бузилишларга олиб келиши мумкин.

Мазкур ривожланиш даврининг охирида вазиятларни мантиқий англаш бўйича муайян қобилиятлар шакллана бошлайди. Агар таълим-тарбия жараёнида ушбу ёш давридаги бошқа болалар фонида айрим болаларда психика ривожининг у ёки бу салбий жиҳатлари нағоён бўлса, у ҳолда турмуш тарзини шакллантириш бўйича тўғри амалга оширилган чоралар орқали ижобий натижаларга эришиш мумкин.

Кейинги ёш даври – ўрта ва катта ўсмирлик даври (11-14; 15-18) организмдаги мураккаб ўзгаришлар, аввало, жинсий етилиш ва эндокрин тизимда сезиларли ўзгаришлар билан тавсифланади. Организмда бундай ўзгаришлар тезлиги хилма-хил ва индивидуал кечади. Қиз болалар, маълумки, ўғил болаларга нисбатан тез балоғатга етади. Шунингдек, типологик фарқлар ҳам мавжуд.

Баъзан бу даврда бош миянинг қон таъминотида пасайиш кузатилади. Бу тез толиқиши, кайфият йўклиги, ҳиссий беқарорлик, уйқу бузилишларига олиб келади. Ривожланишнинг бу даврида ўсмирлар ўзини катта ёшли одамдек ҳис қиласди. Баъзан уларни тушунмай қолиш мумкин. Оқибатда зиддиятлар юзага келиб, бу аразлаш, қизиқонлик ва танбехга номақбул жавоб қай-

таришдан ҳатто асаб бузилишлари кабиларда намоён бўлади. Ушбу даврда ҳам ўсмирларга эҳтиёткорона ва ҳурмат билан муносабатда бўлиш айниқса муҳим. Шахс ривожланиши учун барча саъй-ҳаракатларни жалб қилиш зарур. Чунки айнан шу даврда баркамол шахсга хос қобилиятларни шакллантириш мумкин. Хотиржам ва мулоҳазакор оҳанг, у ёки бу муаммони бирга муҳокама қилиш, ўсмир фикрига эътибор ва уни қўллаб-куватлаш шахс шаклланиши учун ижобий асосни мақсадли шакллантиришга имкон беради. Яна бир марта қайд қилиш керакки, ушбу давр охирига келиб одамдаги асаб тизими тўлиқ шаклланади ва тизимлашади.

19-29 ёш даври ижтимоий-психологик ва шахсий жиҳатдан ўзини намоён қилиш давридир. Касбий ва шахсий нуқтаи назардан мустақиллик ҳамда катта меҳнат даражаси сезиларли ошади. Буларнинг ҳаммаси асаб тизими ҳолатида муайян из қолдиради. Шунинг учун ўзининг ҳолатига (соғлиғига) тўғри ва эҳтиёткорона муносабат ҳаётнинг шу давридаги психоэмоционал ҳолатлар бузилишлари билан боғлиқ қатор касалликларнинг олдини олиши мумкин.

Ҳаяжон ва тормозланиш ўртасидаги баланс ўзгариб, тормозланиш томонга сезиларли оғиш кузатилади. Жавоб реакцияси ва фикрлаш жараёнлари тезлиги аста-секин камаяди. Ўрта ва катта ёшли одамларда ҳатто яққол фаол асаб жараёнлари кузатилса-да, мавжуд стереотиплар ўзгариши мураккаб кечади. Бу жараёнлар катта ҳаётий тажрибага боғлиқ равишда реакцияни танлаш аниқлиги ортиши билан компенсацияланади.

Шубҳасиз, ёш ўзгаришлари шахснинг индивидуал хусусиятларига таъсир кўрсатади, шу билан бирга, агар организм ҳаёт давомида ўз шахсиятини мунтазам такомиллаштириш ва ижобий шакллантиришга йўналтирилган бўлса, кўпинча индивидуал типологик параметрлар ёш параметрларининг ўрнини тўлдиради.

2.5. Асаб саломатлигининг психологик жиҳатлари

Мазкур жиҳат турмуш тарзини шакллантиришда бевосита одамнинг психик саломатлиги билан боғлиқ. У нормал (мақбул) одам организмида психоэмоционал жараёнлар кечиши билан тавсифланади, яъни, эътибор, идрок қилиш, хотира, таъсиранлик, эмоционаллик каби барча таркибий қисмлари муайян ижобий тенденцияга эга бўлади.

Руҳий саломатлик учун қуйидагилар характерли кўрсаткичлар ҳисобланади: руҳий ёки психосоматик касалликлар йўқлиги; ёш жиҳатидан психиканинг нормал шаклланиши; одамнинг нормал психоэмоционал ҳолати.

Шунинг учун ижобий психоэмоционал ҳолат, энг аввало, одам психикасининг унинг ёшига мос уйғун ривожланиши, шунингдек, ҳаёт фаолиятининг турли жабҳаларида олдида турган вазифаларни самарали бажаришидир. Ақлий лаёқат психиканинг функционал ҳолатларининг етакчи кўрсаткичларидан бири ҳисобланаб, унинг идрок, эътибор, хотира ва бошқа асосий тавсифларини интеграциялади.

Демак, юқори ақлий лаёқат – одамнинг психоэмоционал ҳолатининг асосий кўрсаткичларидан бири (руҳий саломатлик) ва умуман, организмнинг мақбул функционал ҳолатининг муҳим индикатори.

Соғлом психика учун турли ҳодисалар, воқеалар, фактларга барқарор жавоб реакцияси сифатида ижобий эмоционал ҳолат характерли. Қувонч, ғам, хавотир, ғазаб, бетоқатлик каби эмоционал ҳолатлар кайфият, эмоционал фонни ифодалаб, одам ҳаёти барча унсурлари билан бирга шунинг асосига қурилган. Эмоционал ҳолат руҳий саломатликка фаол таъсири кўрсатади ва унинг ишончли индикатори ҳисобланади, шунинг учун салбий эмоционал ҳолат руҳий саломатлик, умуман, одам саломатлиги ёмонлашуви кўрсаткичидир. Оқибат сифатида салбий

ҳиссиёт неврозларни чақиради – бу олий асаб фраолияти бузилишидир. Невроз функционал касаллик ҳисобланса-да, шунга қарамай, бу ҳолатга кўп тушиш чукур депрессиялар ва асаб тизимида жиддий ўзгаришларга олиб келиши мумкин. Неврозлар турли типларга ажратилади: *истерия, психастения, шунингдек, неврастения* типи бўйича ривожланиши мумкин. Невроз типларининг ҳар бири характерли хусусиятлар, симптоматика, учраш частотасига эга. Кўпроқ муайян психоэмоционал хусусиятлар мавжуд шахсларда қайд қилинади.

Масалан, неврастения (астеник невроз) юқори таъсирчанлик ва серзардалик бирикмаси бўлиб, бунда фаол эътиборнинг тез сўниши кузатилади. Шунингдек, у толиқиш ва кайфият йўқлиги билан тавсифланади. Пировардида, невроз – бу психологик ҳимоя механизмлари етарлича юқори самарали бўлмай, стресс вазиятларда хулқ-атворда пассивлик кузатилган шароитда мотивларнинг ҳал қилинмаган ички зиддиятлари оқибати саналади.

Ҳозирги ташвишли дунёда неврозлар тобора кўпроқ учрамоқда. Бинобарин, у қайсиdir маънода цивилизация касаллиги ҳисобланади. Айниқса, бу ҳаётнинг ўсмирилик даврига алоқадор. Мактаб давридан бошлаб психологик юкламалари ортиб борган ёшларда юкламалар номутаносиблиги кўпинча зўриқиш ва невротик бузилишларга сабаб бўлади.

Ҳозирги дунёда аҳолининг барчаси психологик бузилишлардан тез-тез азият чекмоқда. Соғлиқни сақлашнинг бирламчи бўғинига невроз ташхиси билан мурожаат қилаётганлар сони борган сари кўпаймоқда.

Сўнгги ўйнилликларда тараққиётнинг янги ижтиёмий-иқтисодий йўлига ўтишга боғлиқ равишда бозор муносабатлари одамларнинг ўзаро муносабатларини сезиларли даражада ўзгартирди. Улар етарлича мурракаблашди. Маълум даражада қадриятларни қайта

баҳолаш содир бўлди. Буларнинг барчаси аҳолининг психоэмоционал ҳолатида, хусусан, уларнинг руҳий саломатлигида сезиларли из қолдирди.

Руҳий саломатлик ҳолатига ташқи муҳитдаги жиддий ўзгаришлар, турли атмосфера катаклизмалари билан бирга содир бўлувчи экологик омиллар маълум дараҷада таъсир қиласи. Улар организмнинг психоэмоционал ҳолатига салбий таъсир ўтказади.

Ҳозирги вақтда асаб тизимиға салбий таъсирлар орасида оммавий ахборотлар воситалари ҳам муҳим ўрин тутади. Уларда тажовузкор ва даҳшатли саҳналар истаганча топилади. Бу эса нафақат болаларда, балки катта ёшли одамларда ҳам нормал бўлмаган дунёқарашни шакллантиради.

Бугунги дунёда одам шундай вазиятда қолиб кетганки, психикасининг мослашувчанлик имкониятлари мунтазам равишда ошиб борувчи замонавий ҳаёт талабларидан ортда қолмоқда. Саломатлик, жумладан, руҳий соҳалар ёмонлашуви белгиси лаёқат пасайиши ҳисобланади. У руҳий саломатликни баҳолашда муҳим оралиқ кўрсаткичdir.

Умуман, руҳий саломатлик ҳолатини назорат қилиш учун баҳолашнинг айрим оддий усусларидан фойдаланиш зарур. Масалан, муайян ишдан сўнг лаёқат тикланиши вақти давомийлигини ошириш. Тананинг турли соҳаларида ноқулайлик ҳис қилиш, эзилган ҳолат, бебабаб қўркув ва бошқалар. Руҳий саломатликнинг ижобий кўрсаткичларидан бири одам ҳаёт фаолиятининг муҳим унсури сифатида тўлақонли уйқу ҳисобланади.

Бинобарин, ҳозирги пайтда эмоционал стресслардан ҳимояланиш янада мураккаблашмоқда, шунинг учун индивидуал даражада ва умуман жамиятда психологик адаптацияни ривожлантириш учун максимал шароитлар яратиш зарур.

Қадим замонлардан бўён инсоният мунтазам равишда ўзига савол бериб, ҳаёт қисқа ва бир марта-

гина берилишини таъкидлайди. Аммо аслида ҳаётга, ўзимизга, атрофдагиларга қандай муносабатдамиз? Ахир, ўз соғлиғимизни ҳам беҳуда бой беряпмиз-ку. Саломатликнинг психологик жиҳати бизни мунтазам масъул бўлишга, соғлиқни сақлаш ва мустаҳкамлашга ундейди. Шахс психологик жиҳатларини шакллантириш билан бирга маънавиятни юксалтириш ҳаётий вазиятларга ижобий муносабатда бўлишга ва қадимгилар айтгандек роҳатланиб яшашга (лекин роҳатланиш учун эмас) имкон беради.

Бунга ўрганиш мумкин ва шарт, гарчи одам ҳаёт фаолияти жараёнида мунтазам, ҳар кунлик саъй-ҳаракатларни талаб қилса ҳам. Ҳар бир кундан, табиатдан, об-ҳаводан, ишдан, бизни ўраб турган одамлардан қувонишни ўрганиш керак. Бошқача айтганда, ҳаёт бизга берилган илоҳий неъмат. Бунинг учун беҳад хурсанд ва миннатдор бўлишимиз керак. Роҳатланиб яшаш учун, аввало, ўзимизни жуда синчков, чуқур ўрганишимиз, барча заиф ва кучли жиҳатларимизни англашимиз, ўз хатти-ҳаракатларимизни мунтазам таҳлил қилишимиз зарур.

Гапнинг индаллоси, ҳаёт мазмуни ҳақида азалдан мерос қолган саволга мазмунли яшаш деган жавобни айта олиш керак! Ана шунда ҳар бир ўтган кун олдингисига асло ўхшамайди. Серқурра турмушингизда Сизга яхши кайфият ва беҳисоб баҳтли ҳиссиётлар бағишлиайди.

Аксарият ҳолларда шунинг ўзи психологик жиҳатни ташкил үилиб, уни мунтазам шакллантириш ва такомиллаштириш лозим. Шундай ёндашувлардан бири «тафаккурда эврилиш» самараси деб номланади. У муаммони ҳал қилишнинг бетакрор шакли. Бошида орзу-умидларингизни эришиш мумкин бўлган даражадан анча юқорига қўясиз, кейин эса уларни рўёбга чиқариш йўлларини излай бошлайсиз. Масалан, агар биз яна эскича ўйлашни давом этсак, у ҳолда зару-

ратга кўра ихтиёрий ишни яхшилаш аввалгидан нари борса 5-10% яхшироқ бўлиши мумкин. Бироқ натижани бир неча марта яхшилаш учун қамровни шунчалик кенг олиш керакки, одамлар шундай дейишсин: бундай яхшилаш учун масалани бутунлай бошқача ҳал этиш талаб қилинади.

Саломатлик ва ҳаётга муносабат бир неча марта яхши бўлиши учун янада чуқур концепциялар ва ҳаётни англашга асосланган янги ёндашувлар зарур. Бунинг асосида жуда муҳим икки хулоса ётади: табиат билан уйғунликда яшаш, яъни, «мукаммал саломатлик мукаммал мувозанатга боғлиқ». Иккинчиси: «инсон ўз онгини ўзгартириб, ўз ҳаётини ўзгартириши мумкин». Буларнинг ҳаммаси организмнинг катта (ҳали очилмаган) имкониятларидан яна бир марта гувоҳлик беради. Муҳими, онгсиз равишда саломатлик яратиш мумкин ва лозим.

Инсоният бизни қизиқтирган муаммолар бўйича улкан тажриба тўплаган. Руҳий саломатлик, яъни, асаб тизимини такомиллаштириш йўллари Қадимги Ҳиндистон, Хитой ва Тибет тиббиётигача бориб тақалади. Масалан, қадимги ҳинд таълимоти Аюрведада пракрити деган тушунча келтирилади. У одамнинг психофизиологик турини таърифлайди. Унга онг (руҳ) ва тана (физиология, соматика) киритилади. Бундан онг ва тана билан боғлиқ одамларнинг турли тоифалари тушунчаси вужудга келиб, таълимотда улар доша сифатида тавсифланади. Ҳар бир одам ўз дошасига эга (Вата, Пита, Капха). Дошалар ўртасидаги дисбаланс онг ва тана ёмон мувофиқлаштирилганинг биринчи белгиси. Дошалардан қай бирига мансуб эканингизни билиш парҳезни, жисмоний юкламани, кун тартибини тўғри танлаш, эътиборни у ёки бу муаммога қаратиш, бошқача айтганда, ижобий ҳаёт тарзини тартибга солишингизга ёрдам беради.

Организмда мувозанат сақлашни ва онгингиз баланслашганлигини яхшилаш учун қадимги таълимот аутотренинг турларидан бири сифатида медитациядан фойдаланишин тавсия қиласди. Трансцендентал медитация, тадқиқотлар кўрсатишича, оддий ақлий муолажа сифатида саломатлик ва аввало, унинг психологик таркибий қисмларини яхшилаш, безовталик даражасини пасайтириш ҳамда иш ва ўқишида унумдорлик даражасини яхшилашга имкон беради. Бу дастур ақлий ва жисмоний стрессни камайтиради. Инсоний муносабатларда уйғунликка олиб келувчи ички қониқиш ҳиссини ривожлантиради. Бошқача айтганда, «квант энергияси» орқали медитация организм ҳолатини баланслаштириб, уни янада оптимал ва юқори даражага олиб чиқиш имконини беради.

Одамнинг психологик статусини яхшилашнинг яна кўплаб ёндашувлари ва воситалари мавжуд. Масалан, жисмоний юкламалар, хусусан, ҳаракатлар одамдаги ақлий лаёқат тикланиши учун қудратли омиллардан бири ҳисобланади. Уйқу ҳам муҳим функция бўлиб, саломатликнинг психологик жиҳати учун улкан аҳамиятга эга. Уйқу кучни тиклайди. Организмга ақлий ва жисмоний зўриқишлардан дам олиш имконини яратади. Бир вақтда ётиб, бир вақтга туришга одатланилган уйқуни ташкил қилиш ва тузилмасига ижобий таъсир қиласди. Бу муайян ва ижобий ҳаёт стереотипларини шакллантиради.

Психикани ижобий шакллантириш, уни ривожлантириш ва керакли даражада ушлаб туриш оддий жараён эмас. Айниқса, ўсиб келаётган авлодга нисбатан мунтазам эътибор ва катта жавобгарлик талаб қилинади.

Саломатликнинг психологик жиҳатдан имкониятлари шундай: улар ижобий ёндашувни шакллантиришда кўплаб қарашлардан фойдаланган ҳолда ҳаёт тарзини

ўзгартиради. Бизнинг «роҳатланиб яшанг» деган иборамизни қўллаган ҳолда исталган ёшда ўз ҳаётингизни қулай қилишингиз мумкин! Шуни унумтмангки, агар стресс билан курашишни ўрганиб олсан, барча касалликларнинг 55% и ўз-ўзидан бартараф этилади.

Шубҳасиз, одам саломатлигининг психологик жиҳатлари ҳозирги пайтда жуда муҳим, соғлиқни сақлаш ва мустаҳкамлаш тизимида етакчи бўғинлардан бири саналади. Ушбу жиҳат организмнинг бизни ўраб турган табият ва ижтимоий муҳит билан динамик мувозанатини таъминлайди, шунинг учун ушбу жараён бузилишлари ўз-ўзидан бу мувозанатга путур етказади. Ушбу қонуниятларни билиш захира имкониятлар ортишини ҳисобга олган ҳолда одамнинг психологик имкониятларини ривожлантириш ва такомиллаштириш бўйича тавсиялар ишлаб чиқишига имкон беради.

Шундай қилиб, яна бир марта қайд қилиш зарурки, одам ўзининг ҳис-туйғулари, эмоциялари, сезгилари ва идрок қилишида индивидуал бўлгани ҳолда ўзининг яратувчанлик ва ижодкорлик имкониятларини ёрқин ифодалаш, ижобий ҳаётни шакллантириш учун шарт-шароитларни аниқлаш, ўзини ҳар куни такомиллаштиришга қодир. Шунда унга ҳаёт сифати ва узоқ умр кафолатланган.

Замонавий илғор одамда сабрлилик, қайғуриш ҳисси, хушмуомалалик, хайриҳоҳлик, тартиблилик, ҳасад йўқлиги ва бошқа қатор ижобий сифатлар каби одам саломатлигининг психологик жиҳатлари мужассамлашган бўларди.

Стресс вазиятларни назоратда ушлаб туриш қобилияти сизга бебаҳо фойда келтиради, ҳаётий дунёқарашни кенгайтиришингизга, танишлар, дўстлар ва суюкли инсонлар билан ўзаро мустаҳкам муносабатларни йўлга қўйишингизга ёрдам беради. Асосийси – бу мутлақо

мураккаб эмас. Шундай экан, стрессларни бошқариши ни ўрганинг. Шунда у сизга соғлом ва узоқ ҳаёт билан жавоб қайтаради.

Японларда стрессни камайтириш учун учта «олтин қоида» бор: сизга кимдир жаҳл қилса, кулинг; – кулинг ва таъзим қилинг, таъзим қилганда чуқур нафас олиб, сўнгра чиқаринг; ҳақоратга жавобан – гапингизни тушунмаяпман дея жавоб қайтаринг (уларни ростдан ҳам «тушунманг»).

Антистресс дастур. Таклиф этилаётган антистресс дастур умумлашма характерга эга. Ижобий психоэмоционал ҳолатни шакллантириш бўйича кўпчиликка фойдали бўлиши мумкин.

1. Бир вақтда ётиб, бир вақтда туришга одатлашинг, уйқу камида 7-8 соат давом этиши лозим.

2. Айрим эрталабки ишларни кечқурун саранжомлашга ҳаракат қилинг, бу тонгни шошилмасдан ўтказишга имкон беради.

3. Барча ёшдагилар учун эрталабки бадантарбия тавсия қилинади. У индивидуал ва ҳар ким ўзи хоҳлаган жисмоний юкламани танлаши мумкин, шундан сўнг албатта сув муолажаси олиш керак (душ, бассейн). Уйқу олдидан 10-15 дақиқа сайд қилинг.

4. Хотирангизга ишониб қолмай, кундалик дафтар тутинг. Унга бир кунлик ёки анча кейин қилиш режалаштирилган ишларингизни ёзib қўйишингиз мумкин.

5. Агар бугунга нимадир режалаштирилган бўлса, уни шу куннинг ўзида бажаришга ҳаракат қилинг. Бугунги ишни эртага қолдирманг. Бу асаб зўриқишига манба бўлиб хизмат қилиши мумкин.

6. Уйда ҳеч нарса ғашингизга тегмаслиги керак, ишламайдиган ускуналар, йиғиштирилмаган хоналар, беўхшов интеръер ва бошқа кайфиятни бузувчи эҳтимолий атрибуллар. Уларни вақтида тузатиш, ўйлаб топиш ва «жон киритиш» зарур.

40 Асаб тизимингиз саломат бўлсин

7. Ҳар оқшом кун якуни бўйича таҳлил қилинг. Ўтган кундаги барча вазиятларни мантиқан ўйланг. Омадларингизни санаб чиқинг. Балки ниманидир ҳисобга олмагандирсиз. Вазиятга ижобий баҳо беришга ҳаракат қилинг. Яхши нарсаларни ўйлаш кайфиятингизни кўтаради.

8. Беташвиш ва бегам одамлар билан дўстлашишига ҳаракат қилинг. Айниқса бу касалликларга тааллуқли. Кайфияти ва касаллигидан жуда ташвишманд айрим одамлар доим шу ҳақда нолиб юради. Ўзининг касалликлари ҳақида гапириш қизиқарли машғулот эмас. Бу ҳақда камроқ ўртоқлашишига ҳаракат қилинг. Гаплашганда ҳам фақат энг яқин инсонлар билан гаплашинг.

9. Ҳамма нарсада тизим бўлиши керак, уйда муайян тартиб ўрнатинг, ишхонада ишлар, ҳужжатлар ва бошқалар тартибсиз бўлишига йўл қўйманг.

10. Чуқур ва секин нафас олинг. Одам стрессни ҳис қилганда, тез ва юзаки нафас олади. Мушакларни бўшашибириш керак ва агар стресс вазиятни ҳис қилган бўлсанг, бир неча марта чуқур-чуқур нафас олинг. Медитацияга ўрганиши тавсия қилинади. Бу ўз психоэмоционал ҳолатингизни сезиларли даражада тартибга солишига имкон беради.

11. Вақти-вақти билан ташқи кўринишингизга оро беринг. Агар кўринишингиз яхши бўлса, бу кайфиятингизни кўтаради. Сўнгги урфдаги соч турмаги, башанг костюм ёки кўйлак сизга етишмаётган ўша ҳаёт тонусини бериши мумкин. Бу ўзини қадрлаш ҳиссини яхшилайди.

12. Кундалик ҳаётингиздан: «энди бунга қарилек қиласман» ёки «бунга семизлигим ҳалақит беради» қабилидаги фикрларни чиқариб ташланг. Атрофдаги барча нарсаларни ижобий баҳолаб, кўпроқ кулиш ва қувониш керак.

13. Кофөин миқдорини камайтиринг. Қаҳва ва бошқа тетиклантирувчи ичимликлар худди тамаки ва гиёҳванд каби стрессни кучайтиради. Камроқ шириналлик истеъмол қилиш тавсия қилинади. Бу билан стресс ривожланишига йўл қўйилмайди.

14. Ҳар куни кичик байрамлар уюштиринг, айниқса, дам олиш кунлари. Доимий бир хиллик ҳаётни зерикарли маромга киритиб қўяди. Театрлар, кино, кўргазмалар, шаҳар ташқарисига саёҳатлар, ҳамто уйдаги жиҳозлар ўрнини алмаштириш ҳам кайфиятга ижобий таъсир қиласи. Ўзингиз учун қониқарли бўлган ҳаёт тарзи ва тартибини ишлаб чиқинг.

15. Кечиринг ва унунинг. Нолиманг, минғирламанг, бошқалардан норози бўлманг. Сиз яшаётган олам ва атрофингиздаги одамлар мукаммал эмаслигини тан олинг. Аксарият одамлар нимадир қилса, буни имкон қадар яхшироқ қилишга интилишига ишонинг.

16. Диққат-эътиборингизни ҳаётнинг ёрқин томонларига қаратинг. Ташибиш-хавотир ҳақида сухбатларни рад қилинг.

17. Стрессни камайтиришининг энг яхши усули – чалғиши ҳисобланади. Контраст душ, ёқумли сухбатдош, яхши кинофильм, китоблар, ОАВдаги кўрсатувлар жуда яхши ёрдам беради.

18. Атрофдагилар билан яхши муносабатда бўлишга интилиб, «бадҳазм», муросасиз одамлар билан дўстлашмасликка ҳаракат қилинг. Ўзингиз ёқтирмаған одамлар билан учрашишдан қочинг.

19. Қандай мураккаб ҳаётий вазиятга тушиб қолманг, ўйлаб кўринг, курашишга арзийдими? Агар ёқумсиз иш кутиб турган бўлса, уни ҳал қилишни кейинга қолдирманг.

20. Дам олиб, яна қайта яшашни бошланг. Ҳар бир кундан, қуёшдан, табиатдан ва атрофингиздаги муҳитдан қувонинг. Кўпроқ кулинг, юзингиздан нур

42 Асаб тизимингиз саломат бўлсин

ёғилиб турсин. «Очиқ юз ва эзгу фикрлар» стрессни йўқотишида ёрдам беради. Ҳаётдан кўпроқ қувониш ва ҳазил-мутойиба яхши кайфиятда юришингизни таъминлайди. Захираларингизни англаб, кашф этишдан чарчаманг. Axır ular чексиз!

УЧИНЧИ БОБ

ДИСТОНИЯ – ДАВОСИ БОР «БЕДАВО ДАРД»

Биз китобнинг олдинги саҳифаларида асаб тизими-миз қандай тузилгани ва қандай ишлаши, аникрофи, қандай ишлаши лозимлиги, шунингдек, одам психикасини шакллантирувчи ва мустаҳкамловчи омиллар ҳамда уларнинг ёшга хос хусусиятлари, асаб тизими саломатлигига путур етказувчи айрим салбий ҳолатлар ҳақида атрофлича танишиб чиқдик.

Шундай экан, йўқ жойдан касаллик орттириб олиш ҳам, касаллиқдан йироқ юриш ҳам қанчалар осонлигини тушуниб турибсиз. Олдинроқ келтирилган мисолни эслаб кўринг: бир эркак ортиқча ҳаяжонга берилгани, яъни, зарда, жаҳл, маъюслик ва ҳоказолар туфайли хасталангач, ўзини бедаво дардга йўлиққандек ҳис қиласди. Чунки улардан кейин пайдо бўлган стресс асабларни емиришга киришган. Энди биз асаб тизимида шундай дастурларни ишга туширадиган жой қаер эканини биламиш – бу гипоталамус, яна лимбик-ретикуляр тўқима мажмуаси. Буларнинг бари бош миянинг ўзак қисмида ва улар вегетатив асаб тизимининг гўёки марказий бошқарувчилари.

Шу тариқа, гипоталамус иши бузилганда, вегетатив-томир дисфункцияси ривожланади. Буни дистония ёки хаос сифатида тавсифлаш мумкин.

Вегетатив-томир бузилишлари ёғ, сув ва туз алмашинуви бузилишлари шаклидаги енгил эндокрин-ал машинув бузилишлари, иштаҳа йўқолиши, қалқонси-

мон без функцияларидаги айрим ўзгаришлар, уйқу ва уйғоқлик бузилиши (уйқусизлик ёки уйқучанлик) кабиларга олиб келади. Бундай дистонияда симптомлар кўп сонли бўлиши мумкин ва бу тушунарли, ахир бутун организм фаолияти учун жавобгар марказлар ишдан чиқкан. Бундан ташқари, вегетатив-томир дистонияси турли ёш даврларида турлича намоён бўлади.

Масалан, болалиқда вегетив-томир дистонияси ошқозон-ичак тракти дискинезияси ёки боланинг яллигланиш белгиларисиз иситмалаши билан кузатилиши мумкин. Айтайлик, бола ҳаяжонланди ёки югурди-ўйнади, кейин бундан чарчади, қорни оғриб қолди, иситмаси кўтарилиди, лекин унча кучлимас $-37,2\text{--}37,5^{\circ}\text{C}$, шунга қарамай, у барибир безовталаняпти, тумшайиб олганча ҳиқиллашга тушди. Бироз вақт ўтади, бола дам олади, тинчланади, яна боягидек қувноқ ва соппа-соғ, тутқич бермай ўйнашга тушади.

Ўсмирлик ёшида эса бу анча жиддий бўлиши мумкин. Масалан, иссиқ, ҳаво димлиги, қонни кўриш ёки қўркув туфайли ҳушдан кетиш. Умуман, айтиш керакки, бундай болалар жуда таъсирчан, ҳиссиётли, кўнгли нозик бўлади. Улар ўзига алоҳида ёндашувни талаб қилали, уларга қаттиқ гапириш мумкин эмас, акс ҳолда, шунинг ўзигаёқ бирдан оғриб қолишади. Барча одамлар эътибор ва асраб-авайлашга лойик эканлиги тушунарли, лекин биз шундай ҳоллар ҳақида сўз юритяпмизки, масалан, қилган иши учун болани қаттиқроқ койишса ёки шапалоқ уришса, иситмаси бирдан 38°C гача кўтарилиб кетади. Бошқаси эса болалар боғчасига биринчи борган кунида шу аҳволга тушиб қолади. Бундай болалар учун кун тартиби жуда муҳим. Ҳар куни бир вақтда туриб, бир вақтда овқатланиши, сайр қилиши керак. Мактаб ўқувчилари учун интеллектуал юкламалар меъёридан ошмаслиги муҳим аҳамият касб этиб, кўриш анализатори толикишидан фақат шугина асраб қолиши мумкин.

Бундай болалар учун спорт билан шуғулланиш тўғри келмайди! Фақат енгил ва қулай жисмоний машқлар бажариши мумкин. Шунингдек, одамлар гавжум ва ҳавоси бузилган жойларга имкон қадар камроқ бориш, қуёшнинг тик нурларидан болани асраш лозим. Жумбоқлардан яна бири шундан иборатки, болага ғамхўрлик ҳам уни қаттиқ чарчатиб қўйиши мумкин. Яна бир бор эслатаман, бу болалар ўзгача, улар руҳшунос мададига муҳтож, жумладан, бундай ёрдам уларнинг яқинларига ҳам ортиқчалик қилмайди.

Вегетив-томир дистонияси, таъбир жоиз бўлса, ўзининг бутун тароватини намоён қилиши мумкин бўлган кейинги давр – аёллардаги гормонал сўниш даври, яъни, ҳайз кўришнинг якуний палласи. Бунда аёл ўзини исиб кетгандек ҳис қиласи ва шу заҳоти терлай бошлияди. Ёки бундан ҳам ноҳушроғи, тер бадандан сув бўлиб оқади, қизил доғлар пайдо бўлади.

Бош мия жароҳатланганда, миянинг ҳар қандай патологиясида вегетатив-томир дистонияси симптомлари ҳам бўлади.

Ҳатто аллергияларда ҳам кўпинча симпатоадренал кризлар кузатилади. Неврозда эса вегетив-томир дистонияси ўзини айниқса ўжар тутиб, ҳаммаёқни алғовдалғов қиласи! «Кайфияти бузуқ» деган иборалар ҳам бежиз қулоққа чалинмайди! Бундай ҳолларда, шубҳасиз, курсанд бўлиш учун асос йўқ: юрак, бир қарасангиз, сизни гўё ит қувлаётгандек дукиллаб ура бошлияди, яна бир қарасангиз, ҳар дақиқада аранг 50 та уриб қўяди. Шунда ҳам юрак уриши равон бўлмайди. Гоҳида ҳаво етишмаслигидан қийналиб, оғизни катта-катта очиб нафас олишга тушасиз. Ёки қоқ ярим тунда бирдан сапчиб уйғонасиз, гўё ҳозир бўғилиб ўлиб қоладигандек. Кейин ўзингизга келиб олгунча, қўрқувдан дағдағ титрайсиз! Буларнинг ҳаммаси сабабчи эса атиги кундузги асаббузарликлар. Тунда вегетатив асаб ти-

зимининг тонуси ортиб, шундай ёқимсиз хуруж содир бўлган.

Энди биз вегетив-томир дистониянинг айнан хуружлар кўринишида кечадиган шакллари ҳақида сўз юритамиз, уларнинг пароксизмлар деган бошқа номи ҳам бор. Бундай хуружларда қаттиқ кўркув кузатилади, шунинг учун саросима бузилишлари деб аталиб, дистониянинг пароксизмал шаклларига киритилади, яъни, тўсатдан бошланади ва шундай ғойиб бўлади.

Мазкур хуружларнинг симптомлари терапия ва психиатрияда мутлақо турлича тавсифланади, шунинг учун ҳам турлича даволанади. Сиз билан биз эса, ҳурматли китобхон, нажотни ўзимиздан қидирамиз. Бунинг учун, аввало, терапия ва психиатрияга оид китобларда ушбу хуружларга қандай тавсиф берилганини ўрганиб чиқамиз. Сендан ҳаракат, мендан баракат – шундай эмасми?

Саросима бузилишига ташхис қўйиш учун психиатр қўйидаги маълумотларни олиши керак: саросима хуружлари ноаниқ, қандайдир муайян вазият билан чекланиб қолмаган, ўлимдан қўрқиш ва ўзини идора қилолмаслик ҳоллари қайд қилинади. Саросима илк бор юз берган вазиятдан қочиш кузатилади. Ёлғизлиқдан, одамлар гавжум жойлардан, такрорий саросима хуружларидан қўрқиш юзага келади. Бундай хуружлар объектив хавф билан боғлиқ бўлмаган вазиятларда юзага келади. Вақти-вақти билан тинчланиб, хавотирдан ҳоли бўлади.

Энди худди шу ҳол терапевтлар ва невропатологлар учун китобларда қандай баён қилинганини кўриб чиқамиз. Пароксизмлар кўпинча куннинг иккинчи ярмида юзага келади: лоҳаслик ва ҳорғинлик пайдо бўлади. Хуружлар ойига 1-2 марта, ҳафтасига ёки ҳар куни қайд қилиниши мумкин. Давомийлиги: 15-30 дақиқадан 2-3 соатгача. Улар симпатоадренал, вагоинсуляр ва аралаш турларга бўли-

нади. Аралаш ҳолда бир кризнинг симптомлари бошқаси билан алмашади.

Симпатоадренал кризлар тўсатдан, қўпинча бош оғриғи пайдо бўлиши ёки кучайиши билан юзага кела-ди. Бемор ўзини нафас етишмаётгандек, худди ҳозир жон берадигандек ҳис қиласиди. Юрак урганда ўқтин-ўқтин оғриқлар сезилади. Қўл-оёқлар совқотиб уви-шиши, кескин оқариб кетиши мумкин. Титроқ, ўлимдан қўрқиш пайдо бўлади. Артериал систолик босим 150-180 гача, диастолик 90-110 гача кўтарилади. Юрак ури-ши дақиқасига 110-140 та, тана ҳарорати 38-39°C. Кўп пешоб чиқаради.

Вагоинсуляр криз бошланганда, дастлаб юрак гўё тўхтаб қолгандек туйилади, «юзга қон кўпчийди», нафас бўғилади, чукур нафас олиш қийинлашади, мия ғовлаб, бош оғирлашади, кўнгил айниши, бош айланиши, уму-мий ҳолсизлик ва тез-тез терлаш кузатилади. Артериал систолик босим 90-60, диастолик 80-55, пульс – дақиқа-сига 50-45 та. Ичак перистальтикаси кучаяди, ич кетиш белгилари пайдо бўлиб, bemor ичбуруғдан азият чека-ди. Қичитқи ёки Квинке шиши қайд қилиниши мумкин.

Аралаш кризда симпатоадренал симптомлар ваго-инсулярга алмashiши мумкин ёки аксинча.

Пароксизмал давр қувватсизлик, адинация, умумий толикиш, тушкун кайфият, полиурия, юракда ёқимсиз ҳислар билан бирга кечади. Ўлимдан қўрқиш давомий бўлади. Ташналиқ, иштаҳа кучайиши, уйқучанлик кузатилиши мумкин. Энди кундалик ҳаётда бу қандай содир бўлишини кўриб чиқамиз.

Бу ҳол қўпинча ярим тунда содир бўлиб, шунингучунми, янада даҳшатли тус олади. Ҳеч нарсадан бехабар, хотиржам ухлаётган одам бирдан чўчиб уйғонади. Чунки юра-ги симиллаб, нафас олиши жуда оғирлашади. Назарида, сал ўтмай «омонати»ни топширадигандек. Ажал ваҳима-си одамни ларзага келтиради, юраги қинидан чиқиб кетай дейди. Қўл-оёқлари музлаб, тинимсиз қалтирайди. Ундан

«айрилиб қолмаслик» учун уйдагилар, албатта, шоша-пишша «тез ёрдам»ни чақиради.

Шифокор энг аввал артериал босимни ўлчайди ва гипертоник кризни қайд қиласди, устига-устак, шундай юқори босимда бемор ҳалиям тириклиги учун кўпинча астойдил ажабланиб қўяди! Айтиш жоизки, систолик босим ростдан ҳам ақлбовар қилмас даражада, ҳатто 240 мм с.у. гача кўтарилиши мумкин. Лекин битта лекини бор! Одатда, босимни бир неча марта ўлчаб кўриш ҳеч кимнинг хаёлига келмайди. Шундай қилингандা, мутлақо бошқа манзарага дуч келинади! Яъни, кўрсаткич рақамлар беморнинг ҳиссий ҳолатига боғлиқ равишда кескин ўзгаради.

У ёғи Афандининг латифасидек давом этади: нотўғри қўйилган ташхис билан нотўғри даволаш ҳеч қандай натижага бермайди. Артериал босим «туппа-тузук» одамлардаги каби пасаймайди. Бунда ҳам дарҳол бемор айбдор бўлади! У бўлса, ранги-кути ўчган ҳолда шифокорнинг қарашларидан усиз ҳам ахволи умуман чатоқлигини тушуниб туради! «Ҳозир ўлиб қолсан керак» деган қўрқинчли хаёллар ўз тасдигини топгандек бўлиб, бундан босим яна баттар кўтарилиб кетади. Албатта, бундай беморга зудлик билан касалхонага ётиш таклиф қилинади. Кейинги сценарий ҳар хил бўлиши мумкин, лекин тўғри даволаш саҳнасига оид қисми ҳамиша ғамгин кечади. Айримлар касалхонама-касалхона саёҳатни бошлайди. Фақат баҳтли тасодиф билан тўғри ташхис аниқланиб қолгач, яъни, бу гипертоник криз эмас, балки вегетив-томир дистониясининг пароксизмал шакли экани аён бўлгач, тўғри даволашга киришилиб, ижобий натижага ҳам ўзини узоқ куттириб қўймайди.

Симптомлар кўплиги кўпинча одамларни чалкаштириб юборади. Ахир, ҳе йўқ, бе йўқ, тўсатдан қалтираш бошланади, юрак қинидан отилиб чиққудек ура бошлайди, артериал босим эса 220 ва 120 мм с.у. гача «сакраб

кетган» бўлади. Шу ахволга тушган одам шифокорни йўқламай иложи йўқ. Шифокор тезлик билан босимни ўлчаб кўради, энди у 130 ва 80 мм с.у. ни кўрсатиб туради. Одамни алдаш яхшимас-да! Қон босимингиз жойида-ку! Бечора аслида хурсанд бўлиши кераг-у, лекин ичида нимадир, олтинчи ё еттинчи туйғу ҳаммаси ундан эмаслигини айтиб туради. Ахир, бир соат олдин ўтакаси ёрилгудек кўркувдан зир титраётганди. Юраги тўхтаб қолишига бир баҳя қолди-я! Алдамаяпти, ростдан шундай бўлди! Лекин поликлиникага етиб келишди ҳамки, хуруж тақа-тақ тўхтади! Шифокор билан баҳсланишдан эса фойда йўқ, шунинг учунми, кейинги сафар юрак «ушлаб қолганда» ўйланиб қолади: борсаммикан ё кутиб турайми?

Шундай қилиб, одамлар беҳуда азият чекаверади, гипертония, аллергия ва кўркувдан мутлақо самарасиз, устига-устак, ҳар хил мутахассисларда даволанишади! Лекин улар сира алдоқчи эмас, фақат босимни эмас, асабларни даволаш керак, холос! Бунга шубҳа йўқ! Кошкийди кимдир... Ҳамма азобларга барҳам бериш учун магнезия ва дигазол ўрнига реланиум билан анаприлин қабул қилиш кифоя.

Кейин эса психотерапевт ҳузурига йўл оласиз. У сизни тинчлантириб, қон босими ўлимдан қўрқиш туфайли бирдан «осмонга сапчимагани», марказий асаб тизими ишидаги бузилишлар туфайли барча симптомлар деярли бир вақтда пайдо бўлаётгани, дистонияда инсультлар бўлмаслиги, қисқаси, бу касаллиқдан ҳеч ким ўлиб қолмаслигини тушунтиради! Ҳеч ким ва ҳеч қачон, сиз ҳам шулар қаторидасиз. Ахир, бошқалардан бирор ерингиз кам ёки ортиқ эмас-ку? Ўлишга шошилманг! Бу ажал ваҳимаси – тўғри, шундай. Аммо ваҳиманинг ўзи, холос, ажалгача ҳали бор. Сезиб турибман, буни бошдан кечириш осон эмас. Тортишишга ҳожат йўқ. Лекин чораси ҳам бор-да.

Шифокорлар маслаҳатига амал қилинг, қатъий даволанишга киришинг. Транквилизатор ёки антидепресантлар ёзиб беради, кейин эса аутотренинг ёки ҳатто гипноз сеанслари тайинлаши мумкин. Уялиб ўтируманг, бу эриш ҳам туйилмасин! Ахир саломатлик ўзингизга керак. Транквилизатор, антидепрессант, бета-адреноблокаторлардан ташқари шифобахш гиёҳлар ҳам анча яхши ёрдам беради. Юқоридагилар симпатаодренал кризларда қўлланилса, вагоинсуляр кризда – атропин, кокарбоксилаза, В гурухи витаминлари, женьшень, элеутерококк, кальций препаратлари ва шу кабилар тайинланади. Агар жуда яхши шифокорга учраб қолсангиз, сизга мутлақо ажойиб преперат – кортексинни ёзиб беради. Шунақасига учранг, илойим!

ТҮРТИНЧИ БОБ

ҲАЁТ ТАЯНЧИ

Олдинги боб вегетив-томир дистониясига бағишлоанды. У вегетатив асаб тизими касаллиги бўлиб, шифокорлар амалиётида тез-тез учраб туради. Худди бошқа бир асаб тизими касаллиги сингари, лекин буниси периферик касаллик –умуртқа остеохондрози.

Адолат юзасидан айтиш жоизки, дистония ҳам, остеохондроз ҳам ёш жиҳатдан инсоният билан қарийб тенгдош ва афсуски, ҳозиргача гуллаб-яшнамоқда. Айниқса, тўғри англаб етилмаганлиги учун. Ҳа, шундай, ҳурматли китобхон, умуртқа остеохондрози ва вегетатив-томир дистонияси пайдо бўлишига кўра деярли бир хил сабабларга эга. Улар организмни ҳар куни асрлаб-авайламаслик, оқилона озиқлантирумаслик ҳамда зарурий машқлардан маҳрум қилиш оқибатида пайдо бўлади ва зўрайди.

Умуртқа остеохондрози жуда эрта ривожлана бошлияди. Бола ҳаётининг дастлабки ўн иилидаёқ бўйин умуртқаси ининг фиброз ҳалқаларида ўзгаришлар содир бўлади. Кўп йиллик кузатишларга кўра, гўдак туғилиши билан бўйин остеохондрози ва вегетив-томир дистонияси ривожланиши учун барча шарт-шароитларга эга бўлади!

Қадимда момолар гўдакни чўмилтиришган, умуртқаси чўзилиши учун яхшилаб уқалашган. Бундай муолажалар бола организмидаги энг асосий тизим яхшироқ озиқланишини таъминлаган. Лекин ғарб технология-

лари пайдо бўлиши билан асрлар давомида синалган шарқона усулларни, бувижонларимиз қўллаган фойдали ва хавфсиз воситаларни гўёки унугиб қўйдик.

Шифокорлар туғруқдан сўнг гўдак етарлича яшовчан эмаслигини кўргач, унинг умуртқа ва бошчасини тузатиш ҳақида ўйлашмайди, балки кимёвий препараторлар ёрдамида ундаги моддалар алмашинувига кучли таъсир қила бошлашади. Норасида гўдак қанча заиф бўлса, дорилар ҳам шунча кўп бўлади! Ҳолбуки, ҳаётнинг биринчи йилида асаб тизими фаол ривожланади ва такомиллашади. Меъёр қарийб мустақил тикланади, фақат оз-моз кўмаклашиш даркор! Лекин кетма-кет берилган дори воситалари туфайли боланинг хусусий мослашув имкониятлари тобора камаяди! Бола кўп йиқилади ва қаттиқроқ шикастланади. Туғруқдаги жароҳатлар бир умрлик бўлиб қолади.

Ўсмирлик ёшида, организм гормонал руҳий изтиробларни ҳис қилганда, ўзини тиклаш қобилияти заифлашади. Бола мактабдаги ўз имкониятидан юқори талабларга боғлиқ равишда руҳан зўриқа бошлайди, стресс эҳтимоли ортади. Бундан ташқари, зарурий машқлар ва ўз вақтида тузатиш чоралари ҳам қўлланилмайди. Шу пайтгача нимжон болалар соғлиғи билан поликлиника шуғулланиб келади. Аммо ҳозиргacha организмнинг ҳимоя кучлари ва заиф нуқталарини мустаҳкамлаш иши бўйича реал дастурларга эга эмас. Шунинг учун ёрдам беришолмайди. Болалар шифокорларининг ҳам айби йўқ: чин дилдан жон куйдиришади, лекин қандай ёрдам беришни билишмайди!

Сенсор-моторли амнезия – ваҳимали эшитилади, худди шундай ҳам: табиий ҳаракатчан ва таъсирчан ҳаёт хотирасини йўқотамиз!

Таассуфки, эрта болалиқдаёқ умуртқанинг ёнлама қийшайиши, барвақт букурлик ва думғаза суюги эгилиши шаклланади. Буларнинг бари умуртқа суякларининг

кўзғалишига олиб келади ва умуртқани озиқлантирувчи қон томирларини ҳам қисман эзib қўйиши мумкин. Организм оғриқ нуқталарни эҳтиётлаб, унинг ёнида жойлашган мушаклар зўриқишини қўллаб-қувватлайди. Улар капиллярларни қиса бошлайди, қарабисизки, остеохондроз деб аталмиш дилозор хасталик вужудга келади. Ахир, умуртқа – ҳаёт таянчи! Клиник умуртқа остеохондрози дегенератив-дистрофик касаллик бўлиб, умуртқалараро дисклар юпқалашиши, умуртқалараро бўғимлар артрози, умуртқа остеофитларининг йириклиашуви, баъзида диск чурраси билан тавсифланади. Бу эса орқа мия ва унинг пўстлоғи эзилишига олиб келади.

Умуртқа остеохондрозининг сабаблари ҳар хил: оғир юқ кўтариш, баландликдан сакраш туфайли дисқдаги микрожароҳатлар, узоқ мажбурий позалар, вибрация, яқинда жойлашган хаста аъзоларнинг рефлектор таъсиrlари, умуртқа жароҳатлари, ёш ўзгаришлари.

Гап шундаки, умуртқалараро диск ўз томир тизимиға эга эмас, ундаги моддалар алмашинуви гиалурон кислотага боғлиқ бўлиб, ушбу кислота сувни кўп миқдорда ўзига тортиш хоссасига эга. Кучли зўриқишларда диск бўртади ва умуртқа зўриқишини компенсациялади. Агар гиалурон кислота миқдори камайса, диск қуриб, худди қоқ нонга ўхшаб қолади ва умуртқа зўриқан пайтлар четлари қисирлаб, дарз кета бошлайди.

Умуртқалараро дискнинг марказида пульпоз ядроси жойлашган бўлиб, у жуда қаттиқ сиқилган, шунинг учун доим кенгайишга ва чўзилишга уринади, силкинишларни амортизациялади. Айнан шу ядронинг шарофати билан диск умуртқа зўриқишларини ўзига олади ва бартараф этади. Диск қисирлай бошласа, пульпоз ядроси кенгайиб кетади ёки ҳатто тушиб қолади. Шу тариқа, умуртқалараро диск чурраси ҳосил бўлади.

Диск баландлигининг аста-секин камайиши умуртқа биомеханикаси бузилишига ва умуртқа канали торайи-

шига олиб келади. Албатта, умуртқа мушаклари қанчадир вақт умуртқалараро дискларнинг бузилган функциясини компенсациялади, лекин умуртқа суякларининг ишқаланиш жойларида суяк тўқимаси ўса бошлайди. У умуртқа ўқига перпендикуляр жойлашиб, яқин жойлашган тўқималарни жароҳатлади.

Умуртқа суяклари бамисоли бир-бирининг устига ўтириб олишади, бу билан томир ва асаблар ўтган тешикларни торайтириб қўйишади. Остеохондроз кўпинча умуртқанинг бел ва бўйин соҳаларида ривожланади. Бу ҳам тушунарли, ҳаёт давомида айнан мазкур соҳалар энг кўп статик ва динамик зўриқишига дуч келади.

Энди эса айрим маълумотларни эслаб қолишини таклиф қиласман. «Қўрқянга қўша кўринадиган» маҳалларда анча фойдали бўлиши мумкин. Остеохондрознинг турли соҳаларда қандай намоён бўлишини яхши билсангиз, шундай вазиятда хотиржамликни сақлай оласиз ва асаб тизими телбавор стресс режимини ишга туширишига йўл қўймайсиз.

4.1. Бўйин соҳасининг шикастланиши

Бўйин санчиғи – бўйин ичида ўткир, хуружсимон оғриқ бўлиб, энса ва куракка тарқалади, йўталганда ва ютинганда кучаяди. Бош мажбуран эгилиб, бўйин ҳаракатлари кескин чекланган бўлади.

Умуртқа артерияси синдроми – асосий симптоми энса соҳасида бош оғриғи бўлиб, бошнинг тепа қисми, чаккага тарқалади, бошни қимирлатган пайтлар кучаяди. Айтганча, бу жуда муҳим хусусият – фақат остеохондрозда симптомлар бош ҳаракати билан боғлиқ бўлади. Оғриқ билан бирга бош айланиши, кўнгил айниши, қайт қилиш, кулоқда шовқин пайдо бўлиши кузатилади. Ушбу синдромни бўйин мигрени ҳам дейишади.

Елка-курак периартерити – елка бўғимларидағи оғриқ, кўпинча ўнг томонда, одатда, тунда безовта қиласади, айниқса, ёнбош ётилган пайтлар. Қўлни орқага

қилиш оғриқ туфайли чекланган бўлади. Бўғим ҳарачатчанлиги сусаяди: қўлни орқа ва олдинга бир амаллаб ҳаракатлантириш мумкин. Лекин тепага кўтариш муаммога айланади.

Елка-панжа синдроми – елка ва панжалар ҳаракати қийинлашиб, оғриқ пайдо бўлиши. Кечаси панжалар шишиб, увишиб қота бошлайди, лекин озроқ чигилёзди қилингач, аввалги ҳолига қайтади.

Елка эпикондилези – тирсакдаги оғриқ. Тирсак ёки панжа билан силтанма ҳаракатлар қилинганда, теннис йўнаганда, болға билан ишлаганда кучаяди. Аста-секин панжалар заифлашади.

Кардиал синдром – юрак соҳасида давомий оғриқлар. Бўйиннинг кескин ҳаракатлари туфайли пайдо бўлади Нитроглицерин ёки валидол ёрдам бермайди. ЭКГ меъёрида.

Бўйин-кўқрак радикулити, яъни, орқа мия томирчалари қўзғалиши синдроми – оғриқ бўйиндан қўлнинг ташқи ёки ички юзаси бўйлаб тарқалади, у ерда сезувчанлик албатта бузилган бўлади (ёки юқори, ёки паст), оғриқ пайтида қўлни гўё ток ургандек ҳис пайдо бўлади. Бошни қимирлатганда, айниқса, соғ томонга эгилганда, йўталганда ва аксирганда оғриқ кучаяди. Вегетивтомир дисфункцияси белгилари мавжуд. Бу бешинчи бўйин томирчаси (C5) шикастланганлиги аломати.

Биринчи ёки иккинчи бўйин томирчаси (C1, C2) шикастланганда бошнинг тепа ёки энса соҳаларида оғриқлар, увишиш ёки эт жимирлаши ҳисси қайд қилинади. Учинчи томирча (C3) шикастланганда – қулоқ орқасида. Тил оғирлашиб, худди қимирлатиш қийиндек туйилиши мумкин. Тўртинчи томирча (C4) шикастланганда – ўмров соҳасида оғриқлар. Диафрагма тонаси ортади, шунинг учун жигар пастга томон қўзғалади, оғир ҳиқиҷоқ пайдо бўлиб, томоқقا нимадир тикилиб қолгандек туйилади. Бўйиннинг орқа мушаклари

аста-секин атрофияга учрайди ва бош осилиб қола бошлайди. Олтинчи бўйин томирчаси (С6) – бўйинда, куракда ва катта бармоқда оғриқлар. Еттинчи (С7) – бўйиндаги оғриқ кўрсаткич ва ўрта бармоққа тарқалади. Саккизинчи томирча (С8) – оғриқлар елканинг орқа ички юзаси бўйлаб жимжилоққа тарқалади. Вегетатив бузилишлар – қўл терлаши, панжалар рангизлиги ёки кўкариши, бармоқларда заифлик ва оғриқлар – пайдо бўлиб, вақт ўтиши билан об-ҳаво ўзгаришига боғлиқ сурнкали дардга айланиб кетади.

4.2. Кўкрак соҳасидаги шикастланишлар

Кўкрак санчиғи – ўткир, худди «орқадан кимдир курак ўртасига пичноқ ургандек» кучли оғриқ. Ҳатто нафас олиш ҳам азоб беради! Икки ҳафтагача кескин давом этади.

Томирчалар синдроми – қовурғалараро оғриқларни ўзига қамраб олади. Ички аъзоларда турли ҳиссиётлар пайдо бўлиб, томоққа ёки кўкракка нимадир тикилиб қолгандек туйилади. Даволаш учун узоқ ва кўпинча са-марасиз уринишлар турғун невротизацияга олиб кела-ди. Ўрта кўкрак томирчалари шикастланганда, оғриқлар ва ошқозон соҳасида ноқулайлик ҳисси пайдо бўлиши мумкин. Бу умуртқанинг кўкрак соҳаси ҳаракатларида янада кучаяди. Ноқулай бурилсангиз, оғриқ пайдо бў-либ, ошқозонни ҳам, юрак соҳасини ҳам қамраб ола-ди! Илмий тилда айтганда шундай. Фарқловчи белги ҳам бор – барча оғриқлар умуртқа ҳаракатлари билан боғлиқ! Буни эслаб қолган маъқулроқ! Саккизинчи ва тўққизинчи томирчалар патологиясида оғриқлар ўн икки бармоқ ичак соҳасида намоён бўлиб йўталганда, аксирганда, гавда ҳаракатланганда ва қайрилганда, одам узоқ вақт ўзини орқага ташлаб ўтирганда кучайиш хусусиятига эга.

Илмий адабиётларда шундай ҳоллар ҳақида маълу-мотлар келтирилладики, қорнида кучли оғриқлар қайд

қилинган бемор кўричакни олиб ташлаш бўйича операция қилинади. Лекин бу ёлғон синдром – ўнгдаги 10, 11, 12-томирчалар шикастланиши бўлиб чиқади. Худди шу каби ўнгдаги 7, 8 ва 9-кўкрак томирчалари холецистит белгиларини намоён қилиши мумкин, лекин барибир бу оғриқлар парҳез бузилганда эмас, балки умуртқанинг кўкрак соҳасидаги ҳаракатлар туфайли кучаяди.

Бу борада саводимиз анча жўнашиб қолгани учун, вегетатив асаб тизимининг симпатик ўзаклари умуртқа суякларига худди чирмовиқлар каби икки томондан чирмашиб олганини биламиз. Деярли ҳеч нарса билан ёпилмаган, табиийки, улар ҳам патологик жараёнга жалб этилади. Аммо дард кучайганда, бу нарса на шифокорнинг, на беморнинг эсига келади. Симптомлар шунчалик кўпки, ички аъзо оғрияптими ёки остеохондроз қутуриб кетдими, мутлақо фарқлаб бўлмайди! Бўйин ва кўкрак остеохондрозида овқатланган пайт қизилўнгачга гўё суяк тиқилиб қолгандек ҳис пайдо бўлади, кўкрак ва бел суяклари зирқираб оғрийди. Агар хондроз яна пастроқقا, кўкрак соҳасига ҳам тарқалса, у ҳолда заъда, кўнгил айниши ва ўқчиш бўлиши мумкин. Ичак перистальтикасининг бузилиши, қорин дамлаши, ич қотиши ёки кетиши ҳам эҳтимолдан йироқ эмас. Сизни ҳатто шифокор ҳам чалғитолмаслиги учун яхшилаб эслаб қолинг: остеохондрознинг симптомлари қанчалик ранг-баранг бўлмасин, барибир ҳаммасида умумий бир хусусият бор – умуртқа ҳаракатларида, ёнбошлаб ётганда ёки узоқ ўтирганда кучаяди! Ҳаммаси жойида, тинчгина ўтиргандингиз, сўнгра кескин бурилдингиз ёки ўрнингиздан турдингиз. Қарабисизки, азоб бошланди! Минг бир азоб! Кучли оғриқ, ачишиш, жи-мирлаш, кўнгил айниши, заъда – бир сўз билан айтганда, худо сабр берсин. Аммо бу тушкунлик учун сабаб эмас, даволаниш учун асос! Соғлом бўлишингиз мумкин. Бу азобларга фақат ўзингиз чек қўя оласиз. Кейин

эса, умид қиласманки, бу ҳол бошқа тақорланишига ҳам йўл қўймайсиз.

4.3. Бел соҳасидаги шикастланишлар

Бел санчиғи – нокулай ҳаракат (бир вақтнинг ўзида ён томонга бурилиб энгашиш), оғир юқ кўтариш ёки узоқ жисмоний меҳнат вақтида, шунингдек, ҳаддан ташқари совқотганда, тўсатдан бел санчиб оғрий бошлайди. Ким далада меҳнат қилган бўлса, буни жуда яхши билади! Бу оғриқ ток уришни эслатади, танани гўё михлаб қўяди, бемор жойида қотиб қолганча совуқ терга ботади, нозик ҳаракат ҳам оғриқ қўзғатади. Оёқларни буқкан ҳолда чалқанча ёки қорин билан ётиб олинсагина, оғриқ анча енгиллашади. 20-30 дақиқадан сўнг оғриқ ўз-ўзидан камая бошлайди. Лекин яна 3-5 кун сабр қилишга тўғри келади, одатда, шу вақтнинг ичидаги санчиқ бутунлай ўтиб кетади. Тўғри, «омади чопғанлар» ҳатто 2-3 ҳафта санчиқ билан ҳасратлашиши мумкин, лекин барибир ўтиб кетади!

Бел санчиб турганда, одамнинг ақли ҳам тиниклашиб, жонининг қадрига ета бошлайди. Бундай беморлар ижодкорлик маҳоратини ҳам бутун бўй-басти билан намоён қилишади. Фақат бу ижодий мўъжизалар ўриндан қандай турса, белга умуман юқ тушмаслиги, уни яхшироқ асрашга оид бўлади! Биз ҳам ҳозир оддийроқ, лекин самарали усулни баён этиб ўтамиш: аввал қўллар билан бел орқасига таянган ҳолда ўтириш керак, кейин «тўрт оёқлаб» турасиз-да, оғирлик марказини оғримаётган ёки камроқ оғриётган томонга ўтказасиз. Қадни ростлаш «тескари нарвон» усулида амалга оширилади: бир, кейин эса икки қўл билан тиззага таянасиз, аста-секин тиззани ва тос-сон бўғимларини букасиз, бунда қўллар кетма-кет қуйидан юқорига, сон томонга яқинлашаверади. Худди «Макарена» қўшигининг жуда секинлаштирилган вариантига ўхшайди! Кимга ёқмаса, майли, томоша қиласмили мумкин!

Люмбалгия – бу белдаги доимий оғриқ. Бу ерда аниқ чегара йўқ – одам соппа-соғ эди, кейин атиги бир марта ноқулай ўгирилди ва оғриқдан «додлаб юборди». Аслида билинмас оғриқ деярли ҳар доим бўлади, лекин уйкудан кейин ўриндан турганда ёки машинадан тушганда кескин кучаяди. Бундай одам шу оғриқ билан яшайди, уни деб қийналиб энгашади, энгашиб олгач эса қаддини ростлаш муаммога айланади. Узоқ ўтирганда ёки узоқ турганда оғриқ кучаяди, шунинг учун тез-тез тана ҳолатини ўзгартиришга тўғри келади. Оғриқ кўпинча эрталаблари безовта қилади. Жисмоний ҳаракат ёки юмушдан кейин камаяди ё ғойиб бўлади. Кўпинча оғриқ ётган ҳолатда сусаяди, чунки умуртқалараро дисклар камроқ зўриқади. Соғ ёки оғриётган томонга ёнбошлаб, оёқларни буқкан ҳолда ухлашни тавсия этамиз. Йиллаб шундай қилишга тўғри келади. Хоҳламаяпсизми? Унда бу ёғини ҳам диққат билан ўқишда давом этинг!

Томирчалар синдроми – бу кўпинча умуртқалараро дисклар тушиб қолиши туфайли юзага келади. Энди бу бел-думғаза радикулити. Бошланиши оддий: силтаниш билан шкафни кўтардингиз, кескин ўгирилдингиз ёки кўпроқ пахта тераман деб бош кўтармай узоқ эгилиб юрдингиз. Хавотир олманг, бу умуртқа ҳар гал кескин ўгирилганда, диск учиб кетади дегани эмас! Аллақачон «пишиб қолгани», чатнаб-чатнаб ейилгани учиб кетади.

Вертикал ҳолатда беморлар бир томонга, кўпинча соғ томонига эгилиб олади. Оғриқ оёқ ярим букилган ва бўшашган ҳолатда, юрганда товон ёки оёқ учи ерга тегади-ю, дарров кўтарилади. Тўшакда соғ томонга ёнбошлаб, тос-сон ва тизза бўғимиidan букилган касал оёқни қорин томонга гужанак қилиб ётишга тўғри келади. Беморлар қўли билан ўз тиззасига ёки курси четига таянган ҳолда ўтиришади. Ўз аҳволингизни тўғри баҳолаш учун қуйидагиларни эслаб қолинг. Шифокорлар оғриқ ифодаланишининг тўрт даражага ажратишади.

Агар мунтазам оғриқ бўлса, ҳатто тинч ҳолатда ҳам

ўтиб кетмаса ва мустақил ҳаракатланишга имкон қолдирмаса, устига-устак, артериал қон босими ошса, юрак уриши тезлашса – демак, энди бундан баттар бўлмайди!

Агар оғриқ билан бўлса ҳам, бир амаллаб юришнинг иложи бўлса, оғриқ бутунлай ўтиб кетмаган бўлса-да, барабибер камайгани учун ҳар ҳолда ётиб дам олса, артериал босим билан юрак уриши ўзларини сипо тутса – ёки меъёрида, ёки сезиларсиз ошса, бу дегани – яшаш мумкин.

Агар тунда оғриқсиз ухласангиз, лекин кундузи оғриқнинг зўридан ҳатто автобусгача ҳам тезроқ етиб олишни хоҳласангиз, демак, сиз ҳали ўҳ-ҳӯ!

Лекин агар оғриқ фақат кескин ҳаракатларда пайдо бўлса, қолган вақт сизда радикулит борлигини мутлақо унутсангиз, у ҳолда маҳсус жисмоний машқларни бошлашнинг айни пайти, шунда радикулит сизни ҳеч қачон безовта қилолмайди!

Орқа мияда қон айланиши бузилишлари синдромида оёқда мадорсизлик пайдо бўлади, юрганда чумоли ўрмалагандек жимирлайди, тез-тез заҳар танг қилиб қолади. Таъсиран одамлар эса невротик бузилишлар билан ҳам танишиб олади: юракнинг тез уриши, кўп терлаш, серзардалик, бадан увишиши ва унинг турли қисмларида жимирлашлар қайд қилинади. Беморлар ўзига қулоқ сола бошлайди, фақат касаллиги ҳақида гаплашади, «чиқмаган жондан умид» қабилида ҳар қандай маслаҳатни бажариб кўради, «фақат тузалсан бўлди» деб умид қиласди! Лекин бошқача ҳам бўлиши мумкин! Оғриқка қарамай, одамлар ишлашни давом эттиради ёки ҳатто спорт билан шуғулланишдан чекинмайди. Ирода кучи билан оғриқни енгишга ҳаракат қилишади. Қисқаси, вақтида даволанмай, охир-оқибат барабибер танг аҳволда қолишади.

Касаллик кучайган даврда ором керак! Бундан пайтда ўриндан турмаган маъқул. Диклофенак, анальгин,

индометацин, барагин каби оғриқни қолдирувчи ва яллиғланишга қарши дори воситалари керак. Шишни йўқотиш ва қон айланишини яхшилаш учун – никотин кислотаси, В гуруҳи витаминлари, УВЧ, новокайнли электрофорез қўлланилади. Ремиссияда – лигаза, алоз экстракти, шишасимон модда, прозерин, паравин, озокерит.

Халқ табобатида азал-азалдан ари ва илон заҳри асосида қўзғатувчи воситалардан фойдаланишган. Ҳозир бунинг ўрнига таркибида илон заҳри, ари заҳри ва бошқа керакли моддалар мавжуд турли дори препаратларидан фойдаланилади. Таркибида ари ёки илон заҳри мавжуд дори воситаларини қўллаш жараёнида фақат бир нарсани ёдда тутиш лозим. Ушбу препаратлар жигар, буйрак, юракка хос оғир касалликларда, қандли диабетда, туберкулёзда, ўсимталарда, ҳомила-дорлик даврида ножӯя таъсирларга эга, шунинг учун қўллаш тавсия қилинмайди.

Бизнингча, асаб тизимининг периферик бўлими касаллиги ҳисобланувчи остеохондрозда намоён бўладиган неврологик белгиларни мажмуавий даволаш, яъниким, йўл-йўлакай дори ичиб олиш ва оғриган жойга малҳам суртиш билан кўзланган мақсадга эришолмайсиз, аксинча, тез орада аҳволингизни янада оғирлаштириб оласиз. Уни даволаш тизимли ёндашув талаб қиласиди! Бунда шифобахш гимнастиканинг аҳамияти ҳақида таъкидлаш ҳам ноўрин. Чунки у ҳам даволаш, ҳам касаллиқдан огоҳлантиришдир.

4.4. Шифобахш бадантарбия

Шифобахш бадантарбия шикастланган умуртқалар аро дискларда зўриқиши камайтиради, мушакларни бўшаштиради, касаллик манбаига қўшимча қон оқими ни таъминлайди. Нафакат мушаклар, умуртқа суюклари, бўғимлар ва тоғайларни озиқлантиради, балки вегетатив марказларни ҳам қувватлантиради. Демакки, бутун

62 | Асаб тизимингиз саломат бўлсин

вегетатив асаб тизими тонусини оширади, ишлаётган мушаклар ёнида жойлашган ички аъзоларни «боқади». Умуртқа айнан мушаклар заифлигидан, ошқозоности безларининг етарлича ишламаслигидан, асаб регуляцияси бузилишларидан азият чекади.

Умуртқа остеохондрозида бажариш мумкин бўлган жисмоний машқлар сон-саноқсиз. Оғриқ жойи ва босқичини ҳисобга олган ҳолда ўзингизга мос келадиганини танлаб олсангиз кифоя. Қандай машқни танламанг, оҳиста ва енгил бажарилиши лозим. Дастлаб 3-4 та машқдан бошлаб, уларни 3-5 мартадан бажарасиз. Келгусида машқлар мажмуи ўзгариб боради, лекин фақат биттаси доимий бўлиши лозим – уларни умр бўйи кундалик одатингизга айлантириш эса хоҳиш-истагингиз ва соғлом яшашни қанчалик қадрлашингизга боғлик! Машқларни мураккаблаштирганда, уларни чалқанча ёки қорин билан ётган ҳолатда бажарамиз, чунки горизонтал ҳолатда умуртқа дискларига тушадиган босим икки марта камаяди.

4.5. Умуртқанинг бўйин соҳаси учун машқлар

1. Дастлабки ҳолатда (Д.ҳ.) тик турасиз ёки курсига ўтириб оласиз, қўллар пастга туширилган. Бошни қанча мумкин бўлса, шунча ўнг томонга буринг, кейин чапга. 5-10 марта тақрорланг.

2. Д.ҳ. юқоридаги каби. Бошни олд томонга пасайтириб, иякни кўкракка қаттиқ босинг. 5-10 марта тақрорланг.

3. Д.ҳ. юқоридаги каби. Бошни орқага ташлаб, айни вақтда иякни олдинга чўзинг. 5-10 марта тақрорланг.

4. Д.ҳ. тик ёки ўтирган ҳолда, бир кафtingизни пешонангизга қўйинг. Бошни пастга эгиб, айни вақтда бош ҳаракатига қаршилик қилиш учун кафт билан пешонани юқорига кўтаришга ҳаракат қилинг, тахминан 10 сония, кейин шунча дам олинг. 5–10 марта тақрорланг.

5. Д.ҳ. тик ёки ўтирган ҳолда, бир кафтингизни бошнинг энса соҳасига қўйинг. Бошни бир томонга эгиб, айни вақтда бош ҳаракатига қаршилик қилиш учун кафт билан уни юқорига кўтаришга ҳаракат қилинг, тахминан 10 сония. Дам олинг. 5-10 марта тақрорланг.

6. Д.ҳ. тик ёки ўтирган ҳолда, иккала кафтингизни устма-уст ияқ остига қўйинг. Бошни кўкрак томон эгиб, айни вақтда бош ҳаракатига қаршилик қилиш учун кафтлар билан иякни юқорига кўтаринг, тахминан 10 сония, кейин шунча дам олинг. 5-10 марта тақрорланг.

7. Д.ҳ. тик ёки ўтирган ҳолда, иккала кафтингизни энса соҳасига қўйинг. Бошни орқага ташлаб, айни вақтда бош ҳаракатига қаршилик қилиш учун энсани кафтлар билан болинг, тахминан 10 сония давомида. 5-10 марта тақрорланг.

8. Д.ҳ. тик ёки ўтирган ҳолда, қўллар пастга туширилган. Елкани қанча мумкин бўлса, шунча кўтаринг ва шу ҳолатда 10 сония ушлаб туринг. Бўшашинг, елкани туширинг ва чуқур нафас олинг. Бўйин ва елка мушакларини бўшаштириб, қўллар оғирлиги елкани пастга қандай тортаётганини ҳис қилинг. 10-15 сония шу ҳолатда қолинг. 5-10 марта тақрорланг.

Бош билан айлана ҳаракатлар қилманг. Бу умуртқа бўйин соҳасини ортиқча зўриқтиради. Агар остеохондроз бўлса, оғриқларни кучайтириши мумкин.

4.6. Умуртқанинг кўкрак соҳаси учун машқлар

1. Д.ҳ. маҳкам ва қиррасиз суюнчиқли курсига ўтиринг. Қўлни энсага қўйиб, орқага шундай эгилингки, умуртқа курси суюнчиғининг юқори четига тегсин. Бунда умуртқанинг кўкрак соҳаси ҳам букилади. Аввал орқага, кейин олдинга эгилинг. Орқага эгилганда нафас олиб, олдинга эгилганда нафас чиқаринг. 3-4 марта тақрорланг.

2. Д.ҳ. текис жойга чалқанча ётинг, умуртқанинг кўкрак соҳасига валик қўйинг. У етарлича қаттиқ бўлиши

керак, диаметри таҳминан 10 см (масалан, аргамчига ўралган сочиқ). Қўлингизни бошга қўйиб, валикка ётинг. Орқага эгилиб, кейин гавданинг юқори қисмини кўтаринг. Эгилганда нафас олиб, гавдани кўтарганда чиқаринг. 3-4 марта такрорланг.

3. Д.ҳ. ўтирган ёки ётган ҳолда. Қўқрак қафасининг куйи қисмини сочиқ ёки мато бўлаги билан ўранг. Икки учини кўлда ушлаб туринг. Чукур нафас олинг. Нафас чиқаргандা, тўлик чиқиши учун матони қаттиқ тортинг. Матони бўшаштириб, яна нафас олинг. 5-10 марта такрорланг.

4. Д.ҳ. тик ёки ўтириб, оёқлар ораси бироз очилган ҳолда. Чап билакни ўнг қўл билан ушлаб, қўлларни бош узра кўтаринг. Имкон қадар чап томонга эгилиб, айни вақтда ўнг қўлни қарама-қарши томонга тортинг. Кейин қўллар ҳолатини алмаштиринг. Ўнгга эгилиб, чап қўлни тортинг. Ҳар томонга 5-10 марта такрорланг.

4.7. Умуртқанинг бел соҳаси учун машқлар

1. Д.ҳ. чалқанча ётган ҳолда, қўллар ён томонда, оёқлар бироз букилган. Нафас тутиб турмай, ўзингизни зўриқтирмай, қорин мушакларини тараанг қилинг. Қаттиқ бўлганини назорат қилиш учун қўлингизни қоринга кўйинг. 10-15 марта такрорланг.

2. Д.ҳ. чалқанча ётган ҳолда, қўллар ён томонда, оёқлар узатилган. Оёқларни полдан узмаган ҳолда гавданинг юқори қисмини кўтаринг. Шу ҳолатни 10 сония сақлаб, кейин секин дастлабки ҳолатга қайтинг. 5-10 сония дам олинг. 10-15 марта такрорланг. Машқларни қўллар олдинга чўзилган ҳолда бажаринг.

3. Д.ҳ. чалқанча ётган ҳолда, қўллар пастга туширилган, оёқлар узатилган. Товонни полдан узмаган ҳолда ўтиришга ҳаракат қилинг, кейин секин дастлабки ҳолатга қайтинг. 10-15 марта такрорланг. Машқларни қўллар олдинга чўзилган ҳолда ёки полга тирадан ҳолда ба-

жаринг. Белдаги оғриқни кучайтирмаслик учун оёқларни букиб олиш мумкин.

4. Д.ҳ. чалқанча ётган ҳолда, оёқлар бироз букилган. Ўнг қўлни олдинга чўзинг. Бунда панжангизни чап тиззага кўйиб олинг. Чап оёқни букинг, айни вақтда ўнг қўлда тиззани бор кучингиз билан тираб, бошга яқинлашишига қаршилик қилинг. Машқни 10 сония давомида бажаринг. 10-15 сония дам олинг. 5-10 марта такрорланг. Кейин дастлабки ҳолатни ўзгартириб, чап қўл билан ўнг тиззани тиранг. 5-10 марта такрорланг. Танаффуслар орасида чалқанча ётган ҳолда қўл, гавда ва оёқ мушакларини бўшаштиринг. Аввал мушаклар таранглаштириб олинса, бунга эришиш осон бўлади.

5. Д.ҳ. чалқанча ётган ҳолда, қўллар ён томонда, оёқлар узатилган. Тиззани букмаган ҳолда чап оёқни кўтаринг, туширинг. Ўнг оёқни кўтаринг, туширинг. 10 марта такрорланг.

6. Д.ҳ. чалқанча ётган ҳолда, қўллар ён томонда. Тиззаларни букиб, оёқни қорин томонга тортинг. Дастлабки ҳолатга қайтинг. 10 марта такрорланг.

7. Д.ҳ. қорин билан ётинг. Думба мушакларини қаттиқ бўлгунча таранг қилинг. Бўшаштиринг. Нафасингизни тутиб турманг. 5-10 марта такрорланг.

8. Д.ҳ. қорин билан ётинг, қўллар орқага жуфтланган. Бош ва гавданинг юқори қисмини кўтаринг. Қўлларни товон томонга чўзинг. Дастлабки ҳолатга қайтинг. 5-10 марта такрорланг.

9. Д.ҳ. қорин билан ётинг. Тиззаларни букмаган ҳолда навбат билан оёқларни кўтаринг. Ҳар бир оёқда 5-10 марта такрорланг.

10. Д.ҳ. қорин билан ётинг, қўллар ён томонда, оёқ товонлари жуфтланган. Оёқларни полдан узиб, имкон қадар юқорига кўтаришга ҳаракат қилинг. 5-10 марта такрорланг.

11. Д.ҳ. чалқанча ётган ҳолда, қўллар ён томонда, оёқ тиззалари букилган. Тосни кўтариб, «ярим кўприк»

66 Асаб тизимингиз саломат бўлсин

шаклига киринг. Тосни кўтарганда нафас олиб, туширганда чиқаринг. 10 марта такрорланг.

12. Д.ҳ. чалқанча ётган ҳолда. Тиззаларни кўкракка тортинг. Бошни тиззаларга яқинлаштириб, уларни қўл билан ушлаб олинг. Чалқанча ётган ҳолда тебранма ҳаралатлар қилинг, 3-5 марта. Дастребки ҳолатга қайтинг. 4-6 марта такрорланг.

13. Д.ҳ. қўлга таянган ҳолда тиззалаб тик туриш. Бошни кўтариб, умуртқанинг бел соҳасини чўзинг – нафас олиш. Дастребки ҳолатга қайтинг – нафас чиқариш. 4-6 марта такрорланг. Оғриққа йўл қўймай, эркин бажаринг.

14. Д.ҳ. қўлга таянган ҳолда тиззалаб тик туриш. Қомат бўшашибан, бош олдинга туширилган ҳолатда. Қаддингизни ростларкансиз, бир оёқни орқага чўзиб, бошни юқорига кўтаринг – нафас олиш. Дастребки ҳолатга қайтинг – нафас чиқариш. 4-6 марта такрорланг. Галма-гал бажаринг.

15. Д.ҳ. қўлга таянган ҳолда тиззалаб тик туриш. Қўлни букиб, билакка таянинг, умуртқа бел соҳасини имкон қадар эгинг – нафас олиш. Дастребки ҳолатга қайтинг – нафас чиқариш. 4-6 марта такрорланг.

16. Д.ҳ. тирсакка таянган ҳолда тиззалаб тик туриш. Қоматни бўшашибириб, бошни олдинга тушириш – нафас чиқариш. Дастребки ҳолатга қайтинг – нафас олиш. 6-8 марта такрорланг. Қадни тўлқинсимон, секин букинг ва ростланг.

17. Д.ҳ. қўлга таянган ҳолда тиззалаб тик туриш. Тосни орқага тортиб, товонга ўтириш – нафас чиқариш. Дастребки ҳолатга қайтинг – нафас чиқариш. 6-8 марта такрорланг.

4.8. Касалликни даволагандан олдини олган маъқул

Агар сиз умуртқа билан боғлиқ касалликлардан мутлақо азият чекмаётган бўлсангиз, унда ўзингизни баҳтили ҳисоблашга мутлақо ҳақлисиз. Аммо бу бепарво қолиш,

умуртқа парваришига эътибор қаратмаслик мумкин дегани эмас. Шифобахш бадантарбия ҳар кимга ҳар куни керак. Чунки у вужудимизга қўшимча қувват бағишлайди. Бинобарин, қад-қоматингизнинг тобора мукаммал бўлиши қайсиdir маънода соғлиғингиз гарови ҳам саналади. Шундай экан, ўзингиз учун вақт топинг, қуидада келтирилган машқлар билан мунтазам шуғулланиши канда қилманг. Бу бир томондан қадди-бастингизни чиройли қилса, иккинчи томондан соғлиғингиз учун кони фойда.

1. Д.ҳ. оёқларингизни чалиштириб ўтиринг, қўл бармоқларингизни «қулф» кўринишида қовуштиринг. Иложи борича кафтингизни юқорига қаратган ҳолда қўлларингизни кўтариш ва тортилинг. Қўлларингизни тушираётганда тез-тез нафас чиқаринг. 10 марта такрорланг.

2. Д.ҳ. чўккалаб ўтиринг, қўлларингизни орқа томонга ўтказинг ва уларни «қулф» кўринишида қовуштиринг. Энди қўлларингизни кўтаришга ҳаракат қилинг, бир пайтнинг ўзида қорин мушакларини ҳам таранглаштиринг. Чуқур нафас олиб, бир неча сония жим туринг. Нафасни чиқараётганда бошингизни кўксингизга туширинг ва бўшашинг. 10 марта такрорланг.

4.9. Елка мушаклари учун машқлар

1. Д.ҳ. курсида ўтирган ҳолда ён томонларингизга навбатма-навбат қўлларингизни қаттиқ силтанг, аста-секин ҳаракатлар амплитудасини оширинг.

2. Д.ҳ. қўлларингизни тирсак қисмидан шундай букингки, тўғри бурчак ҳосил бўлсин. Энди шу ҳолда бир қўлингизни тепага кўтариш, иккинчисини эса пастга туширинг. Қўллар ҳаракатининг йўналишини галма-галдан ўзгартиринг. Орқангиз ва елкаларингиз текис туришига эътибор қаратинг.

4.10. Орқа мушаклари учун машқлар

1. Д.ҳ. ерга чўзилиб ётинг, тирсаклар полда. Умуртқанинг кўкрак қисмидан букилинг. 5-7 сония шундай туринг.

2. Д.ҳ. ерга чўзилиб ётинг, оёқлар букилган, оёқ кафти ва тирсаклар полда. Тосни бироз кўтаринг ва 10 сониягача ушлаб туринг.

3. Д.ҳ. ўтирган ҳолда қўллар орқада, полга қўйилган. Тосни бироз кўтаринг, бошингизни орқага эгинг ва букилинг.

Иккинчи машқнинг ўзи, аммо полга фақат оёқ кафтлари ва энса билан таянилади.

4. Д.ҳ. ерга қорнингиз билан ётинг, қўл бармоқлари орқа томонда бир-бирига қовушган. Бошингизни ва елкаларингизни кўтаринг, қўлларингизни орқага тортинг, букилинг ва шу ҳолатда 5-7 сония туринг.

5. Д.ҳ. юмшоқ стулда қорин билан ётган ҳолда, оёқлар туширилган ва ерга мустаҳкам тегиб турибди; қўллар, бош, елкалар қуий солинган, қўлларда гантеллар (3 кг). Аста-секинлик билан ростланинг, бошингизни, елкангизни кўтаринг, қўлларингизни ён томонларга чўзинг, 5-7 сония шу ҳолатда туринг.

4.11. Қадди-қоматни мустаҳкамлаш учун машқлар

1. Девор ёнида, кўзгу олдида тик туринг, қўллар пастга туширилган ҳолатда ростланинг. Деворга тово-нингиз, болдирларингиз, орқангиз ва куракларингиз тесгин. Бошингизни тўғри ушланг. Шу ҳолатни эслаб қолинг. Кейин кўзларингизни юмиб, олдинга икки қадам ташланг. Кўзларингизни очинг, қадди-қоматингиз ўзгарганини текширинг.

2. Кўзгу олдида тик туринг, қўллар пастга туширилган, орқангиз суюнчиқ нарсага тегмасин. Тўғри қадди-қоматни эслаб қолинг. Кейин ўзингизни кўзларингиз билан назо-

рат қилмаган ҳолда бир нечта оддий машқларни бажаринг. Қўллар ён томонга, юқорига, оёқлар ён томонга. Оёқ учингизда туринг, ўтириング, ўрнингиздан туринг ва ҳоказо. Кейин дастлабки ҳолатга қайтинг.

3. Юришни машқ қилиш, турли машқларни бажариш, бошда унча оғир бўлмаган юқ билан ўтириб-туриш яхши.

4.12. Халқ табобати

Энди эса асаб тизими, хусусан, остеохондрозни халқ табобати усулида даволаш ҳақида сўз юритамиз. Ҳаммом ва уқалашсиз, очигини айтганда, умуртқа ва унга боғлиқ касалликларни даволаш беҳуда вақт ва меҳнат сарфлашдан бошқаси эмас. Дорилар билан фақат оғриқни қолдириш мумкин. Аммо у ҳам кейинги хуружгача самарави. Шундай экан, мануал терапияга ўтишдан аввал ҳаммомлар ҳақида эслаб оламиз! Инсон учун табиатнинг ўзи берган шифодан оддийроқ ва ёқимлироқ ҳеч нарса йўқ – бу албатта сув. Қадимдан аждодларимиз сув ва ҳаммом буғининг мўъжизавий таъсири ҳақида яхши билишган. Ҳозирга келиб эса, ҳаммомнинг ҳар томонлама шифобахш таъсирини исботловчи кўплаб илмий далиллар пайдо бўлди.

Ҳаммом бизнинг организмга қандай таъсир қиласди? Ҳаммом буғи тана тешикчаларини очади ва тозалайди, кирни йўқотади, терининг юза қисмидаги нобуд бўлган ҳужайраларни юмшоқ олиб ташлайди. Ҳаммомда юрак-томир тизими стимуляцияси содир бўлади, қон айланиши тезлашуви ҳисобига организмнинг аъзолари ва тўқималари ўз таъминотини яхшилайди, моддалар алмашинувининг якуний маҳсуллари (уларни шлаклар деб аташ қабул қилинган) тери билан организмдан тезда чиқиб кетади. Ҳаммом, айниқса, бўғимлар ва пайларга фойдали таъсир қиласди. Ҳаммомдан сўнг нафас олиш енгиллашади, чарчоқ ёзилади, бутун вужуд бўшашиб, ёқимли ором олади. Албатта, эт увишиб турганда, терида яллиғланиш

ўчоқлари бор бўлса, агар сизда тахикардия ва гипертонияга мойиллик кузатилса, ҳаммомда парланиш тавсия қилинмайди.

Дунё маданиятида ҳаммомнинг ҳам ўз ўрни бор. Тозалик ва соғлиқни сақлашда мухим аҳамияти туфайли ҳаммомлар азал-азалдан инсоният эътиборида бўлган. Бинобарин, ҳар бир халқ асрий тажрибасидан келиб чиқиб, ҳаммом билан боғлиқ озодалик ва саломатлик анъаналарини шакллантирган. Айни пайтда дунёга машхур бир нечта ҳаммом тури бор. Рус ҳаммоми – парли ҳаммом, ҳаво намлиги юқори, ҳарорати 40-45°C. Иссиқ ҳаволи ҳаммомлар уч хил бўлади: турк ҳаммоми – ҳаво ҳарорати 50°C, қуруқ; рим ҳаммоми – ҳаво ҳарорати 70°C, қуруқ; фин ҳаммоми (ёки сауна) – ҳаво ҳарорати 80-120°C, намлиги 5-45 %.

Муқаррар шарт шундан иборатки, ҳаммомга овқатдан бир соат кейин борган яхшироқ. Бошни ҳўлламанг, балки кигиз ёки жун қалпоқ кийиб олинг. Парланганда ётиб олган маъкул. 10-15 дақиқадан зиёд парланиш тавсия қилинмайди, ёш қанча катта бўлса, парланиш вақти шунча кам бўлгани мақсадга мувофиқ. Сўнгра салқин хонага ўтинг, бундан ҳам яхшироғи – совуқ душ қабул қилинг. Ундан кейин бадан уқаланса, катта фойда беради. Агар ҳаммасини тўғри бажарсангиз, ҳаммом муолажаси сизда бардамлик, тетиклик ва қувонч ҳиссини уйғотади, қувватга тўласиз. Агар аксинча, ҳаммомдан сўнг нафас олиши оғирлашиб, ҳорғинлик ва ғамгин кайфият пайдо бўлса, у ҳолда эҳтиёткор бўлганингиз маъкул.

Энди эса мануал терапия ҳақида сўз юритамиз. Бошингизни ўнгга-чапга айлантиринг. Қисирляяптими, оғрияптими? Иякни елка томонга роппа-роса 90° га буриш қийинми? Гарданингиз ўқтин-ўқтин оғриб турадими? Бошингиз айланадими? Агар учала саволга ҳам тасдиқ ишораси билан жавоб берсангиз, у ҳолда бўйинни тўғрилаш керак. Буни уйқу олдидан қилиш ях-

широқ самара беради. Албатта, ёлғиз ўзингиз бўйинни тўғрилай олмайсиз. Бунинг учун кимдир ёрдам бериши керак. Аввал ўзингиз уйда кимнидир бўйинни тўғрилашга ёрдамлашинг, кейин эса сизда ҳам шуларни такрорлашни илтимос қилинг. Бунинг учун аввал у кроват ёки диванга чалқанча ҳолатда ётиб олиши лозим. Шундай ётсинки, боши ундан ташқарига чиқиб, осилган ҳолатда турсин. Ияги ва бошининг орқасидан ушлаб, бошни ўзингизга тортинг, сўнгра чап ва ўнг томонга енгил буринг. 10 дақиқа шундай давом этинг. Бу муолажадан сўнг бўйинга майин илиқлик югуради, фикрлар ҳам тиниклашади. Қанийди, ётсам-у ухласам дейди киши!

Ухлайсизми? Марҳамат! Лекин шунчаки ухламанг, медитация билан ухланг! Мисол тариқасида қуида келтирилган матнни ҳозирги техника воситаларидан фойдаланган ҳолда аудиоёзувга айлантиринг-да, уни тинглаб ётинг. Имконингиз бўлса, матнни қандайдир ёқимли куй билан уйғунлаштиришингиз ҳам мумкин.

4.13. Ўзини бошқариш сеанси

Медитацияни бошлаймиз. Ўзингиз учун қулай ҳолатга киринг, кўзингизни юминг, чуқур хаёлга ботиб, фақат ўз ҳиссиётларингизни ўйланг. Бутун диққат-эътиборингизни ўз вужудингизга қаратинг. Ҳаммаси гўё ўз-ўзидан, ҳеч қандай саъй-ҳаракатсиз, зўриқишишсиз содир бўлмоқда. Сиз шунчаки ҳордик чиқаряпсиз. Хаёлот уфқингиз мовий само ва чексизликка туташиб кетгандек гўё.

Ҳозир сиз ўз танангиз мушакларини ҳис қиласиз, юзингиз мушакларини, пешонангиз, ёноғингиз, иягиниз ва тилингиз мушакларини ҳис қиласиз. Лаблар хиёл юмилган. Юзингизда хотиржамлик ва осойишталик балқимоқда. Ним табассум чеҳрангизни ёришиширади. Ёқимли ором, ёқимли ором олмоқдасиз, онгу шуурингиз ёқимли ҳисларга тўлмоқда.

Қўл мушаклари ҳақида ўйланг ва уларни ҳис этинг. Елка, ўнг қўл билаги ва панжаси. Елка, чап қўл била-

ги ва панжаси. Хотиржам ҳолда қўл мушаклари ҳақида ўйланг, уларни ҳис қилинг. Қўлларда пайдо бўлган ҳисларни таққосланг, таққосланг. Ҳиссиётлар турлича бўлиши мумкин. Улар бир-бирини тўлдириши, кучайтириши мумкин. Қўлларда турли сезгилар пайдо бўлиши мумкин. Бу балки оғирлик ёки енгиллик, илиқлик ёки салқинлик ёхуд майин тўлқинлар ҳиссиdir. Ҳислар ранг-барамг бўлиши мумкин. Сиз хотиржам ўйланг, хотиржам ҳис қилинг. Хотиржам ҳислар билан ўтган ҳарлаҳзада қўллар ҳам чукур тин олади, мутлақо хотиржамлик ва мўътадилликни ҳис этади.

Оёқларингиз ҳақида ўйланг. Ўнг оёқ, сон, болдир, товон. Чап оёқ, сон, болдир, товон. Оёқларда пайдо бўлган ҳисларни таққосларкансиз, улар янада хотиржам эканини ҳис қиласиз. Зўриқишлар, барча мушак исканжалари ғойиб бўлмоқда.

Кўкрак қафасингиз мушакларини, қорин мушакларини, бел ва оёқ мушакларини ҳис этинг. Хаёлан юз мушагидан бўйинга, ундан эса оёқларга кўз югуртиринг. Худди шундай йўл билан товон мушакларидан юқорига кўтарилинг: тизза, сон, тос мушаклари, чов, қорин мушаклари, бел, қўл, бўйин, энса ва юз мушаклари. Хотиржам, ҳеч қандай зўриқишишиз, енгил. Юз мушаклари, бутун вужудингиз мушакларини ҳис қиларкансиз, аста-секинлик билан ўзгача ҳолат – ботиний оламга шўнгийиз. Ҳар бир ҳужайра ва ҳар бир асаб толаси эркин бўлади. Хотиржамлик ва халоват билан сизда қувват ва куч ҳисси пайдо бўлганини ҳис қиласиз. Бу ҳолатда ўзингизни тиклаш, шифо топиш, соғайиш содир бўлади. Вужудингиз нурга тўлмоқда, ёрқин нур таратади. Буни сиз ҳис қиляпсиз, идрок этмоқдасиз.

Қувват оқимиға қўшилинг. Ҳар бир ҳужайра ва ҳар бир асаб қувват таратади. Булутдан-да енгил бу қувват сизни ўраб олмоқда. Енгил, сезилар-сезилмас тутун кўринишидаги қувват сизнинг бутун вужудингиз атрофида жамланмоқда. Қанча бўшашганингиз сари қув-

ватни ҳис қилиш шунча кучаймоқда. Қувват яққол тус олмоқда. Вужудимиз атрофи ўзига хос қобиқ, ўзига хос қувват пилласи. Бу бизнинг ҳимоямиз, салбий таъсирлардан, ташқи маконнинг салбий қувватидан метин ҳимоямиз. У қанчалар мукаммал, мустаҳкам, зич ва ёрқин бўлса, бизни касалликлардан шунчалар барқарор, ишончли ва мустаҳкам муҳофаза этади. Вужудимизга шундай қўриқчи керак, бизга қувват керак, шифобахш куч керак.

Латиф қувват вужудингизга қанчалар чукур кириб борса, сизга шунчалар кўп ҳаётий куч ва қувват бағишлайди. Хотиржамлик, мўътадиллик, вазминлик, ҳузур-халоват – латиф, ҳаётий ва умрбоқий қувватни ҳосил қилиш учун пойdevor, чинакам негиздир. Енгиллик. Ҳозир сиз вужудингизда ўзгача бир енгиллик ҳис қиласиз. У ёрқин ва тиник. Вужудингиздаги енгиллик сизнинг қувватингиз янада мукаммал, янада шифобахш бўлиб бораётганига ишора қиласди. Сиз бу қувватни ўзлаштиришга, ундан оқилона фойдаланишга қодирсиз. Чунки у ўзингизга хос ирова ва матонат қуввати. Сизнинг қувват кучингиз қанча латиф, қанча нафис бўлса, шунчалар кўп шифобахш қувватни қабул қилишга ва ўзлаштиришга қодир бўласиз.

Энди ўз нафасингиз ҳақида ўйланг, хотиржам уни ҳис қилинг. Нафасингиз янада енгил, янада эркин, янада сезиларсиз бўлиб бормоқда. Нафас олганда хаёлан шундай сўзларни айтишингиз мумкин: «Мен нафас оляпман». Нафас чиқарганда эса: «Мен нафас чиқаряпман». Хотиржам ва енгил нафас янада равон бўлади. Ўзингиз ҳам сезмаган ҳолда ички бир вазминликка, осудаликка эришасиз. Вужуд ва рух уйғунлигини ҳис қиласиз. Нафасингиз енгиллашиб борган сари бу уйғунлик ҳисси янада ортиб бораверади.

Ботиний нигоҳимизда бепоён осмон, коинот, чексизлик намоён бўлмоқда. Атрофингиздаги ҳамма нарса,

макон ва вақт изчил маромда, буюк уйғунликда сизни қуршаб олган. Сизга осудалик бағишиламоқда. Сиз аста-секин ушбу нозик маромни илғашга, уйғунликни ҳис қилишга, осудаликка эришишга қодир бўлиб бормоқдасиз. Сиз аста-секин ўзингиз ҳам ушбу абадий маром, уйғунлик ва табиатнинг ажралмас бир қисми эканини идрок қилмоқдасиз. Абадий қувватнинг чамбарчас қисмига айланяпсиз.

Ўзига хос сокин ҳолатдасиз. Бу ҳолат вужудингиз ва асаб тизимингиз учун фавқулодда ижобий, ниҳоятда шифобаҳш. Асаб тизими ўзгача бир уйғунлик, ритм ва осойишталикка эришмоқда. Ҳар бир асаб ҳужайрасида шиддат билан тикланиш жараёни давом этмоқда. Ҳар бир асаб ҳужайраси нафақат қувват таратмоқда, балки табиат ва коинотнинг абадий қувватини ютмоқда, ўзлаштируммоқда, ундан тўйиб озиқланмоқда. Асаб тизимида тикланиш ва мўътадиллашиш жараёни кечмоқда.

Дикқат-эътибор ҳам яхшиланмоқда, сезиларли яхшиланмоқда. Нигоҳингиз янада теран, фикрларингиз янада тиниқ. Дикқатингиз керакли йўналишга синчков йўналтирилган. Хотира мустаҳкамланмоқда. Хотирангиз ҳам жуда ишончли. Тафаккурингиз жилоланиб, янги-янги фикрлар оқимида товланмоқда. Фикрларингиз ёрқин, изчил ва аниқ мақсадга йўналтирилган. Бу фикрлар сизни илҳомлантируммоқда, ғайрат-шижоатингизни оширмоқда, қувватингизга қувват қўшмоқда, қаршингиздаги ҳар қандай муаммони тўғри ва мукаммал йўл билан ҳал этишга ундармоқда.

Тунда уйқунгиз чуқур, хотиржам ва халоватли. Тунги уйқу сизга ширин ва ёқимли тушлар туҳфа этмоқда. Эрталабгача мириқиб ухлайсиз. Сизни тонг шаббодаси уйғотади. Уйғонганде ўзингизни тетик ва бардам ҳис қиласиз. Ақлингиз янада тўлишиб, фикрларингиз минг чандон тиниқлашганини ҳис қиласиз. Жисмингиз куч-қувватга тўлган, нафақат бугун, балки бутун умр чарчоқ нималигини билмай яшашга тайёрсиз. Жўшқин, мазмунли ва мақсадларга бой ҳаётга интилмоқдасиз.

Нафасингиз майин. Бутун аъзоларингизда, барча тизимларда, айниқса, юрак-томир тизимида шиддат билан соғайиш, шифо топиш жараёни давом этмоқда. Латиф кувват, умрбоқий қувват юрагингизни тўйинтирум оқда. Юрагингиз равон, текис ва осуда урмоқда. Кислород, тўйимли озуда моддалар, карбонат ангидридга тўйинган қайноқ қонингиз теран томирларингиз бўйлаб вужудингизга ҳаётий қувватини тарқатмоқда, унинг энг олис нуқтала-ригача кириб бориб, ҳар бир ҳужайрангизга, ҳар бир аасаб толангизга соғлиқ ва қувват бағишиламоқда.

Сизнинг ошқозонингиз ажойиб, ҳар қандай озуқани осон ва енгил ҳазм қиласади. Ичагингиз ҳам ўз вазифасини аъло дараҷада уддалаб келяпти, тўйимли моддаларни қойилмақом ўзлаштира олади. Тўйимли моддалар қонга қўшилади. Кейин эса вужудингизнинг энг олис нуқталари-гача бориб, ҳар бир ҳужайрангизга, ҳар бир аасаб толангизга соғлиқ ва қувват ҳадя қилмоқда.

Сизнинг терингиз майин, тоза, ажойиб рангга, соғлом ҳаётий рангга эга. Барча кераксиз ва зарарли ҳосилалар бир зумда ғойиб бўлади. Терингиз майин, тоза ва соғлом.

Ажойиб овозингиз бор. Нигоҳларингиз бургутники каби ўткир. Қадди-қоматингиз расо. Адл юришингиз ажойиб. Бутун вужудингиз мукаммал кўринишида. Қорнингиз ҳам меъёрида. Мушакларингиз тарапнг. Кучкүвватга тўла, соғлом мушаклар. Ўзингизни ажиб енгил ҳис қиляпсиз, мусаффо енгилликдан баҳра оляпсиз.

Нафасингиз майин. Ҳар бир ҳужайрангиз, ҳар бир аасаб толангиз янгиланмоқда, тобора соғлом бўлмоқда. Вужудингиз ботиний оламга ғарқ бўлганини ҳис қиляпсиз. Шунинг учун танангиз жадал суратда ўзини-ўзи даволамоқда. Буни ичичингиздан идрок этишингиз мумкин. Онгингиз бунга қодир. Ботиний оламнинг сирли кучлари бизга доим ҳамроҳлик қиласади. Чунки улар ҳам биз каби бу оламнинг ажралмас қисми саналади.

Ҳар нафас олганда коинотни, абадий қувватни, табиатнинг бунёдкорлик маҳоратини тасаввур қилинг.

Нафас чиқарганда эса вужудингизнинг ҳар бир аъзосида, ҳар бир қисмида, ҳар бир хужайрасида худди шундай жараён изчил ва мунтазам давом этаётганини ҳис қилинг. Уларга ҳаёт қувватини йўналтиринг.

Нафас олганда коинот, нафас чиқарганда юрак ҳақида ўйланг. Нафас олганда коинот, нафас чиқарганда юрак. Шунда вужудингиз ўзгача бир қувват билан тўлганини ҳис қиласиз. Бу қувват юрагингизга қуийлмоқда, сизни ҳар қандай ёқимсиз ҳислардан халос этиб, сизни ҳаётий қувват ва шижоат билан тўлдирмоқда.

Энди сиз сокин, соғлом, шижоатли ва қувноқсиз. Ботиний олам кучлари бутун умр ўзингизни даволашга мадад беради. Кундан кунга ўзингизни яхшироқ, ишончлироқ ва омадлироқ ҳис эта бошлайсиз. Ишларингиз, режаларингиз, бошқалар билан муносабатларингиз – ҳамма-ҳаммаси янада осон рёёбга чиқади, сизга ёқимили таскин бахшида этади. Одамлар билан мулоқот сизга ёқимили лаҳзалар туҳфа этади. Ҳар қандай қийин вазиятдан ўзингизни, вужудингизни, асабингизни зўриқтирумаган ҳолда осон, жуда осон чиқиб кета оласиз. Қаршингизда турган мушкул муаммоларни ҳам енгил ва юксак маҳорат билан ҳал этасиз, стрессларни четлаб ўтиб, мақсад сари юришдан сира тўхтамайсиз. Ҳиссий, ақлий ва руҳий вазминлик сизга доим ҳамроҳлик қиласиди. Ўз ҳис-туйғуларингизни, кечинмаларингизни осонликча идора қила оласиз. Энг мураккаб вазиятларда ҳам мулоҳазакорликни йўқотмайсиз. Табиийлик ва хотиржамликни саклай оласиз.

Энди эса ўндан биргача санаш давомида барча фойдали, шифобахш ва оромбахш нарсалар сақланиб қолади. У сизнинг онгу шуурингизга мустаҳкам ўрнашади. 10 дан 1 гача санаб, кўзингизни аста очасиз.

10, 9, 8, 7. Ботиний оламдан ҳозирги вақтга, ҳозирги маконга қайтяпсиз.

7, 6, 5. Осон қайтяпсиз, ўзингизни ғайриоддий енгил, куч-қувватга тўла, гўё қайта туғилгандек ҳис қиляпсиз.

6, 5, 4. Барча ёқимсиз ҳис-туйғулар изсиз ғойиб бўлмоқда. Уйкучанлик, ҳорғинлиқдан асар ҳам қолмади. Енгиллик, қувват, бардамлик, соғлиқ ва ҳаётий қувват бутун вужудингизни чулғаб олган. Сизга доим ҳамроҳ.

5, 4, 3 . Қўллар, оёқлар, бутун тана пардек енгил. Ўзингизни ҳозирги вақт ва маконда идрок эта бошладингиз. Ҳозирги вақтни ва маконни ҳис қиласиз. Аммо хотиржам ва енгилсиз.

2. Киприклар енгиллашган, кўзни очиш мумкин.

Бир! Сиздаги ҳозирги ёрқин нур, қувват, куч, ишонч ва хотиржамлик сизга доим ҳамроҳ бўлади. Медитация тугади.

Шундай қилиб, остеохондрозни даволаш учун юқорида санаб ўтилган усуллардан ташқари бошқа усуллар ҳам бўлиб, уларнинг аксарияти сиз учун жуда яхши таниш. Биз шунчаки уларни эслатиб ўтмоқчимиз. Ҳозир гап умуртқани чўзиш ҳақида бормоқда. Буни уй шароитида оддий воситалар кўмагида бажариш мумкин. Агар уйингизда нимагадир осилиш имкони бўлмаса, у ҳолда болалар майдончаси ёки спорт майдончаларидаги турниклардан фойдаланиш мумкин.

Осилиб туриш вақти ҳар кимнинг ўз кучига қараб 5-10 дақиқа давом этади. Осилиб турганда қўллар елка кенглигига бўлиши, панжалар турникни юқоридан ушлайди, оёқлар жуфтланган ҳолатда. Бунда асосий зўриқадиган тана аъзолари қўл ва елка белбоғи ҳисобланади. Тананинг қолган қисми бўшашган ҳолатда бўлиши керак.

Агар машқларни эшикнинг тепаси ёрдамида бажарсангиз, у ҳолда қўллар билан эшикнинг юқори четини ушлаб оласиз, тиззани букиб, қўлларингиз тўғри чўзилган ҳолда осилиб турасиз. Шу ҳолатда камида бир дақиқа турасиз, кейин дам оласиз.

Эслаб қолинг, остеохондрозда турникни ушлаш учун кескин сакраш мумкин эмас, чунки шундай пайт-

да умуртқалараро дисклар зўриқиши кескин кучаяди. Турникка чиқиш учун оёқ остига маҳсус нимадир тайёрлаб олинг. Сизга у узоқ вақт асқотади! Гап шундаки, кейинроқ турникдаги машқларни тортилиш билан мураккаблаштириш мумкин. Айтганча, фитнессевар инсонлар учун керакли маълумот: остеохондрозда югуриш машқларини ўзиорар йўлакчада (тредбан) бажариш тавсия этилмайди. Чунки унинг қопламаси қаттиқлик қиласиди. Тупроқ йўлда югуриш анча енгил ва қулай!

4.14. Уқалаш

Энди эса остеохондрозга чалинган одамлар учун том маънода сув ва ҳаводек зарур даволаш усули ҳакида сўз юритамиз. Бу уқалаш ва ўзини уқалаш.

Уқалаш – ишқалаш, босиш, тебратиш кўринишидаги механик таъсир усуллари мажмуи бўлиб, бевосита одам танасининг юзаси бўйлаб қўллар ва маҳсус аппаратлар ёрдамида бажарилади. Уқалаш вазифасига кўра гигиенавий, даволовчи, спорт, шунинdek, ўзини уқалаш бўлиши мумкин. Даволовчи уқалаш анъанавий бўлиши мумкин – рефлектор таъсирлар ҳисобга олинмаган ҳолда қўлланилади ва тананинг шикастланган қисми яқинида ёки бевосита ўзида ўтказилади. Сегментар-рефлектор уқалаш ички аъзоларнинг функционал ҳолатига рефлектор таъсир мақсадида қўлланилади. Бириктирув-тўқимали –асосан бириктирувчи тўқималар ва тери ости ҳужайраларига таъсир қилинади. Периостал – тана нуқталарига муайян кетма-кетлиқда таъсир қилиб, бу билан суяқ пардаларида рефлектор ўзгаришлар қўзғатади. Нуқтали уқалаш – бунда фақат биологик фаол нуқталарга таъсир қилинади, устига-устак, танадаги ўша нуқталарни топиш – деярли санъат! Даволаш самарадорлиги уни тўғри топишга боғлиқ. Айтганча, бу усулни жуда истиқболли десак муболаға бўлмайди. Аппаратли уқалаш, ўзингиз ҳам

тушуниб турганингиздек, маҳсус воситалар кўмагида амалга оширилади. Ҳозирга келиб бундай воситалар нинг сони ҳам, тури ҳам жуда кўп. Умумий олганда эса, вибрацияли, пневмовибрацияли, вакуум, ультратовушли, ионловчи аппликатор кабиларга ажратилади.

Даволовчи уқалаш шифокор томонидан тайинланади ва уни малакали уқаловчи олиб боргани мақсадга мувофиқ. Ўзини уқалаш усуулларига келсак, уларни ҳар бири миз яхшилаб ўзлаштириб олишимиз лозим. Бу нафақат остеохондрозни даволашда, балки кўплаб бошқа касалликларнинг олдини олишда қўл келади. Мазкур уқалаш тури универсал таъсирга эга бўлгани учун фойдадан ҳоли эмас. Бу ҳақда асаб тизимининг барча касалликларида даволаш усууллари ҳақида сўз юритганда, батафсилоқ тўхталиб ўтамиш.

4.15. Қад-қомат

Остеохондроз ҳақида суҳбатимизни қадди-қоматингиз ҳақида мулоҳазалар билан якунлаймиз. Бу мавзуу анчайин нозик, чунки ҳаммани безор қилган. Қад-қоматни ростлашга ҳар бир уриниш ўзига хос эътиroz ва қаршиликка сабаб бўлади. Ўзим биламан, минг марта эшитганман, мени аҳмоқ деб ўйлаяпсанми? Яна шунга ўхшаш гаплар! Шунга қарамай, комил ишонч билан айта оламизки, тўғри қомат, чиройли қадам ташлаш – бу, бир томондан, одатлар, устига-устак, мақбул одатлар, борингки, маданият, бошқа томондан эса – бебаҳо соғлиқ! Ҳамма нарса икир-чикирлардан бошланади!

Биз нимага одатланиб қолганмиз? На ўтиришни, на туришни, на энгашишни, на оғирлик кўтаришни тўғри бажарамиз. Шунчаки билмаймиз. Тўғри, ҳаммасини бажарамиз, лекин мутлақо эътиборсиз ва ҳеч қандай қоидасиз. Кейин эса нотўғри танланган ҳолатда узлуксиз зўриқишига мослашмаган мушаклар зўриқа бошлайди, уларга қўшилиб, ўзингиз ҳам зўриқасиз. Агар бунга яна қандайдир

«арзимаган омиллар», масалан, магнит бўрони, ҳамма режаларни барбод қилган пул қадрсизланиши қўшилса, бир сўз билан айтганда, мушак зўриқиши ўзини ўзи «абгор қилиш» билан кифояланиб қолмай, ёнида жойлашган асаб тугунини ҳам қувватдан маҳрум қиласди. Ахир буларнинг барчаси бир замонлардаёқ аниқланиб, кашф қилиб бўлинган. Сиздан эса, ҳурматли китобхон, фақат ўзлаштириб олиш ва рисоладагидек бажариш талаб қилинади, холос!

Демак, турган одам шундай ҳолатда бўлиши керакки, қулоқ солинчаги ўртасидан пастга тортилган перпендикуляр тўғри тўпиқ ёки унинг устки қисмидан ўтиши керак. Қадни шундай ушлаб туришни ўрганиб олишингиз учун содда бир усул ёрдам беради: узун таёқ олинг, ўқпов ёки швабра ҳам бўлаверади, уни елка оша кўтариб, қўлингизни устидан олиб ўтинг. Қўллар эркин осилиб турадиган бўлсин. Ёки курсига ўтириб, уни елка оша кўтаришинг ва куракларни бирлаштиришинг. Бошга келганда эса, ияк бироз олдинга чўзилади, лекин бунда унча юқори кўтаришмайди. Елкани ёйиқ, лекин куракларни бирлаштирилган ҳолатда ушлашга мушакларингиз кўмаклашади, мушакларни машқ қилдириш керак! Буни унча уddyalай олмасангиз, яна кимнидир севиб қолишингиз мумкин! Йўқ, бу киноя эмас. Ростдан ҳам яхши ёрдам беради. Ошиқлар қандай юришига разм согланмисиз ҳеч? Бу дунёда ўзидан бошқа ҳеч ким йўқдек бутун вужуди билан факат юлдузларга талпинишади!

Энди эса ўтиришини ўрганамиз. Тик турган ҳолатда аввал тиззалар букилади, бунда умуртқа ҳолатини ўзгартирмаймиз. Курсининг ўртасига ўтирамиз, четроғига ўтирса ҳам бўлади. Қўлларни албатта бўшаштирамиз. Елкалар ёйиқ ҳолда бош билан шифт томон интиламиз. Яна бир гап. Ўтирган ҳолда компьютерга қўйидан юқорига эмас, юқоридан қўйига қараш яхши ва хавфсизроқ. Китобни яхшироқ қўриш учун эса, ўзингиз эгилмай,

китобни кўзга яқинлаштиринг. Баҳонада қўл мушаклари ҳам ишга тушади. Агар ўтирган ҳолда барибир энгашшиша тўғри келса, эринмай ўрнингиздан туринг-да, тик ҳолатда энгашинг! Бу вазифани тос-сон бўғими яхшироқ уddeлайди.

Юк қўтариш. Эгилган маҳал тизза гавда билан деярли вертикал ҳолатда букилади. Ўтиргач, болани ушлаймиз ва сон мушаклари ёрдамида ердан даст кўтарамиз. Эслаб қолинг, бел эмас, сон мушаклари ишга тушади! Мисол тариқасида оғир вазнли спортчилар штанга қандай қўтаришини кўз олдингизга келтиринг. Уларнинг қадди ростланган ҳолатда, белида эса ҳимоя белбоғи бўлади.

Үйда ишлаш. Кир ювиш ёки чангютгич билан ишлашда ҳам қаддимизни букмай олдинга эгиламиз. Қадди-қомат худди тик ҳолатдаги каби, етарлича эгилиш учун тос-сон бўғимлари кўмаклашади. Кўникма ҳосил қилиб олгунча бир оёқ бироз орқага қўйилади. Шунда эгилиш осонлашади. Илтимос, ўз соғлиғингизни тиклаш учун эътиборли бўлишни унутманг! Умуртқанинг бўйин соҳасини уқалаш, медитация, турли машқлар ва компресслар билан ўзига келтириб олганингиз заҳоти юракнинг озиқланиши ҳам зудлик билан яхшиланади!

Бинобарин, орқа мия ишини сезиларли даражада юрак белгилаб беради. Юрак заиф бўлса, қонни кучли ҳайдай олмагани туфайли миянинг қон билан таъминланиши бузилади. Оқибатда, ҳамма қон вена ўрилмасида қолиб кетади.

Шундай пайтда бел мушакларингиз чинакам халоскорга айланиши мумкин. Бунинг учун шалвирраб қолган ва бемажол мушакларни кундалик енгил машқлар воситасида кучли ва қудратли мушакларга айлантиришингиз лозим! Кейин улар умуртқанинг икки томонида қудратли тоғ тизмасидек ястаниб ётаркан, уни ортиқча зўриқиш, жароҳат ва турли касалликлардан ҳимоя қилади.

Ушбу мушаклар бурилиш, эгилиш, қад ростлаш ва турғун ҳолатда туриш каби гавда ҳаракатларида қатнашиши билан аҳамиятли. Ўзига хос хусусияти эса анатомик жойлашувига боғлиқ, яъни, улар бутун бел бўйлаб ўтган! Қадди-қоматни ғоз тутиб турувчи мушак бош суюгидан бошланиб, думғаза суюгига тугайди. Энг узун бел мушаги кулоқдан бошланади ва барча умуртқа суюкларига, ҳатто думғаза суюгига ҳам биринкан бўлади. Қовурға-камар мушаги эса қўймичдан бошланиб, қовурғаларнинг ҳар бирига бирикади.

Ушбу мушакларнинг барчаси бош мия қобигининг мотор зонасидан бошқарилади. У ерда жуда кучли асаб ҳужайралари жойлашган. Улар организмга нисбатан ташқи вазифаларни, масалан, юк ташишни ҳал қиласиди. Ҳар куни мунтазам машқ қилинганда, умуртқа мушаклари ишини бошқариб турувчи ушбу нейронларнинг миқдори ўсиб боради. Китобнинг бошида айтган сўзларимизни яна бир карра эслаб кўринг. Нейроннинг ғаройиб хусусиятларидан бири шуки, шохчалари сонини қанча кўпайтиrsa, ўзи ҳам шунча кучли бўлади!

Анатомик жиҳатдан ҳам, физиологик жиҳатдан ҳам мушаклар ва умуртқа бир бутун саналади. Бу эса машқлар туфайли умуртқанинг озиқланиши, тозаланиши ва ҳимояси тобора мукаммаллашувини англатади, чунки унга бош мия мотор зонасининг ресурслари ҳам хизмат қила бошлийди. Қон айланиш тизими шундай тузилганки, қўйига йўналган аортанинг бутун узунлиги бўйлаб қовурғалараро артериялар тармоқланиб чиқсан, улар бел мушакларини озиқлантириш учун фойдаланилади. Бинобарин, ушбу тармоқчалар умуртқани ҳам озиқлантиради! Одамзот ву жудининг буюк ҳикмати ҳам шунда – ишлаётган мушак умуртқани «боқади» ва ҳимоя қиласиди! Мушак умуртқа учун мушак белдамча (корсет) ҳосил қиласиди, усиз бизнинг ҳаёт таянчимиз ўз таянчидан маҳрум бўлиб, адил қоматини асло сақлаб қололмайди.

Функционал фаол мушак ишлаётган пайтда ўзига кўпроқ қон келишини талаб қилади, демак, бутун умуртқа ҳам нормал озиқланади! Бундан ташқари, орқа мия ва бош миянинг энса соҳаси ўмров ости артериясидан ажralиб чиқкан умуртқа артерияси томонидан қон билан таъминланади. Ўмров ости артериядан қўлни озиқлантирувчи елка артерияси ҳам ажralиб чиқади. Қўлни иш билан банд қилсак, бош мия қобигида қўл ваколатини оширамиз. Лекин миянинг иши умуртқа артериясига қанча қон келишига боғлиқ, қон эса қўл мушакларини чиниқтиурсангиз кўпроқ келади.

Шу тариқа, кейинги бобда муҳокама қилинадиган мавзуга ҳам етиб келдик. Мияда қон айланиши бузилишлари ҳақида сўз юритишдан аввал нималарни эслаб қолиш кераклигини яна бир бор такрорлаб ўтамиз.

Умуртқа остеохондрозида неврологик белгилар кучайиб кетишига йўл қўймаслик учун қуйидаги асосий қоидаларга риоя қилиш керак.

1. Кундалик ҳаётда умуртқа зўриқишини камайтиришга ўрганинг. Бунинг учун ўтириш, туриш ва оғирлик кўтариш каби ҳаракатларни тўғри бажариш керак. Ёдингизда бўлсин, чалқанча ётган ҳолатда умуртқага энг кам юк тушади. Ёнбош ётган ҳолатда умуртқа чалқанча ҳолатдан кўра бироз кўпроқ зўриқади. Қуйидаги кетма-кетлиқдаги ҳаракатларда зўриқиш сезиларли кучаяди: туриш – ўтириш– туриш, олдинга энгashiш – олдинга энгashiб ўтириш.

2. Бел ва қорин мушакларини мустаҳкамлаш учун ҳар куни даволовчи бадантарбия билан албатта шуғулланиш лозим. Бу умуртқани ҳам мустаҳкамлаб, зўриқишини камайтиради.

3. Ўзингизни ҳаддан ташқари совқотишдан, зах уриши ёки елвизакда қолишдан асраб, шу баробарда белни иссиқ туting.

4. Чекиш, спиртли ичимликлар истеъмол қилиш, ту́мов, ангина каби организмнинг ҳимоя кучларини сусайтирувчи интоксикация (захарланиш) омилларидан йироқ бўлинг.

5. Тана вазнини назорат қилинг. Эсингизда бўлсин, 40 ёшдан кейин энг яхши таом бу – ейилмаган таомдир! Оғирликнинг 90 кг дан ошиб кетиши остеохондроз пайдо бўлиши учун риск омили ҳисобланади.

6. Ҳар ҳафта ҳаммомга боришни канда қилманг. Ҳам ғуборингиз ёзилади, ҳам соғлиқни мустаҳкамлайсиз.

7. Ҳар ойда бир ҳафта ўзингизни уқалашга эътиборни кучайтиринг. Ҳар куни роликли массажёр билан белни уқаланг. Бўш қолган вақтингизда эса қўлни ишга солинг! Шунингдек, йилига бир марта тажрибали уқаловчига қатнаб, даволовчи уқалаш курсидан ўтинг.

8. Оғир жисмоний иш арафасида турган бўлсангиз, олдиндан (ётган ҳолатда) маҳсус белбоғ тақиб олинг. Кўпни кўрган кексалар бежиз белидан белбоғни туширмайди, ахир.

9. Барibir оғир юк кўтариш, гавдани ноқулай буриш ёки бошқа сабаб туфайли умуртқада оғриқ пайдо бўлиб, ҳаракатда қийналаётган бўлсангиз, аввал ўткир яллиғланишни даволаш учун невропатологга мурожаат қилинг. Сўнгра қолганини ўзингиз амалга оширасиз.

БЕШИНЧИ БОБ

ҒАМГИН, АММО БИЛИШИНГИЗ ШАРТ

5.1. Марказий асаб тизимида қон айланиши хусусиятлари

Шифокорлар қайд қилишича, мияда қон айланиши бузилишларининг сони шунчалик тез ўсиб бормоқдаки, мияга қон қуилиши тиббиёт муаммосидан кўра ижтимоий муаммога айланиб қолди! Шунга қарамай, мияда қон айланишининг ўткир бузилишларида инсон ҳаёти айнан ўз вақтида ва малакали кўрсатилган тиббий ёрдамга боғлиқ бўлади. Бугунги кунда ушбу касалликларни даволаш ва профилактикаси энг долзарб тиббий-ижтимоий муаммолар билан бир қаторда туради.

Айтиш жоизки, мияда қон айланиши мустақил фаолият кўрсатувчи тизим саналади. Мия гемодинамикасининг асосий мезони, яъни, унинг фойдали натижаси қон оқими тезлиги бўлиб, айнан шу мия қандай ва қайси шарт-шароитда ишлаётганини белгилаб беради.

Бу ерда ҳам айрим нозик жиҳатлар бор. Гап марказий асаб тизимида қон айланишига хос хусусиятлар ҳақида бормоқда. Бу хусусият шундан иборатки, мия артериялари ўзаро кенг бирикади, анастомозланади. Ушбу бирикмалар (ёки анастомозлар) тизими бош миянинг артериал доираси – виллизий доираси номини олган. Аслини олганда, у артериялардан иборат оддий ҳалқа, одатда, ҳеч қачон доирасимон бўлмайди. Аникроғи, кўп бурчакли шаклга эга бўлиб, барча артериялар ўзаро

бирикканини таъкидлаш учунгина шундай номланади, ўз навбатида, заруратга кўра қон юкламаси шундай қайта тақсимланиши мумкинки, бу ҳар қандай ҳолатда ҳам миянинг озиқланишига зиён етмаслигини таъминлайди. Бир сўз билан айтганда, бу доира миянинг доиравий кафолати.

Энди анатомия ҳақида бир шингил маълумот. Бош мия икки жуфт асосий томирдан қон олади. Булар умуртқа ва ички уйқу артерияси бўлиб, аорта ёйидан тарқалишади. Ушбу томирлар – умумий уйқу артерияси, ўнг ва чап ҳамда умуртқа артерияси, албатта, бунда ҳам ўнг ва чап, ўз йўлида иккита ҳавза ҳосил қиласди: умуртқа артериялари ҳавзаси ва каротид ҳавзаси.

Хўш, вертебро-базилляр, яъни, умуртқа артериялари ҳавзаси нимадан ҳосил бўлади? Ҳозир санаб ўтиладиганларнинг ҳаммаси мияга бориш жараёнида у ёки бу артериянинг кўп сонли тармоғи ҳисобланади. Улар билан танишмаслик ҳурматсизлик бўлади, жиддий айтганда эса, улар ҳақида қанча кўп билсангиз, виллизий доирангизда шунча кўп қувват бўлади. Ҳазил-беҳазил! Фикрингиз қаерда жам бўлса, қувватингиз ҳам ўша ерда! Ҳозир миянинг қон таъминоти ҳақида гаплашиб, биз уни мустаҳкамлаймиз. Шу тариқа, ўзига хос лирик чекинишимизга ҳам якун ясаймиз.

Умуртқа артерияси, ёдингизда бўлса, ўмров ости артериясининг тармоғи бўлиб, бўйин умуртқа суя克拉рининг кўндаланг шохларидаги тешиклар орқали бош суяги томон йўналади ва катта энса тешиги орқали бош суягига киради. Мана, ожиз нуқталаримиз! Тушуниб турганингиздек, бу тешиклар суякларда, ушбу суяклар эса турли сабабларга кўра кичрайиши мумкин. Миянинг ўзак соҳасида, агар олдиндан қаралса, кўз чаноғи ўртасида иккала умуртқа артериялари учрашади ва битта умумий ўзакка – базилляр артерияга туташади. У оз эмас, кўп эмас, бутун ўрта мия, кўприк, кичик мия ва мия катта яримшарининг энса соҳасини қон билан таъ-

минлайди. Умид қиласизки, отсеохондрозда вегетатив хуружлар қаердан пайдо бўлиши энди тушунарли. Умуртқалараро тешиклар торлиги туфайли мия ўзагига қон келиши ёмонлашади!

Базилляр артерия узоқ вақт шундай қолмайди ва иккита орқа мия артериясига ажралади (олд ва орқа). Ана шу умуртқа артериялари ҳавзаси бўлади.

Каротид ҳавзаси – бу ички каротид артериялари мия бўйлаб ўтганда тармоқланишидан ҳосил бўладиган ҳавза. Ички уйқу артерияси ўзининг, айнан эса ички уйқу тешиги орқали бош суюги бўшлиғига киради, у ерда эса тармоқлана бошлайди: кўз артерияси, орқа бириктирув, олд тукли артериялар. Кейин ички уйқу артерияси олд ва ўрта мия артерияларига ажралади. Олд мия артерияси энса соҳасининг олд қисмини ва яримшарларни ичкаридан қон билан таъминласа, ўрта мия артерияси – энса, тепа ва чакка соҳасининг катта қисмини, мия пўстлоги остидаги ядроларни ва ички капсулаларнинг катта қисмини таъминлайди.

Иккала олд мия артериялари олд бириктирувчи артериялар билан бирикади, орқа бириктирувчи артериялар орқа ва ўрта мия артерияларини бириктиради. Шундай қилиб, доира ҳосил бўлади ва ички уйқу артерияси ёки умуртқа артерияларининг бир томондан тўсилиб қолиши виллизий доираси тизими орқали қарама-қарши томондан қон оқими орқали компенсацияланади.

Бироқ бош мия артериялари охирги ҳисобланмайди, чунки артериоллар ва венулалар ўртасида бирикиш жойлари бор. Та什ки уйқу артерияси қаерга ғойиб бўлди деб бошингиз қотяптими? Ҳеч қаерга ғойиб бўлмади, шунчаки унинг вазифаси бошқа – у қаттиқ мия қобигини озиқлантиради.

Фақат мияга хос яна бир хусусият: мия веналари артерияларга ҳамроҳлик қилмайди! Мия моддасининг ингичка вена томирлари тукли ўрилмаларни шакллантириб, калибри йирикроқ веналар шулардан бошланади.

Бу веналар аввал мия қобиги томирларига боради, кейин ўргимчаксимон парда ости соҳасига ўтиб, қаттиқ мия қобигининг вена синуслари учун очилади. Бу ҳам бош мия учун ноу-хай! Вена синуслари ҳеч қачон кичраймайди, чунки қаттиқ мия қобигининг бириктирувчи тўқималаридан ҳосил бўлган, аникроқ айтганда, ушбу мия қобигининг иккита: ташқи ва ички палласининг ўртасида бўлади, синусларнинг ички сатҳи эса барча томирлар каби эндотелий ҳужайралари билан қопланган.

Айтиш жоиз, бош миянинг бетакрор тузилишига нисбатан бу сўнгги янгилик эмас. Яна битта муҳим жиҳат бор – мия веналари организмнинг бошқа оддий веналаридан фарқли равишда клапанга эга эмас. Веналаримиз қандай тузилганини биласизми? Бамбук таёқчаси тамойилига кўра: цилиндр ичида бир-биридан муайян масофа узоқликда қон ўтказувчи клапанлар табақаси жойлашган бўлиб, агар босим пастдан келса, улар очилади, агар юқоридан келса, ёпилиб қолади. Яъни, веналар қонни ўзлари «ҳайдамайди», уларда қон тулаш мушакларнинг қуввати билан ҳаракатга келади ва клапан ёрдамида тўхтатиб қолинади. Агар клапанлар ишдан чиқса, шундай бўлиши ҳам эҳтимолдан йироқ эмас, мия етарлича қон билан таъминланмайди. Ахир, клапан марказлари қаерда бўлиши керак бўлса, ўша ерда, яъни марказий асаб тизимида жойлашган. Шунинг учун агар клапанлар қонни ушлаб қолмаса, мушаклар эса нимжонлиги учун уни юқорига ҳайдай олмаса, у ҳолда бутун қон тос ва оёқ-кўл веналари соҳасига тушади. Мана сизга геморрой ва оёқ веналари тромбофлебити.

Ҳаммаси шу ердан, бошнинг қон таъминотидан бошланади. Бош веналарига клапанлар, ўзингиз тушуниб турганингиздек, керак бўлмайди, чунки қонни юқорига ҳайдаш шарт эмас. Лекин бунинг ўрнига вена синуслари, бутун бошли вена синуслари тизими бор. Улар веналар билан, масалан, катта мия венаси (Гален венаси) орқали бирикади. Синуслар вена битирувчилари (эмискар вена-

лар) орқали бошнинг сиртқи веналари билан ҳам бирикади. Демак, қон қаттиқ мия қобигининг синуслар тизими орқали тўпланди ва ички бўйинтуруқ веналар (кўктомирлар) га қуилади, кейин эса – юракнинг ўнг бўлмасига бориб қуиладиган устки веналарга ўтади.

5.2. Бош миянинг томирли заарланишлари

Бош миянинг барча томирли заарланишлари мияда қон айланишининг ўткир бузилишлари ва сурункали мия-қон томир етишмовчилиги, шунингдек, бошланғич белгилар, ўткинчи бузилишлар ва мияда қон айланишининг зўрайиб борувчи бузилишларига ажратилади.

Мияда қон айланиши етишмовчилигининг бошланғич белгилари – Бундай ташхис бемор оддий шарт-шароитда ўзини яхши ҳис қилса-да, муаммо мавжудлигига ишора қиласиди. Шунга қарамай, мияни кўпроқ қон билан таъминлаш талаб қилинган вазиятларда (ақлий юклама, жисмоний зўриқиши, диққинафас бино ва бошқалар) бош оғрифи, бош айланиши, бошда шовқин, хотира ёмонлашуви, ишчанлик қобилиятигининг пасайиши кузатилади.

Бундай ҳолатларга атеросклероз, артериал гипертония, вазомотор дистонияси сабаб бўлиши мумкин. Шифокорнинг ёрдами ҳам айнан ушбу ҳолатлардан даволашни ўз ичига олади. Бу артериал босимни меъёрловчи, мияда қон таъминотини яхшиловчи (циннаризин, кавинтон), тинчлантирувчи препаратлар (валериана), витаминлар ва мия хужайралари озиқланишини яхшиловчи воситалар (аминалон, ноотропил) билан амалга оширилади. Шундан сўнг асосий даволаш жараёни бошланиб, ҳар кунлик меҳнатингиз ўз фойдангиз учун хизмат қиласиди: парҳез, кундалик жисмоний машқлар, мириқиб ухлаш, уқалаш машқлари.

Агар даволаниш масаласида сусткашликка йўл қўйилса, лекин зўриқишилар тобора ортиб бораверса, у ҳолда кейинги босқич ўзидан дарак беради – дисциркулятор энцефалопатия. У декомпенсацияланган

томир гипоксиясининг аста-секин зўрайиб боришининг натижаси сифатида таърифланиб, мия тўқимасида таркибий ўзгаришларга, бош мия функциясининг зўрайиб бориши сабабли жуда кўп майдада ўчоқли некрозлар ривожланишига олиб келади. Шунинг учун у мияда қон айланишининг зўрайиб борувчи бузилишлари қаторига киритилиб, амалда церебрал атеросклерознинг намоён бўлиши ҳисобланади.

Унинг дастлабки даври учун бошда гаранглик, қулоқларда шовқин, бош айланиши, бош оғриғи, хотира сусайиши, ишchanлик лаёқатининг пасайиши, уйку бузилиши кабиларни характерли дейиш мумкин. Бошланғич белгилар жуда ўхшаш, лекин бунда энцефалопатиянинг илк босқичидаёқ серзардалиқ, йиғлоқилик, жиззакилик ва аразлаш каби ҳиссий бузилишлар қўшилади.

Атеросклероз кучайиши оқибатида асаб тизимининг органик шикастланиши белгилари ҳам пайдо бўлади: ҳаракатларда номувофиқлик, ёзиш (дастхат ўзгаради) ва нутқ бузилишлари. Қизиқишлиар доираси тораяди, худбинлик кучаяди, меҳнат қобилияти пасаяди. Қўпол бузилишларда ақл-идрок сусайиб, ақли заифликкача бориб етади, Паркинсон синдроми (бош ва қўллар қалтираши) юзага келади.

Даволаш шифокор томонидан амалга оширилиб, антилипид препаратлар (липостабил, цетамифен), артериал босимни меъёрлаштириш (атенолол, капотен, клофелин), мияда қон оқимини яхшилаш (циннаризин, кавинтон), мия озиқланишини яхшилаш (пирацетам, ноотропил, аминалон, глицин), кайфиятни кўтарувчи дори воситалари (амитриптилин, пиразидол) кабилар тавсия қилинади.

Сўнгра профилактик даволаш чора-тадбирлари қўлланилади. Бу ҳақда юқорида гапириб ўтдик, лекин ўта муҳим масала эканини инобатга олсак, кейинроқ яна сўз юритишимиз сизни ажаблантирумаса керак.

5.3. Мияда қон айланишининг ўткинчи бузилишлари

Мияда қон айланишининг ўткинчи бузилишлари Жаҳон Соғлиқни Сақлаш Ташкилотининг тавсиясига кўра, мияда қон айланишининг ўткир бузилиши тури бўлиб, умуммия ва ўчоқ симптомлари ёки уларнинг умумлашиши билан кечади. Умуммия ва ўчоқли симптомлар мазкур бузилишда кўпи билан 24 соат сақланиб турди. Агар у бир кундан ортиқ сақланиб, лекин кўпи билан 3 ҳафта турса, у кичик инсульт сифатида баҳоланади. Бир сўз билан айтганда, мияда қон айланишининг ўткинчи бузилишларига ўткир кечувчи, лекин бир кун давомида ўтиб кетувчи транзитор ишемик хуружлар ва гипертоник кризлар киритилади.

Транзитор ишемик хуружлар ўчоқли симптоматикага эга бўлиб, бу қўл-оёқлар мадорсизлиги ва увишиши, нутқ тутилишлари кабиларда намоён бўлади. Бузилиш қайси артериянинг ҳавзасида юз берганига боғлиқ ра-вишда турлича кўринишда бўлади. Агар умуртқа арте-рияларида бўлса, у ҳолда бош айланиши, кўнгил ай-ниши, қайт қилиш, энсада оғриқлар, кўриш бузилишла-ри (иккита кўриш, кўриш майдони йўқолиши), эшитиш ёмонлашуви, беқарорлик, қадам ташлашда нуқсонлар кузатилади.

Агар каротид ҳавзаси ва уйқу артерияси заарланса, у ҳолда бўлиши мумкин нотурғун фалажлар (эркин ҳаракатларнинг мутлақо йўқлиги), парезлар (ҳаракатларнинг қисман бузилиши – уларнинг ҳажми камайиши, мушаклар кучсизланиши), тананинг ярим қисмida сезувчанлик бузилиши, нутқ ва ёзиш бузилишлари.

Гипертоник церебрал криз – бош оғриғи, кўнгил ай-ниши, қайт қилиш, довдираш ёки ортиқча ҳаяжон кузатилиши мумкин.

Неврологик симптомлар мавжуд даврда ўринда ётиб даволаниш зарур, кейинроқ яна 2-3 ҳафта шундай қилинади.

5.4. Инсультлар

Инсульт геморрагик (мияга қон қўйилиши) ва ишемик (мия инфаркти) бўлади.

Геморрагик инсульт – мия томирларининг турли камалликларидағи оғир асорат бўлиб, ҳар қандай ёшда учраши қайд қилинади. Артериал босим кўтарилиши оқибатида мия томирларининг ёрилиши туфайли мияга қон қўйилиши мумкин, бунда қон қўйилиши мия тўқималарида (паренхиматоз қон қўйилиши) ўргимчаксимон парда ости соҳасида (субарахноидал), мия қоринчасида (вентрикуляр) содир бўлади.

Инсульт турлича кечиб, баъзида функциялар тўлиқ тикланса, айрим пайтларда унинг асоратлари қолиши, вақти-вақти билан аҳвол ёмонлашиши ёки барча симптомларнинг кучайиб бориши билан ўлимга олиб келиши мумкин. Инсульт ўрнида анатомик жиҳатдан чандик ёки ўсимта шиш пайдо бўлади.

Мия ички (паренхиматоз) қон қўйилиши шиддатли бошланади – беморнинг боши чидаб бўлмас даражада оғрийди, хушини йўқотади ва йиқилади. Агар қон босими ўлчанса, жуда юқори экани аниқланади. Хириллаб нафас олиб, юзи қизариб кетади, қорачиги ёруғликдан таъсирланмайди, беморнинг боши ва кўзи тўнкарилиб қолади. Заарланган томонда бурун-лаб буришиклари текис, оғиз осилиб қолган, қовоқ пирпирайди, кўл ва оёқлар фалажланиб ишламай қолади. Тана ҳарорати 40-41°C гача кўтарилиши мумкин.

Ҳаммаси яхши якунланса, bemor аста-секин кома ҳолатидан чиқади, атрофни идрок қила бошлайди. Тананинг бир қисмида ҳаракат ва таъсирчанлик йўқолиши мумкин. Чап ярим шар заарланганда, нутқ, ўқиш ва ёзиш бузилади. Ўнг ярим шарда – психика бузилади.

10-14 кундан сўнг оёқлар ҳаракатлана бошлайди, таъсирчанлик яхшиланади, нутқ, кўриш, эшитиш ва руҳий фаолият тикланади.

Мия қоринчасига қон қўйилиши эса жуда оғир кечиб, деярли барча беморлар дастлабки 2-3 кунда оламдан ўтади. Субарахноидал қон қўйилиши қўпинча ёшлик даврида бош мия томирларининг аневризмаси ёрилиши (бош жароҳати, ҳиссий ёки жисмоний зўриқишилар) натижасида қайд қилинади.

Ишемик инсульт (мия инфаркти). Тромб, эмбол, томирлар спазми ёки артериал босимнинг кескин пасайиб кетиши туфайли миянинг қайсицир томирига қон тўлиқ ёки қисман келмай қўйишига боғлиқ равишда содир бўлади.

Агар томир тўсилиб қолишига тромб сабаб бўлса, у ҳолда инсульт аста-секин ривожланиб, муайян белгилар пайдо бўлади (кўриш, нутқ бузилишлари). Гоҳида инсульт уйку вақтида содир бўлади. Беморлар уйғонгач, бирдан мадорсизлик, кўл-оёқлар увишиши ва бош айланишини ҳис қилишади. Бунда артериал босим меъёр доирасида бўлади. Бир неча дақиқа давомида фалаж ва тананинг иккинчи ярмида сезувчанлик бузилишлари бошланади, нутқ, ўқиш ва ёзиш (чап ярим шар заарланиши), психика, кўриш (ўнг ярим шар) бузилади. Буларнинг барчаси уйку артерияси ҳавзасидаги бузилишларда қайд қилинади.

Агар умуртқа артерияси шикастланган бўлса, у ҳолда кўриш майдонининг йўқолиши, нарса-буюмларни иккита кўриш, ҳаракат мувофиқлигига, ютиниш ва талаффузда бузилишлар пайдо бўлади.

Эмболия инсультни тўсатдан ривожланади: bemорлар бироз вақт ҳушини йўқотади.

Мияда қон айланишининг тўхтаб қолиши 5-8 дақиқадан кейинроқ қайтмас ўзгаришларга олиб келади. Касаллик нохуш кечганда, нейронларнинг оммавий нобуд бўлиши кузатилиб, глюкоза захиралари тамом бўлади, сут кислотаси тўпланиб қолади, хужайралар нобуд бўлишини дастурловчи апоптоз жараёнлари ишга тушиб кетади.

Ишемик инсульт кўпинча оғир кечса-да, бунда ўлим даражаси анча камни ташкил қиласи.

Инсультни даволашга зудлик билан, касаллик бошлангандан сўнг кўпи билан 3-6 соат ичиди киришиш ло-

зим (бу оралиқ «терапевтик ойна» деб аталади). Энг аввало, беморнинг бошини бироз кўтариб, ўзини чалқанча ётқизиш керак. Агар бўлса, ясама тиш протезлари олиб ташланиб, кийимларининг тугмаси ечилади. Агар қайт қилган бўлса, бошини ёнбошлатиб, оғиз бўшлиги тозала-нади. Бундай bemорлар инсульт бошлангандан дастлабки 2 соатда касалхонага ётқизилади. Бундан ташқари, неврология бўлимига жойлаштирилиши керак.

Стационарда даволаш базис ва дифференциалланган даволашга ажратилиб, базис даволаш bemор ҳаётини сақлаб қолишга қаратилган бўлади. Bемор аҳволи барқарорлашганда, уқалаш ва ўриндан турмаган ҳолда даволовчи бадантарбия машқлари тайинланади. Бошдан ке-чирилган инсульт асоратлари бир йил ёки ундан кўпроқ давом этади. Шикастланиш соҳаси кўпинча ўрта мия артерияси бўлгани учун асоратлар давридаги симптомлар ҳам жуда ўхшаш: гемипарезлар (тананинг бир қисмида ҳаракатлар бузилиши) ва ўчоққа қарама-қарши томонда сезувчанликнинг бузилиши. Чап ярим шар заарланганда, нутқда ҳам нуқсонлар пайдо бўлади.

Bеморлар жуда характерли позага эга бўлиб (Вернике-Манн позаси), бунда унинг фалажга учраган томонида қўл букилган, оёқ эса тўғри ҳолатда қотиб қолади. Фалажланган оёқ букилмагани учун ярим доира шаклини ясаб қадам ташланади.

Инсультни бошидан кечирган bemорларда ҳаракат ва нутқ бузилишлари уларнинг ишлай олмаслигига асосий сабаб бўлгани учун реабилитация жараёни бош вазифага айланади. Поликлиникада, курортда, уйда – имкон бўлган ҳамма жойда шифобахш гимнастика, уқалаш, физиологик муолажалар амалга оширилади.

Албатта, бундан ташқари, bemорларга босимни меъёрлаштирувчи, микроциркуляцияни яхшиловчи (курант, кавинтон, фезам), спазмга қарши (баклофен), кайфиятни кўтарувчи (амитриптилин, лудиамил, пиразидол) дори препаратлари, витаминлар, биостимуляторлар, ноотроп воситалар ҳам тавсия этилади.

Соғломлаштириш ва даволаш чамбарчас олиб борилади. Оқилона кун тартиби, тўғри овқатланиш, ҳиссий зўриқишиларга йўл қўймаслик, чекмаслик зарур, шунингдек, жисмоний тарбия билан мунтазам шуғулланиш доимий одат тусини олиб, саломатликни мустаҳкамлаш йўлида содик дўст ва ёрдамчига айланиши лозим.

5.5. Венада қон айланиши бузилишлари

Ҳозир эътиборингизга ҳавола қилинадиган мавзу, ҳурматли китобхон, жуда долзарб бўлгани ҳолда, ҳатто айрим шифокорларга ҳам унча яхши таниш эмас. Ўзига хос жумбоқ, лекин венада қон айланиши бузилишлари худди вегетатив-томир пароксизмлари каби тез-тез учрайди, шунингдек, шифокорлар томонидан қийин ташхис қилинади. Венада қон айланиши бузилишлари бошқа ташхислар ниқоби остида «шифокорлар ёнидан билдирмай ўтиб кетишади». Шундай қилиб, тез орада ноёб маълумотларни қўлга киритасиз.

Демак, вена тизими артериал тизим билан бирга патологик жараёнга жалб қилинади, очиғи, агар бошқача бўлганда ғалати туйиларди. Вена тизими ҳам худди артериал тизим сингари кўп сонли анастомозларга, яъни, турли вена томирлари ўртасида бириктирувчиларга эга бўлиб, шу тариқа ўзини ҳимоялайди. Қандайдир бузилиш содир бўлса, қон тезда шундай қайта тақсимланадики, ўша бузилиш мия озиқланишига ҳалақит бера олмайдиган бўлади.

Венада қон айланиши бузилишлари қандай амалга ошишини тушуниш учун мия қобиги анатомиясига қисқа саёҳат қилишимизга тўғри келади, чунки бош миянинг вена тизими шуниси билан бетакорки, яна бир мия циркуляцияси тизими – ликворга ҳам боғлиқ. Ўйлаймизки, орқа мия пункцияси каби тиббий манипуляциялар ҳақида эшитгансиз. Шундай қилиб, бундай пункциянинг мақсади марказий асаб тизимида айланиб юрувчи, табиийки, ўзининг тузилиши ва функцияларига,

яъни, анатомияси ва физиологиясига эга орқа миянинг маҳсус суюқлиги (ликвор) ни ўрганиш ҳисобланади.

Ушбу тизимни, ликвородинамика тизимини билмай туриб, вена тизимида бузилишлар қандай кечишни тушуниб олиш амримаҳол. Гап шундаки, мазкур икки тизим: вена ва ликвор тизими ўзаро чамбарчас боғлиқ. Демак, бош мия бўшлигининг тузилиши ва функциялари ҳақида гаплашиб оладиган фурсат етди. Улар яна мия қоринчалари деб ҳам аталади.

Содда кўринишда бош мияни ичи бўшлиқдан иборат найча дейиш мумкин. Ўша найчада муайян қалин жойлар ҳам бўлиб, улар мия қоринчаси деб аталади. Миянинг ичида жойлашган бу ҳосилалар ўз номига эга эканини билиб олишингиз кифоя: тўртинчи қоринча, учинчи ва ён қоринчалар (улар иккита). Ушбу бўшлиқлар томирли ўрилмаларга эга бўлиб, ўша орқа мия суюқлигини айнан улар ишлаб чиқаради. Мия қобигида яллиғланишлар, яъни, менингит бор ёки йўқ эканини шифокорлар аниқлай олмаган пайтда у жуда муҳим аҳамият касб этади. Бир сўз билан айтганда, танамиз учун қон қанчалик зарур бўлса, миямиз учун ушбу суюқлик шунчалик муҳим саналади.

Энди мия гемо ва ликвородинамикасининг барча тизимлари ҳақида яхлит тасаввур ҳосил қилиш учун мия қобиқлари ҳақида сўз юритамиз. Орқа мия каби бош мия ҳам учта қобиққа эга: қаттиқ, ўргимчаксимон ва юмшоқ.

Қаттиқ мия қобиғининг ташқи томонида қавариқ ўсмалар бўлиб, улар ёрдамида чаноқ суягига маҳкамланади ва суяклар учун суяк пардаси вазифасини ба жаради. Мияга эса текис томони билан жойлашиб, юмшоқ ва осон жароҳатланувчи мия учун ишончли ҳимояни вужудга келтиради. Қон оқими гидравликасига хос шартларга кўра йирик веналар мия чаноги ичида тора ийиб қолмаслиги, шунингдек, мустаҳкам бўлиши лозим. Қаттиқ мия қобиги уларда шундай хусусиятлар бўлиши ни таъминлайди. Бу ҳақда вена тизимининг тузилиши,

хусусан, вена синусларини кўриб чиқаётганимизда сўз юритгандик. Эсингиздан чиқдими? Унда яна такрорлаб ўтамиз. Қаттиқ мия қобиги мустаҳкам, мутлақо ғайри-оддий «клапансиз» веналар – вена синусларини ҳосил қиласди. Вена синуси – чаноқ суюгининг ички юзасида жойлашган ариқча бўлиб, юқоридан қаттиқ мия қобигининг чодир ёки капага ўхшаш иккита япроғи билан ўралган. Бу ерда пойдевор – чаноқ суюги бўлса, қаттиқ мия қобиғининг иккита палласини томга ўхшатиш мумкин.

Қаттиқ қобиқ остида эса миянинг ўргимчаксимон қобиги жойлашган. У худди гидравлик ёстиқча сингари мияни турли силкиниш ва чаноқнинг сувқ деворларига урилишидан ҳимоя қиласди. Ўргимчаксимон қобиқ мия ариқчаси ва бурмаларига кирмайди ҳамда бу ерларда цистерна деб аталувчи бўшлиқлар юзага келади. Чунки уларда орқа мия суюқлиги бўлади. Суюқликли бундай цистерналар бир қанча ва уларнинг барчаси мия қоринчалари билан алоқага эга. Сезиб турганингиздек, ўз навбатида, мия қоринчалари ҳам шундай суюқликка, яъни, ликворга тўла. Аникроқ айтганда, улар ушбу суюқликни ишлаб чиқаради. Бунда уларга ўргимчаксимон парда остида жойлашган юмшоқ мия қобиги кўмаклашиб, лайка қўлқоп сингари мия моддасига маҳкам ёпишиб олади. Миянинг барча ариқчалари ва бурмаларига кириб, мия қоринчаларида томирли ўрилмалар ҳосил қиласди. Юмшоқ қобиқ фақат мияга шундай маҳкам ёпишиб туради, ўргимчаксимон қобикдан эса орқа мия суюқлигига тўла субарахноидал бўшлиқ билан ажратилган.

Энг умумий кўринишда, бизга ундан бошқаси ҳам керак эмас, ликвор циркуляцияси қуидаги кўринишга эга бўлади: ён қоринчалардан ликвор қоринчалар ўртасидаги маҳсус тешиклар орқали учинчи қоринчага ўтади, ундан мия қувури бўйлаб Мажанди ва Люшка номли олимлар шарафига аталган маҳсус тешиклар орқали тўртинчи қоринчага боради, ликвор ўргимчаксимон ва юмшоқ қобиклар ўртасидаги бўшлиққа тушади, у ердан

максус механизмлар (пахион грануляциялари) воситасида вена тармоғига қўшилади. Бу жараённи бошқача ҳам тавсифлаш мумкин: пахион грануляциялари ликворни сўриб олади, миянинг вена тизимига, хусусан, босимдаги тафовутлар шарофати билан ҳеч қачон төраймайдиган, мустаҳкам ва клапансиз худди ўша вена синусларига узатилади. Вена синусларида у субарахноидал бўшлиққа қараганда 5-10 мм сув уст. пастроқ бўлади. Ниҳоят гидравликага оид шартлар нималар эканлиги, нима учун миядаги бутун вена тизими максус синуслар билан қўшимча тўлдирилганлиги маълум бўлди. Вена ва ликвор циркуляция тизимининг энг заиф жойи ҳам шу: вена синусларининг босими камроқ томонига сўрувчи механизм туфайли вена тизимига ликвор оқиши суст кечади.

Энди миядаги ички босим доимиyllигини таъминлаб турувчи механизм ҳақида қисқача тўхталиб ўтамиш. Ликвор пульсацияси киришда субарахноидал веналарнинг қопқоғи очилиши билан, чиқишда эса ёпилиши билан синхрон кечади. Бу ликворнинг нафас орқали вена тизими билан алоқаси ҳисобланади. Артерияларда қон босимининг ортиши шу заҳоти ликвор босимининг тўлқинсимон ортишига олиб келади, бу эса, ўз навбатида, қонни мия венасидан қаттиқ мия қобиғи бўшлиғига сиқиб чиқариб, венадан қон қочишини кучайтиради. Ликворнинг қаттиқ мия қобиғи томонидан сўриб олинниб, кейин вена тизимига ўтиши – ликвор оқиб кетишининг захира йўлидир.

Хулоса қиладиган бўлсак, мияда артерия ва вена қони айланиши тизимидағи патологиялар мияга артерия қонининг етарлича етиб келмаслиги ёки ундан вена қонининг чиқиб кетиши қийинлашуви туфайли юзага келиши мумкин экан.

Мия ва бош суягидаги жароҳатлар, жумладан, туғма жароҳатлар, бош мия ўсмалари, вена ва синуслар инфекциялари, мия инсультлари вена бузилишларига сабаб бўлиши мумкин. Буларнинг барчаси интракраниал омиллар дейилади. Экстракраниал, яъни, мияга

нисбатан ташқи омилларга эса кичик қон айланиш доираси тизими бўйлаб веналардан қоннинг оқиб кетиши қийинлашишига сабаб бўладиган ҳолатлар киритилади: жароҳатлар туфайли кўкрак қафаси ва қориннинг эзилиши, умуртқа билан кўкрак қафаси оралигидаги ва бўйиндаги ўсимталар, умуртқа бўйин соҳаси остеохондрози ва ҳоказолар. Таъбир жоиз бўлса, санаб ўтилган омилларнинг энг охиргисини вена бузилишларининг жуда кенг тарқалган, айтилавериб сийқаси чиқкан сабаби десак мутлақо янглишмаймиз. Шунга қарамай, тобора кўпчилик шу касаллиқдан азият чекмоқда. Демак, унга қарши курашишни ҳеч қачон тўхтатмаймиз!

Энди эса сиз билан биз, яна жуда малакали шифокорларгагина маълум нарсалар ҳақида гаплашиб оламиз. Булар – вена *турғунлиги* ва вена энцефалопатияси. Асосий шикоят – бош оғриғи. Эҳтимолки, бош мияда муаммолар борлигининг энг биринчи ва жуда умумий белгиси шу эканини аллақачон пайқагандирсиз, шунинг учун оғрияпти-да!

Лекин бу бош оғриғини бошқа барчасидан ажратиб турувчи нимадир бор. Шуни билиб олгач, ҳурматли китобхон, вена турғунлиги билан биратӯла вена энцефалопатиясини ҳам ортиқча қийинчилексиз фарқлай оласиз! Ҳар иккала касаллиқда ҳам бош оғриғи ётган ҳолатда айниқса кучаяди! Масалан, бир одамнинг боши оғриб қолди. Табиийки, енгил тортиши ёки оғриқ ўтиб кетиши учун бироз ёнбошлаб олишга қарор қилди-ю, бехосдан мудроқ босди. Лекин дармон уйқусини чираб бўлмас даражада қаттиқ бош оғриғи барбод қилди! Қисқасини айтганда, «роса енгил тортди».

Бош оғриғи йўталган пайтда, аксирганда, кучангандада, эгилиб ишлагандада ёки тор ёқали кийим кийганда ҳам кучаяди. Сўнгги ҳолатга ҳатто ном ҳам берилган – «тор ёқа» симптоми. Балки шунинг учун ҳам айрим эркаклар галстукка тоқат қила олишмас? Ҳамма нарса бўлиши мумкин. Аёлларда ҳам шунга ўхшаш ҳолат кузатилади.

Ташқи муҳит ҳарорати кескин ўзгариши билан уларда бош оғриғи пайдо бўлади. Ҳозирги пайтда бу янгилик эмас, аксинча, тез-тез учрайдиган ҳодисага айланиб бўлди. Яна айримлар бир култум ичкилик ичиб қўйса, боши тарс ёрилгудек оғрий бошлишини билади. Айнан мана шуларни вена энцефалопатияси деб атаймиз.

Аксинча, енгил жисмоний зўриқищдан сўнг велосипедда сайр қилсангиз ёки велотренажёрда шуғуллансангиз, қаҳва ёки аччиқ чой ичсангиз, ёстиқни баланд қилиб дам олсангиз («баланд ёстиқ» симптоми) бош оғриғи анча камаяди. Қандай даволанишни эслаб қолдингларми?

Бош оғриғидан ташқари бош айланиши, бош ғувилаши, кўз хиралашиши, кўз олдида ҳар хил нарсалар пайдо бўлиши мумкин. Кўпинча уйқу бузилиши ҳам кузатилиб, бунда уйқусизлик ёки аксинча, уйқучанлик куяяди. Ҳатто тушлар ҳам даҳшатли тус олади! Лекин энди сиз хавотирга асло ҳожат йўқлигини, руҳшуносга чопиш ҳам керак эмаслигини биласиз: қўрқинчли туш об-ҳаво ўзгаришидан бошқа ҳеч нарсани англатмайди! Шу арзимаган нарса учун уйқу расво бўлгани ачинарли, албатта. Лекин биз сиз билан қўлингиздаги китобни охирги саҳифасигача ўқиб чиқишига қарор қилганимиз, кейин янги ҳаёт бошлаймиз. Ҳудди душанбадан янги ҳафта бошланганидек! Агар ўқиб чиққандан кейин ҳам ундаги маслаҳатларга амал қилмасангиз, у ҳолда қўрқинчли тушларингизга айнан шу китоб кириши муқаррар. «Нега ҳалиям боқи-бегам яшаяпсан, соғлом турмуш тарзига амал қилсанг бўлмайдими? Асабингнику соп қилиб бўлдинг, бу кетишда ҳадемай ўзинггаям навбат келади!» – деб койиб берса керак.

Албатта, бу ҳазил. Лекин ўзингизга яхши маълумки, ҳар бир ҳазилда бир чимдим жиддий гап ҳам бўлади. Аслида биз ҳозир жуда жиддий, ҳатто фожиавий нарсалар ҳақида гаплашяпмиз. Буни қандай тарзда етказишимииздан қатъий назар, мақсаду моҳият битта. Сизда ҳеч қачон шундай кўнгилсизлик бўлмаслигини, ҳаётин-

гизни имкон қадар тезроқ яхши томонга ўзгартиришингизни, бунга кеч бўлмасдан улгуриб қолишингизни чин дилдан хоҳлаймиз. Сиз ҳам, яқинларингиз ҳам доим омон бўлишсин деймиз.

Энди яна вена энцефалопатияси ҳақида сухбатимизга қайтамиз. Шунчалар кўп учрашига қарамасдан, биз шунчалар кам биладиган касаллик ҳақида сухбат. Унга йўлиқкан одам билан учрашиб қолсак, кўзга нималар ташланиши мумкин? Амалда тунги уйқудан кейин ташхис қўйиш мумкин! Эрталабки вақтларда бундай одамларнинг ранги қочиб, юзи солинқираб қолади. Фаол ҳаёт тарзида кечга томон ўтиб кетади. Яққол вена етишмовчилигига куйидаги учлик характерли: юз терисининг солқиши ва цианоз (кўкариши), юз ва бўйинда тери ости веналарининг кенгайиши.

Айримларда тез-тез бурни битиб қолгандек ёки ҳозир қонаб кетадигандек туйилади. Деярли барчада ҳиссий ўзгарувчанлик, кайфият бекарорлиги кузатилади. Ҳатто айримларда ипохондрия ҳолати кучайиб, бутун умри кимгадир нолиш-у, ўзидан касаллик аломатлари қидириб, тушкунликка тушиш билан ўта бошлайди. Обҳаво сал айниброқ қолса ҳам, яшашни хоҳламай қолишади ёки яшашга кучи қолмагандек туйилади. Баъзан аксинча ҳам бўлади – ўзини жуда яхши сезиб, вужуди куч-ғайратга тўлиб-тошади. Лекин шундай туйилади, холос. Чунки аслини олганда, ҳеч бир ишни охиригача етказолмайди. Бирдан айниб қолади. Буни эйфория дейишади ва у унча кўп учрамайди. Тушуниб турганингиздек, унда ҳеч қандай яхши нарса йўқ.

Беморларнинг айнан шундай тоифаси пароксизмлар, симпатоадренал ва вагоинсуляр кризлар шаклидаги вегетатив бузилишларга мойил бўлади. Ярим кечаси улар сизни ҳам безовта қилиб қолса – бемаҳалда овора қилишни яхши кўришади – ваҳимага тушмай, ҳатто уйқу аралаш нима гаплигини дарҳол тушуниб, илмий тилда айтганда, аниқ ташхис қўйиб, кейин тўғри чора-тадбир-

ларни қўллаб, хотиржам ухлашингиз ва эрталаб бардам уйғонишингиз учун асосий симптоматикасини яна бир карра такрорлаб ўтамиз.

Демак, симпатоадренал кризнинг анъанавий симптомлари артериал босимнинг кескин кўтилиши, кучли бош оғриғи ва юракда оғриқ пайдо бўлиши ҳисобланади. Вагоинсуляр кризлар симпатоадренал кризларга нисбатан кам учрайди ва артериал босим пастлаб кетиши, юрак уриши секинлашиши, нафас бўғилиши, гипергидроз (терлаш), бош айланиши кабилар билан намоён бўлади. Янги ҳеч гап йўқ, ҳаммасини аллақачон биласиз.

Ранг-баранглик учун яна вена инсультлари ҳам бўлишини қўшимча қилишим мумкин. Келинг, у юқорида баён этилган касалликлардан қанчалик фарқ қилишини таққослаб кўрамиз. Кўпинча вена инсультлари геморрагик бўлиб, бунда вена деворлари юпқалашиб кетади. Секин ривожланувчи тури клиник амалиётда энг кўп қайд қилиниб, кейинчалик кома (ҳушдан кетиш) ва фалажликни келтириб чиқариши мумкин.

Одатда, инсультдан аввал вақти-вақти билан бош оғриғи кучаяди. Беморда безовталик, умумий апатия, яхши ухлолмаслик, кайфият ўзгарувчанлиги ва ўта асабийлик кузатилади. Совқотганда, ҳаяжонланганда, алкогол ёки никотин таъсирида бош оғриқлари кучаяди. Айни вақтда қовоқлар шишиши, кўз хиралashiши, юз кўкариши, бир култум ичкилик ёки битта сигарет туфайли ҳушдан кетиш ҳолатлари юзага келади. Шунингдек, нутқ бузилиши, гемипарезлар ва бошқа ўчоқли симптомлар ҳам қайд қилиниши мумкин.

Шу тариқа, ғамгин бобимизга якун ясаймиз ва кейинги бобга ўтамиз. Мазкур бобда олатасир дунёда соғлом ва бахтли яшаш учун куч ва имкон берувчи нарсалар ҳақида сўз юритамиз. Бобнинг номи бир қараашда асосий мавзудек анча йироқдек, китобга дахли йўқдек туйилади, лекин бу бир қараашда, холос. Тез орада, моҳијатини англаб етгач, бахтли ҳаёт рецепти жуда содда эканига иқрор бўласиз.

ОЛТИНЧИ БОБ

ФИТОТЕРАПИЯ. ДИЕТОЛОГИЯ. ҮЗИНИ УҚАЛАШ

6.1. Фитотерапия

Ҳаётимизни фитотерапиясиз тасаввур қилишнинг иложи йўқ, чунки кўплаб озуқа маҳсулотлари ўсимликлардир. Шунинг учун уларни билишимиз, ўрганишимиз ва оқилона қўллашимиз лозим.

Юқори артериал босимли вегетив-томир дистонияси.

Яққол руҳий-хиссий аломатларда қуйидаги гиёҳлардан шифобахш дамлама тайёрлаш мумкин:

- 1) ялпиз, жамбил ва тоғ ялпизи (пустирник);
 - 2) туяйүнғичқа, тоғ ялпизи, юраксимон жўка гуллари.
- Яққол гипертензив синдромда (қон босими ошганда):
- 1) очамбити, астрагал, қизилпойча;
 - 2) очамбити, тоғ ялпизи, жамбил.

Курс – 21 кун, озғин одамлар кунига 1 ч. қ. дан бир стакан қайнаган сувга дамлаб ичади, семиз одамлар кунига 2 ч. қ. дан. Заруратга қараб курсни тақорорлаш мумкин.

6.2. Парҳез

Ҳафтада икки кун, масалан, чоршанба ва жума куни овқатдан тўлиқ тийилиш тавсия қилинади, айниқса, оптиқча вазнлилар. Нонуштани ўтказиб юбориш ёки мева-чева билангина қаноатланиш фойдали. Үмуман, хом озуқа маҳсулотлари артериал қон босими пасайиши-

га имкон беради, шунинг учун кўпроқ уларни истеъмол қилиш мақсадга мувофиқ. Бу айниқса семиз одамларга тааллуқли. Озғин одамларга картошкадан ташқари ҳар қандай қайнатилган сабзавотларни тавсия қилиш мумкин. Картошка истеъмолини эса имкон қадар камайтириш лозим. Ёрмалардан – тозаланмаган гречка, сули, маккажӯхори, арпа ёрмаси. Ёнғоқ ва писталарни хом сабзавотлар, мева ва резаворлар билан бирга истеъмол қилиш мумкин. Укроп, кашнич, дафна, петрушка, сельдерей, майоран ҳам яхши – ҳаммаси артериал босимни туширади. Қаҳва ичиш мумкин эмас, унинг ўрнига кўк чой яхшироқ (қон босимини туширади) ёки қуйидагилардан дамланган гиёҳли дамламалар: астрагал, дўлана, жамбил, календула, лимонўт, ялпиз. Фиточойларни фитотерапия курслари оралиғида ичиш тавсия қилинади. Бир маромда ҳаёт кечириш ҳам жуда муҳим, ғурурингиз йўл қўймаса ҳам, бу вақтда ўзингизни ортиқча уринтирманг. Аввало, соғлик керак.

6.3. Қон босими пасайишли вегетатив-томури дистонияси

Доимий артериал қон босими 105/65 мм с.у. дан паст бўлса, шундай ташхис қўйилади. Бундай беморларга ўтириб ишлаш тўғри келмайди, улар фаол ҳаёт тарзини йўлга қўйиб, кўпроқ тоза ҳавода бўлиши, жисмоний меҳнат қилиши керак. Ҳар куни югуриш, совуқ сувда чўмилиш анча яхши тетиклаштиради. Фаол ҳаёт тарзи жуда муҳим!

Парҳез. Оч қолиш аҳволни ёмонлаштириши, қувватлизлантириши мумкин. Шунинг учун мунтазам овқатланиш яхшироқ. Аччиқ нарсаларни, ёрмалар ва балиқни камроқ истеъмол қилиш фойдадан ҳоли эмас. Олхўри, баргак ва узумдан қилинган компотлар жуда фойдали. Қорағат, тошчўп, репешка, ялпиздан дамланган чойлар яхши таъсир қиласи (айниқса, бош оғриганди). Бундай

чойларга озроқ асал ҳам қўшиш мумкин – кунига 1-2 ч. қ. Қаҳва ичиш мумкин, лекин фақат бир марта, эрталаб. Ҳолбуки, қора чойга ўтиш маъқулроқ.

1-дамлама учун гиёҳлар. Тошчўп (ҳар қандай) – 2 қисм, тиканли оқ каррак – 1 қисм; бир стакан қайнаган сувга 1-2 ч. қ., 3 маҳал фақат овқатдан олдин 21 кун ичилади. Агар юрак уриши безовта қилса, дамламадаги оқ каррак миқдори озайтирилади.

2-дамлама учун гиёҳлар. Тошчўп (ҳар қандай) – 3 қисм, пијма гули – 1 қисм; худди шундай ичилади.

3-дамлама учун гиёҳлар. Тошчўп – 1 қисм, зифирак – 1 қисм; худди шундай ичилади.

Буйрак усти безларининг гормонал етишмовчилигига шубҳа қилинганда дамламага қизилмия илдизи (дамламанинг 1/10 қисми миқдорида) ёки қора смородина япроги (дамламанинг 1/3 қисми) кўшилади.

6.4. Гипертоник касаллик

Айтиш жоизки, гипотензив препаратларни ичиш уларга ўрганиб қолишни келтириб чиқаради. Бу эса қанчалик ачинарли бўлмасин, қулликни эслатади. Бунга қандай чап бериш мумкин? Биринчидан, у ёки бу препаратни бекор қилиш аста-секин амалга оширилиши лозим. Иккинчидан, энг умидли натижаларга очлик ва кам калорияли парҳезларда эришилган, лекин битта «лекин»и бор: бунга мустақил киришишингизни тавсия этмайман. Ҳар ҳолда чумчук сўйсаям, қассоб сўйсин. Шунинг учун парҳезшунос шифокорларга мурожаат қилинг. Гипертоник турдаги вегетатив-томир дистониясидаги каби парҳезни тавсия қилиш мумкин. Шунингдек, овқатга оз миқдорда пиёз ва саримсоқ қўшиб истеъмол қилиш ҳам фойдали. Лекин буйрагида муаммоси бор беморлар пиёз ва саримсоқдан тийилгани маъқул, чунки улар буйракка қичишигувчи таъсир кўрсатади.

Ярим йил давомида 1:2 нисбатда очамбити ва астрагал гиёҳидан дамлама, шунингдек, ҳар ойда пешоб ҳайдовчи турли дамламаларни алмашлаб ичиб туриш тавсия этилади.

Кейинги олти ойда: 2:1:1 нисбатда тоғ ялпизи, календула гули, дўлана меваси (ҳар қандай) дан дамлама ва пешоб ҳайдовчи дамламалар.

Кунлик дозаси – озғинлар учун бир стакан қайнаган сувга 1 ч. қ., семизлар учун бир стакан қайнаган сувга 2 ч. қ.

Агар иштача кучайиб кетса, у ҳолда дамламадан жамбил чиқариб ташланади. Уйқучанлиқда тоғ ялпизи камроқ қўшилади ёки умуман қўшилмайди. Агар юрак уриши секинлаша бошласа, дўлана миқдори камайтирилади. Яққол шишларда икки хил пешоб ҳайдовчи дамлама бирданига ичиш мумкин.

Гиёҳли дамламаларни тайёрлаш бўйича умумий тавсиялар

Бир чой қошиқ майдаланган гиёҳлар дамламасига термосдан бир стакан қайнаган сув қўйилади. Бир соатдан сўнг дамлама сузгичдан ўтказилиб, соя жойга қўйилади. Дамлама кун давомида ичилади.

Агар термос бўлмаса, қуйидагича йўл тутиш мумкин: бир стакан қайнаган сувга дамламани солиб, сув ҳамомига қўйилади. Қопқоқли идишнинг оғзи ёпилиб, 10 дақиқа қайнатилади. 30-50 дақиқа совигандан сўнг сузиб олинади.

Бунда эмалланган ёки фарфор идишлардан фойдаланиш мумкин.

6.5. Остеохондроз

Остеохондрозда кўпроқ мева-чева, сабзавотлар (айникса, илдизмевалилар), пиёз, саримсоқ, сельдерей, петрушка истеъмол қилиш тавсия этилади.

Бруслика (япроғи): дамлаб чой каби ичилади.

Қайнин, тоғтерак (пўстлоги) – 1 кг дан, эман (пўстлоги) – 100 г дан: бир стакан қайнаган сувга 1 ош. қ. аралашма солиниб, 5 дақиқа қайнатилади. Кунига ярим стакандан ичилади.

Ерқалампир, асал: 300 г артилган ерқалампир илдизи 1 кг асал билан уч литрли банкага солинади, кейин совуқ сув билан тўлдирилиб, усти ёпилган ҳолда музлатгичга қўйилади. Кунига 3 маҳал, овқатдан 15 дақиқа олдин, 1 ош. қ. дан ичилади.

Турп: оғриётган жойларга арчилик турпдан компресс қилинади.

Похол қипиғидан ванна: ярим килограмм похол қипиғи чепақда 20 дақиқа қайнатилади, бир кеча тиндирилади. Эртасига сузуб олингач, 5-7 марта 15-20 дақиқадан ванна қилинади.

Сабзи (шираси), момақаймоқ (шираси), шолғом (япроқлари шираси) – тенг нисбатда: аралаштириб, мунтазам ичилади.

Ерқалампир (шираси) спирт билан: оғриган жойларга суркалади.

Сирень (гули): керосинда дамланади. Оғриган жойлар артилади.

Қайнин (япроги): қиздириш учун ишлатилади. Устига қайнаган сув қўйилиб, кейин оғриган жойга қалин қилиб қўйилади, усти клеёнка билан ёпилади.

Петрушка (ўти ва илдизи): 20 г кукуни 1 стакан қайнатилган сувга қўшилади, бир соат дамланади. Дамлама кунига 3 маҳал овқатдан олдин 0,3 стакандан ичилади.

Петрушка (уруги): майда қилиб туйилади, 1 стакан қайнаган сувга 4 ч. қ. солинади. 1 ош. қ. дан кунига 5 маҳал ичилади.

Болалар совуни – 50 г, салицил кислота – 1 мл, тозаланган сквидар – 500 г: аралашма ҳарорати 38°C сув тўла ваннага солинади. Ваннада 15 дақиқа ўтирилади. Ваннадан кейин ўраниб ётилади. Даволаш курси – 15 марта.

Тоштўп, брусника (япроги), оқ қайин (баҳорги япроги), туяйүнгичқа, лаванда, қулмоқ, зира ва укроп (уруги): ушбу гиёхлардан ванна яхши самара беради.

6.6. Фалаж

Овқатланишдан ёғли, спиртли маҳсулотлар, гүшт чиқариб ташланади. Шакар ўрнига асал истеъмол қилинади.

Гиёхлар шираси (нонуштагача тайёрланади): 0,5 стакан қичитқи шираси, бир соатдан кейин – 0,5 стакан янги момақаймоқ шираси ва яна бир соатдан кейин – 0,5 стакан янги сельдерей шираси. Ичгандан бир соат ўтгач нонушта қилиш мумкин. 10 кун давомида кунига 1 маҳал.

Оқ қайин шираси: 0,5 стакандан кунига 3 маҳал.

Саллагул (илдизи): 1 ч. қ. илдиз толқони 3 стакан қайнаган сувга солинади, 10 соат давомида дамлаб қўйилади. Овқатдан 15 дақиқа олдин кунига 3 маҳал 1 ош. қ. дан ичилади.

Оқ акация (гули): Бир литрлик банкага қуруқ гуллари зич қилиб жойланади, устидан спирт қўйилиб, қоронги жойда 2 ҳафта сақланади. Кейин сузиб олинниб, ҳараратсиз қўл-оёқларни артиш учун фойдаланилади.

Момақаймоқ (илдизи ва ўти): 1 стакан қайнаган сувга 1 ч. қ. момақаймоқ солиниб, 10 дақиқа қайнатилади ва ярим соат дамлаб қўйилади. Кунига 3 маҳал овқатдан олдин 1 ош. қ. дан ичилади.

Қора арча (меваси): 1 ч. қ. меваси 1 стакан қайнаган сувга солиниб, бир соат дамланади. Кунига 3-4 маҳал 1 ош. қ. дан ичилади.

Тоштўп (ўти): 1 стакан қайнаган сувга 1 ош. қ. солиниб, 15 дақиқа дамланади. Кунига 3 маҳал 1 ош. қ. дан ичилади.

Ўсимликлар чангиги: кунига 10-20 г дан ичилади, куннинг биринчи ярмида 2 маҳал.

Мумиё: 0,2 г олиниб, 2 ош. қ. сувга аралаштирилади ва кунига 2 маҳал овқатдан 20 дақиқа олдин ичилади. Худди шу аралашмадан артиш учун ҳам фойдаланиш мумкин.

Фалаж ва парезларни даволаш учун қичитқи ўт (япроги), оқ қайин (куртаги, япроги), ёвшан, наврӯзгул, тоғ ялпизидан фойдаланиш мумкин. Қарағайнинг игнасимон барглари экстрактидан ванна ҳам яхши самара беради. У қуидагича тайёрланади: игнабарги, новдалари ва ғуддалари териб олиниди, совуқ сувга солинади ва ярим соат қайнатилади, ўраб қўйилади ва 12 соат тиндирилади. Экстракт иссиқ сувли ваннага қуилади. Ванна қабул қилиш вақти – 10-15 дақиқа. Курс – 10 марта, кунора амалга оширилади. Наъматак илдизларидан ванна ҳам шифобахш хусусиятларга эга. Уни тайёрлаш усули ҳам юқоридаги каби.

6.7. Невралгия

Невралгияда фитотерапия оғриқ қолдирувчи, чалғитувчи сифатида маҳаллий, қон айланишини яхшиловчи сифатида малҳам, компресс, артиш ва ванна учун дамлама шаклида қўлланиллади, шунингдек, дамламалар яллиғланишга қарши, оғриқ қолдирувчи ва тозаловчи сифатида ичилади.

Мумиё: кунига 3 маҳал овқатдан 1 соат олдин 0,2 г (2 ош. қ. қайнаган сувга аралаштирилади) дан ичилади. Курс – 15 кун. Бир вақтнинг ўзида 5-6 дақиқа давомида 10% ли спирт эритмаси билан ишқаланади.

Оқ қайин (япроги), ёвшан (ўти) – 1 қисмдан, мажнунтол (пўстлоғи), итшумурт (пўстлоғи) – 2 қисмдан, 1,5 ош. қ. аралашма 1 стакан қайнаган сувга солиниб, 15 дақиқа қайнатилади ва дамланади. Овқатдан сўнг бир соатдан кейин 0,5 стакандан 3 маҳал ичилади.

Лимонүт (япроги), оқ қайин (япроги), қизилпойча, туятовон (япроги), қончўп ўти – ҳаммаси тенг миқдорда: 1 литр илиқ сувга 6 ош. қ. аралашма солинади, кечаси

билин дам едирилади, 10 дақиқа қайнатилади ва яна дамлаб қўйилади. Овқатлар орасида 0,5 стакандан кунига 5 маҳал илик ҳолда ичилади.

Ялпиз, жамбил, қончўп (ўти), девясил (илдизи), қора арча (куртаги) – ҳаммаси тенг миқдорда: 2 ош. қ. ара-лашма 600 мл сувга солинади, ярми буғланиб кетма-гунча сув ҳаммомидга қайнатилади. Иссиқ ҳолда кунига 3 маҳал 0,5 стакандан ичилади.

Тоштўп (ўти): 1 стакан қайнаган сувга 1 ош. қ. соли-ниб, 15 дақиқа дамланади. Кунига 3 маҳал 1 ош. қ. дан ичилади.

Иттиканак (ўти): 1 стакан қайнаган сувга 1 ош. қ. со-линади, қайнатилгач, 40 дақиқа дамланади, кунига 3 маҳал бир ош қошиқдан ичилади.

Девясил (илдизи): 1 ош. қ. майдаланган илдизи бир стакан қайнаган сувга солиниб, 20 дақиқа қайнатилади. Кунига 3 маҳал овқатдан 30 дақиқа олдин 1 ош. қ. дан ичилади.

Лимонўт (япроғи): Қайноқ сувда буғлатилиб, оғриган жойларга компресс қилинади.

Ерқалампир: илдизидан тайёрланган бўтқа компресс сифатида суртилади.

Оқ қайин (куртаги): куртаги 70% ли спиртга солинади (1:10 нисбатда, қоронғи жойда 2 ҳафта тиндирилади), артиш учун.

Оқ акация (гули): 100 г 70% ли спиртга 1 ош. қ. соли-ниб, 2 ҳафта тиндирилади. Оғриган жойларга суркала-ди.

Турп (илдизмеваси): Оғриган жойга суртилади ёки қўйилади.

Қулмоқ (тўпмеваси): 1 ош. қ. қулмоқ 100 г спиртда 2 ҳафта давомида тиндирилади, кейин оғриган жойлар артилади.

Гулхайри (илдизи): 1 стакан қайнаган сувга 3 ч. қ. со-линиб, кечаси билан тиндирилади. Компресс учун қўл-ланилади.

Ерқалампир (япроғи): қайноқ сувда юмшатилиб, оғриган жойга қўйилади ва устидан иссиқ нарса билан ёпилади.

Каштан (мева толқони): камфара мойи билан 1:2 нисбатда аралаштирилади, оғриган жойларга суртилади. Жуда самарали восита.

Оққарағай мойи: оғриган жойларга оз миқдорда енгил суртилади.

Турп (қирғичдан ўтказилган): 3 қисм турп шираси, 2 қисм асал, 1 қисм 70% ли спирт аралаштирилади. Музлатгичда сақланиб, оғриган жойларга суртилади.

Асалари елимидан горчичник: 1 ош. қ. 20% спиртли прополис дамламаси, 1 ош. қ. асал, 1 ош. қ. ўсимлик мойи. Ҳаммаси яхшилаб аралаштирилгач, хантал қоғозига суртилади ва оғриган жойларга қўйилади.

6.8. Умумий соғломлаштирувчи воситалар

Четан (реза меваси): 0,5 л қайнаган сувга 2 ош. қ. солиниб, термосда бир соат дамланади. Дамлама кунига 3 маҳал 0,3 стакандан ичилади.

Сули: 1 стакан сули бир литр қайнаган сувга солиниб, 0,25 миқдор қолгунча қайнатилади. Дамлама кунига 3-4 маҳал 0,5 стакандан асал билан ичилади.

Асал: – 1,5 стакан, баргак, грек ёнғоғи ва майиз (чўпсиз) – бир стакандан; пўсти арчилган лимон – 2 дона. Ҳаммаси қиймалагичдан ўтказилиб, аралаштирилади. Кунига 3 маҳал овқатдан 20 дақиқа олдин 1 ош. қ. дан истеъмол қилинади.

Фоз мойи – 100 г, асал – 100 г, алоэ шираси – 15 г, какао кукуни – 100 г. Арапашма оловда қиздирилади, лекин қайнаб кетмайди. Совитилгач, банкага қуилиб, музлатгичда сақланади. Кунига 2-4 маҳал 1 ош қошиқдан бир стакан қайноқ сутга қўшиб ичилади. Кескин озиб кетган ёши катталарга тавсия этилади.

Сули ёрмаси – 1 ош. қ., сув – 3 ош. қ., яримта лимон шираси, 1–2 та олма, қаймоқ ёки қюолтирилган сут – 1 ош. қ. дан, грек ёнғоги мағзи ва қуруқ мевалар – 1 ош қошиқдан. Ҳаммаси яхшилаб аралаштирилади. 3 маҳал тановул қилинади. Кескин озиб кетган болаларга тавсия этилади.

Грек ёнғоги (мағзи) – 500 г, аloe (шираси) – 100 г, асал – 300 г, 3-4 та лимон шираси аралаштирилади. Аралашма овқатдан 30 дақиқа олдин кунига 3 маҳал 1 ош қошиқдан тановул қилинади.

Грек ёнғоги (мағзи) – тенг миқдорда асал билан: Кунига 3 маҳал 100 граммгача тановул қилинади.

Виноли бальзам: алоэ шираси – 150 г, асал – 250 г, «Кагор» виноси – 350 г: аралаштирилиб, 5 кун салқин жойда сакланади. Кунига 3 маҳал овқатдан ярим соат олдин 1 ош. қ. дан ичилади.

Манжурия аралияси (спиртли дамламаси): Кунига 3 маҳал овқатдан олдин 30-40 томчидан ичилади.

Женьшень (спиртли дамламаси): Кунига 3 маҳал овқатдан олдин 15-20 томчидан ичилади.

Парманчак: 140 мл қайнаган сувга 20 г асал солиниб, қайнагунча оловга қўйилади, совитилгач 40 г парманчак шираси қўшилади. Доим ичилади.

Клюква: 30 г клюква қирғичдан ўтказилиб, шираси олинади. Ички пўстлоғи 210 мл сувда 5 дақиқа қайнатилади. Тиндирилгач, 20 г асал қўшилади ва қайнагунча оловга қўйилади. Устига клюква шираси қуилиб, сўнгра совитилади. Доим ичиш мумкин.

Игнабарг: 200 мл қайнаган сувга 40 г қарағай игнабарги, 10 г асал, лимон пўстлоғи қўшилади ва қопқоқли идишда 30 дақиқа ёпик ҳолда қайнатилади. Совитилгач, лимон шираси қўшилади. Доим ичиш мумкин.

6.9. Бош оғриқлари ва бош айланишида

Астрагал (гиёхи): 2-3 ош. қ. дамлама 2 стакан қайнаган сув билан 2 соат тиндириллади. Кунига 3-5 маҳал 0,5 стакандан илик ҳолда уйқудан олдин ичилади.

6.10. Бош мия атеросклерози

Нўхат уни глутамин кислотага бой бўлиб, бош мия ҳужайралари озиқланишини яхшилайди, моддалар ал-машинувини нормаллаштиради. Кунига 3-5 маҳал 0,5-1 ч. қ. дан наъматак дамламаси ёки илиқ сув билан бирга овқатдан олдин ичилади.

6.11. Бош мия томирлари спазми

20-30 мг тоза асалари сути (ош қошиқ учидаги) тил остига ташланади ва тўлиқ эриб кетгунча сақлаб турилади. Кунига 3-5 маҳал, овқатдан 1-1,5 соат олдин.

Аралашма: 10 г асалари сути сув ҳаммомида 100 грамм асал билан аралаштирилади, ушбу аралашмадан 0,5 ч. қ. тил остига ташланади ва тўлиқ эриб кетгунча сақлаб турилади. Кунига 3-5 маҳал, овқатдан 1-1,5 соат олдин. Ёки 0,5 стакан иссиқ сутда эритилиб, кунига 3-5 маҳал овқатдан олдин ичилади.

6.12. Бош мия томирлари спазми, склероз, орқа миянинг функционал бузилишлари

Қизил мухоморнинг қалпоқ қисми (оқ-қизил пигмент): майдаланган пигмент 1:5 нисбатда спирт ёки ароқ билан 5-7 кун тиндирилади ва кунига 3-4 маҳал овқатдан олдин 5-10 томчидан қуяилиб ичилади. Дамлама заҳарли!!

6.13. Атеросклероз, гипертоник типли вегетатив-томир дистонияси

Оқ омела (новдаси ва барглари) дамламаси: 1 ош. қ. олиниб, 1 стакан қайнаган сувда 1-2 соат дамланади ва кунига 3-5 маҳал овқатдан олдин 1-2 ош. қ. дан ичилади. Дамлама: 40-70% ли спиртга бешга бир нисбатда

солиниб, кунига 3-5 маҳал овқатдан олдин 0,5 стакан илиқ сув билан 30-50 томчи ичилади.

6.14. Юрак ўйнаши, бўғилиш, бош айланиши

Юрак ўйнаши, нафас сиқилиши ва бош айланишида икки қисм валериана илдизи, лимонўт ва дасторбош ўти, уч қисм қизилпойча аралашмасидан тайёрланган дамламани (бир стакан қайнаган сувга 1 ош. қ.) кунига ярим стакандан хўплаб ичиш фойда беради. Шунингдек, эрталаб ва кечқурун teng миқдорда валериана илдизи, мойчечак гуллари, зира уруғи аралашмасидан дамлама 0,5 стакандан ичилади (бир стакан қайнаган сувга 1 ош. қ.).

6.15. Уйқусизлик ва ортиқча таъсиরчанлик

Уйқусизлик ва ортиқча таъсиричанлика арчагул, валериана илдизи, тоғ ялпизи ва сушеница ўти аралашмасидан 4:1:3:3 нисбатда дамлама тайёрланади. Тўрт ош қошиқ аралашма бир литр қайнаган сувга қўшилади ва термосда 12 соат дамланади. Кунига 4 маҳал 1 ош. қ. дан ичилади.

Укроп уруғи, валериана илдизи, тоғ ялпизи ўти, зира уруғидан teng миқдорда олиниб, дамлама тайёрланади ва чой ўрнида ичилади (бир стакан қайнаган сувга бир ош қошиқ аралашма).

6.16. Бел соҳасидаги оғриқлар

Бел соҳасидаги оғриқларда қирғичдан ўтказилган ерқалампир илдизи баданга суртилади. Кунига 4 маҳал қуруқ ловия қўзогидан тайёрланган қайнатма ярим стакандан ичилади (1 литр сувга 20 г).

6.17. Радикулит

Радикулите девясил илдизидан қайнатма 1 ош. қ. дан кунига 3 маҳал овқатдан олдин ичилади. Тунда оғри-

ётган жойга қарикуз баргининг тукли томони қўйилади. Мойчечак гули ва туяйўнгичқадан тенг миқдорда малҳам тайёрланади ва суртилади. Суртилган жой дока билан боғлаб қўйилади. Кечқурунлари тоштўпи, мойчечак, қизилпойча ва маржон гулларининг тенг миқдорда аралашмаси дамламасидан иссиқ компресслар қилинади.

Кекса одамларга момақаймоқнинг янги илдизлари ва сельдерей ширасидан кунига 2-3 маҳал овқатдан олдин ичиш тавсия этилади. Бу марказий асаб тизими фаолиятини рағбатлантиради. Юрак фаолиятини яхшилаш учун календула гулларидан дамлама тайёрланади. Кунига 3 маҳал 1 ош. қ. дан ичилади. Тетиклаштирувчи ва тинчлантирувчи восита сифатида бир ой давомида кечқурун тоғ ялпизи толқони ёки бодрезак мевасидан дамламани 1 ош. қ. дан ичиш мумкин (бир стакан қайнаган сувга 10 г).

6.18. Остеохондроз

Бир стакан сули дони 1 л сувга солинади, сувнинг тўртдан бир қисми қолгунча қайнатилади. Тиндирилади. Кунига 3 маҳал овқатдан олдин ярим стакан асал ёки қаймоқ билан ичилади. Бу рецепт бўғимдаги оғриқларда ҳам ёрдам беради.

6.19. Остеохондрозни даволашда ванна учун бир нечта рецепт

1. 1 кг эман ёки тоғтерак (мажнунтол ҳам бўлаверади) пўстлоғини майдаланг ва 3 л сувга солинг. Қайнагунча оловга қўйиб, кейин ваннага солинг ва маъқул ҳароратга келгунча совуқ сув қўшинг. Муолажа давомийлиги – 15-20 дақиқа.

2. 300 г мойчечак гулини 5 л сувга солиб қайнатинг. 2 соат дамланг, тиндиринг ва дамламани ваннага солинг. Маъқул ҳароратгача совуқ сув қўшиб, 15-20 дақиқа ваннадан чиқманг.

3. 1,5 кг қарағай игнабарглари, шохчалари ва ғуддаларини совуқ сувга солиб, 30 дақиқа қайнатинг. Идишнинг оғзини маҳкам ёпиб, 12 соат дамлаб қўйинг. Сўнгра ваннага қутиб, 2-3 кг ош тузи қўшинг. Мақбул ҳароратга келгунча совуқ сув қўшинг. Муолажа давомийлиги – 15-20 дақиқа, ҳафтасига 1-2 марта.

6.20. Ўзини уқалаш

Ўзини уқалаш – даволовчи уқалашнинг соддалаштирилган усууллари бўлиб, уни ҳар ким мустақил равишда амалга ошириши мумкин.

Даволовчи жисмоний машқлар мажмуасида ва бошка даволаш усууллари билан биргаликда ўзини уқалаш ҳам қўлланилади. Ундан қарийб барча касалликлар даврида, айниқса, сурункали касалликларда уй шароитида оқилона фойдаланиш тавсия этилади.

Ўзини уқалашда уқаланаётган соҳа ва унга яқин жойларга қон оқиши сезиларли ортади, шунинг эвазига тўқималар озиқланиши яхшиланади, соғайиш ва функцияларнинг тикланиш жараёнлари тезлашади. Ўзини уқалаш таъсирида фаол мушак фаолияти учун қулай шарт-шароит юзага келади.

Қизиқарли маълумот – уқалашдан сўнг ишлаётган капиллярлар сони 40 марта ортар экан! Седатив, тинчлантирувчи уқалашда мушаклар тонуси камаяди, стимулловчи уқалашда эса мушаклар ўз тонуси ва зичлигини оширади. Ўзини уқалаш лимфалар циркуляциясига ҳам ижобий таъсир кўрсатиб, бўғим ва пайларда моддалар алмашинуви жараёнларини яхшилайди.

Ўзини уқалашда уқаловчи ўтказадиган уқалашдаги каби усууллар қўлланилади. Лекин қаерда бўлса ҳам, қачон бўлса ҳам ўзингизни уқалай олишингиз бу анча афзал эканини исботлайди. Бундан ташқари, ножӯя таъсирлар хавфи қарийб нолга teng, чунки ўзингизни уқалаш жараёнида ҳатто бироз оғриқ сезишингиз биланоқ ҳаракатланишдан тўхттай оласиз.

Бундан ташқари, ўзини уқалаш психология китобларида ёзилгани каби шунчаки фаоллигингиз ёки касалликка нисбатан муносабатингиз эмас, балки муаммоларни енгиб ўтиш йўлида қўлга киритилган ярим имканиятингиздир!

Ўзини уқалашда мушаклар имкон қадар бўш қўйилиб, тери юзаси тоза бўлиши керак. Уқалаш самараасини ошириш учун апизартрон, эфкамон, випросал, финалгон каби уқалаш кремлари ва малҳамларидан фойдаланиш мумкин.

Даволовчи бадантарбиядан олдин, нонуштадан 20-30 дақиқа аввал, кундузи овқатдан олдин ёки овқатдан 1-2 соат кейин ўзини уқалаш жуда яхши фойда беради. Кўлингизни ювинг, қулай вазиятда туриб олинг, уқаланадиган жой мушакларини тўлиқ бўшашибиринг, текис нафас олинг.

Ўзини уқалаш давомийлиги бошланишига 5 дақиқа, кейинчалик бу 15 дақиқагача етказилади. Ҳар бир усул 3-6 марта такрорланади ва силаш билан якунланади. Даволовчи бадантарбия мажмуи каби ўзини уқалаш ҳам ортиқча толиқиш, мадорсизлик, нафас бўғилиши, оғриқ кучайишини келтириб чиқармаслиги лозим. Неча марта бажариш бевосита ўз имкониятингизга боғлиқ, ўртacha ҳафтасига 1-6 маҳал қилиш мумкин.

Ўзини уқалашнинг барча усуллари лимфа томирлари бўйлаб яқин жойлашган лимфа тугунлари йўналишида бажарилади: оёқ панжаларидан болдири бўғимиға, болдири бўғимидан тиззаости чукурчасига, тиззаости чукурчасидан чов тугунлари томон. Қўлда эса бармоқлардан тирсак бўғимиға, тирсак бўғимидан қўлтиқости чукурчасига.

6.21. Ўзини уқалашнинг асосий усуллари

Силаш. Бу усулда уқаловчи қўл тери бўйлаб эркин ҳаракатланади. Уқалаш шу усул билан бошланиб, шу билан тутатилади. Бунда кафт юзаси ёки орқаси, бармоқлар билан силаш мумкин. Ҳаракатлар йўналиши – тўғри чизикли, эгри чизикли.

Эзғилаш. Бунда қўл терини силамай, айнан турли йўналишларда тортади ва эзғилайди. Бармоқ дўмбоқчалари билан ҳам эзғилаш мумкин, лекин асосан кафт билан қилинади – шуниси қулайроқ. Ҳаммомда ёки душдан сўнг сочиқ билан шунга жуда ўхшаш ҳаракатни бажарамиз.

Чигил ёзиш. Мушаклар бармоқ билан ушланиб, суяқдан бироз тортилади, эзилади, қўзғатилади ва чигили ёзилади. Масалан, мушаклар бошмалдоқ ва бошқа бармоқлар билан ушланади, маҳкам сиқилади, кейин бошмалдоқ билан тўртта бармоқ томонга айланма ҳаракатлар бажарилади.

Тебратиш. Панжа билан мушакларга бир маромда аста-аста урилади. Бармоқ дўмбоқчалари ёки бутун кафт билан бажариш мумкин.

Ўзингизни уқалашга киришар экансиз, бирданига барча усулларни қўллашга уринманг, оддийдан аста-секин мураккаблашгани яхши: силаш ва эзғилашдан бошлаб, аста-секин чигил ёзиш ва тебратиш қўшилади. Қўлингиз остидаги тери қизишига қараб уқалаш қанчалик самарали бажарилганини англаб оласиз. Тўқималар қизиши ҳисобига умуртқа ва бўғимлардаги ҳаракат ҳажми ортади.

Умуртқанинг бўйин соҳасини уқалаш. Ўтирган ёки турган ҳолатда бажарилади. Бўйиннинг орқа томонидан бошлаш лозим. Қуйидаги усуллар қўлланилади. Бир ёки иккала қўл билан силаш. Бунда кафтлар соч томондан елка томонга қараб ҳаракатланади. Сиқиш худди силашдаги каби, лекин бошмалдоқ билан қаттикроқ эзib уқаланади. Эзғилаш тўрт бармоқнинг доиравий айланма ҳаракатлари билан бажарилади. Чигил ёзишда мушаклар бошмалдоқ дўмбоқчаси ва қолган бармоқлар билан маҳкам ушланади, кейин эзгандек ҳаракатланиб, бир вақтнинг ўзида айланма ҳаракатлар ҳам бажарилади. Ўнг қўл билан бўйиннинг чап томони ва аксинча тартибда уқаланади. Уқалаш силаш билан якунланади.

Бел соҳасини уқалаш. Бел соҳасини уқалаш тик, ўтирган ёки ётган ҳолатда амалга оширилиши мумкин. Тик турган ҳолатда гавда бироз орқага ташланиши, оёқлар эса елка кенглигидаги бўлиши лозим. Уқалаш белни енгил силашдан бошланади. Аста-секин серҳаракат усувларга ўтилади. Эзғилашда барча бармоқларнинг дўмбоқчалари умуртқа бўйлаб тўғри чизиқли ва доирасимон ҳаракатланади. Уқалаш икки қўллаб бажарилганда, бир қўл панжасининг орқа томони белга ёпиштирилади, бошқа қўлнинг панжаси ёрдамида эса биринчи панжанинг олд томони маҳкам босилган ҳолда айланма ҳаракатлар қилинади.

Думба мушакларини уқалаш. Ўтирган ёки тик ҳолда дастлабки ҳолат эгалланади. Оғирлик маркази уқалана-диган оёққа ўтказилади, кейинги оёқ четга тортилади ва думба мушакларини бўшаштириш учун тиззалар букила-ди. Тана оғирлигини навбатма-навбат бир оёқдан бошқа-сига ўтказиб, мушакларни куйидаги усувларда уқаланг:

- 1) сондан қовурға мушакларигача силаш;
- 2) тўрт бармоқ дўмбоқчалари билан тос атрофини доирасимон эзғилаш; иккала қўл бармоқлари билан оёқдан белгача доирасимон ва тўғри чизиқли эзғилаш;
- 3) пастдан юқорига томон тебратиш.

Ётган ҳолатда соғлом томонга ёнбошланиб, думба мушаклари уқаланади.

Сон мушакларини уқалаш. Сон мушакларини уқалаш учун ўтирилади ёки ётиб олинади. Тана мушакла-ри бўшаштирилиб, оёқ тиззалари букилади. Бир оёқни бошқасига қўйиб олиш ҳам мумкин. Қўллар ёрдамида мушакларни ҳар томондан марказга томон йўналишда уқалаш усувлари бажарилади. Уқалаш силаш билан тугалланади.

Болдири мушакларини уқалаш ҳам юқоридаги каби амалга оширилади. Асосий қоида – ҳаракатлар перифериядан марказга томон йўналган бўлиши лозим. Агар жуда оғрийдиган мушак қаттиқликлари мавжуд бўлса, улар

бошмалдоқ дўмбоқчаси билан яхшилаб уқаланади. Бунда аввал ўчоқ атрофи уқаланиб, аста-секин оғриқ марказига яқинлашиш лозим.

Болдир-товорон бўғимини, оёқ кафти ва пайларини уқалаш. Ўзини уқалашнинг бу тури оёқларда оғриқ бўлган пайт бажарилади. Ўриннинг четига ўтирилади. Чап оёқ тиззаси букилади ва болдир ўнг оёқнинг тиззасига кўйилади. Кафтингиз билан навбати билан бармоқ учларидан бошлаб товорон учигача ва болдир-товорон бўғимигача силанг. Ўнг қўлингиз билан чап оёқнинг бошмалдоғини ушланг ва айланма ёки тўғри чизиқли ҳаракатлар билан эзғиланг. Кейин худди шуни қолган бармоқларда ҳам бажаринг. Оёқ бармоқларини тез ва секин букинг, ёзинг ва айлантиринг (ўнг қўл ёрдамида). Шу ҳолатда ўнг қўл кафти билан оёқ орқасини бошидан охиригача силаб чиқинг, кейин худди шу йўналишда мушт билан аста-секин уриб чиқасиз.

Ўнг қўлингиз билан чап оёқ товоронини майда-майда чимчилаб чиқинг, кейин эзғилашни бажаринг. Энди ўнг қўл бармоқлари билан оёқ кафтини силанг, кейин оҳиста эзғилашга ўтилади. Сўнгра товороннинг орқа ва олд томони бир қатор силангач, икки қўллаб ушланади ва қаттиқ сиқилмаган ҳолда эзғилаш ҳаракатлари бажарилади. Кафтлар билан болдир-товорон бўғими ушланиб, у ҳам аввал силанади, кейин эса босиб уқаланади. Уқалаш силаш билан тугатилади. Бошқа оёқ учун ҳам худди шундай уқалашни бажаринг. Уқалаш якунида оёқларни тез ва секин букиб-очиш, товоронни ташқари ва ичкарига айлантириш ҳам мумкин.

6.22. Ўзини уқалашга қарши кўрсатмалар

1. Исталган жойда хавфли ёки хавфсиз ўсма борлиги.
2. Қаттиқ иситма ҳоллари.
3. Фаол туберкулёз ва бошқа юқумли касалликлар.
4. Қон касалликлари.

5. Исталган жой йиринглаши.
6. Ноаниқ ёки замбуруғ этиологияли юқумли тери касалликлари.
7. Ўткир яллиғланиш, тромбоз, веналарнинг варикоз кенгайиши, гангрена.
8. Кескин ориқлаш ёки чарчоқ.
9. Ҳомиладорлик.

6.23. Ҳаммом шароитида уқалаш

Маълум бўлишича, чарчаган мушаклар кучи ҳаммом ёрдамида анча тез тикланади ва уларнинг чидамлилиги ортади. Ҳаммом юрак-қон томир тизимига ҳам ижобий таъсир қиласди, артериал босимни камайтиради, айниқса, кам ҳаракат ҳаёт тарзида яшовчи одамлар учун қатъий тавсия этилади.

Китобнинг олдинги бобларида ҳаммомларнинг турлари ҳақида гапириб ўтдик, уларнинг барчаси асосан буғ ҳосил қилиш усулига кўра фарқланади. Дунёга машҳур ҳаммомлар сифатида рим, араб, турк ҳаммомлари, фин саунаси, рус пархонаси, шунингдек, японларнинг «сэнто» ва «оффуро» сини тилга олиш мумкин.

Ҳаммом шароитида ўзини уқалаш пархонадан чиққандан сўнг амалга оширилади, унгача салқинлаб олиш мумкин эмас. Ўзини уқалаш сондан бошланиб, силаш, босиш, соннинг олд ва орқа юзасини эзғилаш, чигилини ёзишдан сўнг муштлаб уриш, силкитиш ва яна силаш билан тугатилади. Тизза бўғимини уқалашда эзғилаш ва фаол ҳаракатлар амалга оширилади.

Болдир уқалангандা, силаш, босиш, эзғилаш ва чигилни ёзиш қўлланилиб, бу силкитиш ва силаш билан якунланади. Товон ва пайлар эзидиб уқаланади. Олд болдир мушакларини уқалаш жараёнида чигил ёзиш ва эзғилаш қўлланилса, товон ва оёқ кафтида эзғилаш қўлланилади; Барча усуллар аввал бир оёқда, сўнгра кейинги оёқда бажарилади.

Ундан сүнг күкрак (силаш, эзғилаш, 3-4 марта, кейин күкрак соҳасини, қовурғалараро оралиқларни, қовурға бурчаклари остини босиб уқалаш), катта күкрак мушаклари (чиғил ёзиш, кейин силкитиш ва силаш), кейин юқори қисмлар (өлкадан бошлаб, кейин тирсак бўғимлари, билак, қўл панжалари – силаш, эзғилаш, чигилини ёзиш) уқаланади.

Шундан сүнг орқа томон уқаланади – бел мушаклари, белнинг ёнбош юзалари (эзғилаш, чигилини ёзиш), кейин тос соҳаси – тик турган ҳолатда ҳам уқалаш мумкин (эзғилаш, чигилини ёзиш), думғаза ва бел умуртқасига алоҳида эътибор қаратилади (босиб уқалаш). Сўнгра қорин соат мили бўйича уқаланади (силаш, чигилини ёзиш). Муолажа бошнинг сочли қисмини уқалаш билан ниҳоясига етади.

Ўзини уқалашда ҳар бир усул 2-3 марта тақрорланади, умумий вақт – 10-15 дақиқа. Ҳаммомда ўзини уқалаш муолажасини шошилмасдан бажариш лозим. Усуллар уйғун бажарилиб, тана енгил зўриқиши лозим; бинода иссиқлик ва ҳаво етарли бўлишига ҳам аҳамият қаратилади.

Ҳаммомдан сўнг зинҳор салқин ичимликлар ичиш ёки музқаймоқ ейиш мумкин эмас. Ҳаммомга овқатдан 3-4 соат ўтгач борилади, лекин қорин оч ҳам бўлмаслиги керак. Болалар 8 ёшга тўлмагунча пархонага кирмай туришгани маъқул. Ҳаммомдан сўнг қайноқ чой ичиш фойдали. Агар ҳаммаси тўғри бажарилган бўлса, у ҳолда ҳаммомдан сўнг кайфиятингиз аъло, ғайратингиз тўла, иштаҳангиз карнай, уйқунгиз бардам бўлади.

Доим қушдай енгил бўлинг!

ЕТТИНЧИ БОБ

ВУЖУДНИ ТОЗАЛАШ

Вужуд, яъни, организмни тозалаш ғоялари азалдан жуда кенг тарқалган. Лекин аввалги тозалаш усуллари анча кескин (очлик, вегетарианлик, шарбат билан даволаш, махсус овқатланиш ва бошқалар) бўлса, ҳозирга келиб улар шаклан ўзгарган. Айни пайтда бунга биологик фаол қўшимчалар ёрдамида моддалар алмашинувига таъсир қилиш орқали эришиш мумкинлиги айтилмоқда.

Нима есак, биз ҳам ўша бўламиз. Мазкур ғояни мақол тарзида бироз бошқача ифодалаш ҳам мумкин: қозонга яқин юрсанг, қораси юқар. Еб-ичишимиз, озуқа инстинктларимиз худди ойна каби ички ҳолатимизни акс эттиради. Ҳаммамизга яхши аёнки, соғлиқ – вужуд ва рух уйғунлиги.

7.1. Шифобахш очлик

Шифобахш очлик, яъни, муайян вақт овқат истеъмол қилишдан тўлиқ тийилиш организмни тозалаш бўйича кўплаб усулларда иштирок этади. Қатъий парҳез билан даволаш (ёки шифобахш очлик) – чиндан ҳам организмни тозалаш борасида энг жиддий воситалардан бири саналади. Бемор ва соғлом одамларнинг очликдаги ҳолатига оид натижалар шуни кўрсатадики, бу жараёнда ростдан ҳам «шлак»лардан тозаланиш содир бўлади. Бу ҳақда кўп айтилган, қайта-қайта ёзилган.

Токсинлар ичақдан чиқиб, оқ, кулранг ва яшил караш шаклида тилда пайдо бўлади. Тил ўша карашлардан халос бўлганда, тозалаш жараёни якунига етади ва одам ўзини тилининг учигача топ-тоза деб ҳисоблаши мумкин. Очлик ҳисси очликнинг биринчи ёки иккинчи куни йўқолади ва тил тозалангандан кейингина қайта пайдо бўлади. Пешоб орқали ҳам кўп тузлар ва токсинлар ташқарига чиқиб кетади. Очлик пайтида тери кулранг тус олади ва ёқимсиз ҳид тарқатади, лекин тез орада ўз рангига қайтиб, барча ноxуш ҳолатларга чек қўйилади. Очликнинг 7-10 кунида организмдаги ўзгаришлар туфайли ҳатто соғлом одамларни ҳам йўтал тутади ва ичидаги шлаклар балғам тарзида кўча бошлайди. Кашандалар ҳақида-ку гапирмасак ҳам бўлади.

Склералар (кўзнинг оқ пардаси) агар очликкача доғли (ксантелазмали), бўртиқли (ксантомали) ва сарик тусда бўлса, бу пайтда худди болалардаги каби оч мовий тусга киради. Бу эса жигар тозаланганидан дарак беради. Жигар ростдан ҳам тозаланади: агар унда қум бўлса, тунлари, одатда, санчиқли оғриқ билан ичак орқали чиқиб кетади. Агар тошлар катта бўлса, у ҳолда узоқ давом этган очликда улар ҳам парчаланиб, майда-майда ҳолда чиқариб ташланади.

Очликдан сўнг асл воқеликни қабул қилиш анча шаффофлашади. Одам хотиржам тортиб, кайфияти кўтарилади, уйқуси яхшиланади, иштаҳаси баланд бўлади.

Даволашнинг мазкур усули самарадорлигига қўра бошқа ҳар қандай усулни шунчалик ортда қолдирадики, аксарият шифокорлар очлик ростдан ҳам даволашнинг энг кучли ва самарали воситаси эканлигига аллақачон икрор бўлишган. Очлик самарадорлиги токсемия, яъни, «заҳарли ширалар» йўқолиши ва аъзоларнинг тозаланиши билан белгиланади.

Агар хитойликларнинг биоэнергетик каналлар (меридианлар) ҳақида тиббий таълимотларига тақлидан

айтсан, очлиқдан сўнг тана аъзоларининг меридинлари бўйича қувват оқими қайта тикланади. Жисмоний жиҳатдан бу беморларнинг турли тана аъзоларига иссиқлик югуриши билан ҳис қилинади. Эҳтимолки, аввал ўша жойлар қувват оқимидан узилиб қолган бўлиши мумкин.

Бу, айниқса, тана энергетикасининг анъанавий бузилишларида яққол намоён бўлади. Ёшларда бўйин ва кўкрак остеохондрози очлик жараёнида ғойиб бўлади, мушаклар юмшайди ва ҳаракатланиш анча эркин тус олади. Моддалар алмашинувининг умумий яхшиланиши эвазига аввал совуққа чидамсиз одамлар йилнинг аёз пайтида ҳам совқотмайдиган бўлиб қолади. Чунки микроциркуляция яхшиланади.

Лекин бу ҳали ҳаммасимас. Аксарият хавфсиз ўсимтапар сўрилиб кетади, аёлларда ҳайз кўриш нормаллашади, эркакларда потенция тикланади. Лекин аввалбошда анча шов-шувга сабаб бўлган шифобахш очлик тарғиботи бугунга келиб анча сўниб қолди. Чунки айрим жиҳатлар борки, буларни ҳисобга олмасликнинг иложи йўқ. Очлиқдан сўнг ғойиб бўлган касалликлар бир ой ўтар-ўтмас яна ўзидан дарак бера бошлайди. Афсуски, очликнинг ҳам асоратлари бор. Улардан бири ортиқча овқатланышдир. Очликни туттаган бемор овқатта шунчалик ўч бўлиб қоладики, бу нафақат эски касалликлар қайтишига, балки янгилари пайдо бўлишига ҳам хизмат қилади.

Очлик пайтидаги яна бир нохуш ҳолатлардан бири у яқин одамлар билан муносабатларга путур етказиши мумкин. Бу эса анча жиддий ва ачинарли ҳол. Бу билан биз очлик пайтида юзага келадиган серзардалиқ ва ортиқча асабийликни назарда тутяпмиз. Эътиборга молик яна бир жиҳат ҳам бор. Очлик билан даволангандан одам вассасага берилиб, очлик тиббиётда инқилоб ясами, ҳамма оч қолиши кераклигини исботлашга урина бошлайди. Афсуски, шифобахш очлик пайтида психиканинг беқарорлиги салбий оқибатларга олиб келиши ҳеч гап эмас.

Оч одам у ёки бу даражада ижтимоий жамиятга мослашмаган бўлади: мадорсиз, ишлай олмайди, оиладаги ўз бурчларини бажара олмайди. Бу эса оила ва ишда турли зиддиятларни келтириб чиқариб, ўзаро муносабатларни ёмонлаштиради. Очлик одамнинг қувватдан қолишига ва тананинг тез совқотишига ҳам сабаб бўлади. Биринчи очлик даври энг самарали сана либ, ундан кейингиларида ижобий самара камайиб боради. Очликка киришган одам ўз танасида кечаётган ижобий ўзгаришлар ҳақида ўйласа-да, одам эмасми барibir, турли ноз-неъматлар, шарбатлар ва тансик таомлар ҳақида ҳам беихтиёр ўйлашга тушади. Бундай ўй-хаёлларга қарши тинимсиз курашишга мажбур бўлади. Ахир, оила аъзолари ўзи хоҳлаган овқатни ейишда давом этади. Шу маънода аёллар очликка киришса, афтидан, эркакларга нисбатан сабрлироқ бўлишига тўғри келади. Чунки ҳатто ўзлари оч қолган тақдирда ҳам, уйдагиларга овқат пишириши талаб қилинади.

Такрорий очликлар баъзан ферментатив тизим ишининг бузилишига, ҳазм қилиш кучсизланишига ва келгусида ошқозон-ичак тракти (гастрит, колит), нафас тизими (бронхит, шамоллашлар), тери (турли тошмалар) касалликлари пайдо бўлишига олиб келади. Тиш эмалларига зиён етади. Тиш аччиқ ва тахир нарсаларга таъсирчан бўлиб қолади.

Махсус овқатланиш. Бир куни буларнинг ҳаммаси жонга тегади ва одам очликдан воз кечади. Ростдан ҳам, ҳаётга бир марта келсак-у, ўзимизни шунча қийнашнинг нима кераги бор? Барча саъй-ҳаракатларни шубҳа остида қолдирувчи узоқ мадорсизлик, озиш, артериал босим камайиши, қўркувлар ва ортиқча овқатланиш – буларнинг ҳаммаси анча жiddий омиллар.

Шелтоннинг махсус овқатланиш бўйича тавсияларида нон ва ёрмаларни камроқ истеъмол қилиш, улар-

нинг ўрнини хўл мева-чевалар ва хом сабзавотлар билан тўлдириш лозимлиги айтилади. Бу бетакрор ғоядек кўринса-да, аслини олганда, бир қанча сабабларга кўра имконсиз: биринчидан, қимматга тушасиз, иккинчидан, серташвиш масала. Бундан ташқари, мутлақо ғайриоддий хислатлар пайдо бўлиб, сизни хурсанд қилиш ўрнига ўз-ўзидан хушёр тортишга чорлайди. Бу хислатларни амалиётчи шифокорлар, йога бўйича мутахассислар ва руҳшунослар турлича талқин қилишади.

Организм озиб-тўзишига олиб келувчи очлик ва турли парҳезлар сенситивлик, яъни, одам сезувчанлиги ортишига сабаб бўлади. Шарқ мактаблари терминологиясига кўра, қабул қилишнинг қувват марказлари – чакрлар очилиши содир бўлади. Бундай одамлар ёрқин тушлар кўради, ҳатто «фойибни кўра бошлашади». Анъанавий психиатрияда эса бу шунчаки алаҳлаш ва галлюцинациялар дейилади. Очликни бошидан ўтказаётган одам шундай ҳиссиётлар, кучли таъсирлар пайдо бўлганда ўзини йўқотиб қўяди, чунки нимага суюнишни, қандай йўл тутишни билмайди.

Вегетарианлик. Организмни тозалаш бўйича бошка бир йўналиш вегетарианликда фақат гўштсиз овқат истеъмол қилиш тарғиб этилади. Бунинг янада кескинроқ шаклида ҳатто сут маҳсулотларидан ҳам воз кечишга чақирилади. Аммо улар ҳам муаммолардан ҳоли эмас.

Вегетарианлик оқибатида ширинлик ва ҳамир овқатларга ўчлик, яъни, ортиқча углевод истеъмол қилиш юзага келади. Умуман олганда, вегетарианларнинг овқати кўпинча юқори углеводли бўлади, шунинг учун ҳаммага ҳам тўғри келавермайди. Масалан, гормонал вегетатив-томир дистониясида, шунингдек, ҳайз кўришида муаммо бўлган аёлларга бундай овқатланиш фақат ножўя таъсир кўрсатиши мумкин, шунинг учун мутлақо тавсия этилмайди. Юқори углеводли озука шамоллаш, бронхит, тери касалликларини чақириши мумкин.

Вегетариан ҳам у ёки бу даражада жамиятдан ажраб қолади. Чунки унга атрофида ҳамма фақат гўшт ейди-гандек туюлаверади. Бошловчи вегетариан учун гўшт «шайтон васвасаси»дек гап бўлса, тажрибали вегетариан бир неча йилдан бери гўшт емай қўйгани учун ҳар доим ҳам яна гўштга қайта олмайди. Ҳатто гўшт ҳиди ва таъмидан жиркана бошлайди. Вегетарианларда ҳам сезувчанлик қобилияtlари кучаяди.

7.2. Хайрлашар эканмиз...

Севимли китобхон! Китобнинг илк саҳифаларидан сўнгги сатрларигача биз билан ҳамроҳ бўлганингиз учун ғоят миннатдорчилик билдирамиз! Яна бироздан сўнг ушбу китобчага ҳам якуний нуқта қўйилади.

Албатта, биз бу китобда асаб тизимиға хос барча хуш ва нохуш ҳолатларни, касаллиг-у хислатларни қамрай олмадик, лекин энг муҳимларини етказа олдик деган умиддамиз.

Китобни ўқигач, ташқарига чиқинг-у, атрофдаги одамларга назар ташланг, кимдир хурсанд, кимдир хафа, кимдир асабий, кимдир тушкун, яна кимнидир ғайратидан ўт чақнайди. Ахир, ҳаммасининг номи бир – одам, инсон, башар! Аммо нега ҳар хилмиз?! Ҳаёт рецепти ёки ҳамма дардга шифо малҳам борми? Тушкун одамга шуни берсак-у, бирдан ўзини баҳтли ҳис қилса! Аммо баҳтнинг ўзи нима?! Касал одам ўзини баҳтли сезиши мумкинми? Бу каби мураккаб саволларга ҳеч ким жавоб тополмайди. Бундай малҳам йўқлигини ҳам ич-ичидан тушуниб туради. Шундай одамларга нима дейишингиз кераклигини шу китоб орқали уқтиromoқ бўлдик. Ҳаёт – кураш дегани. Курашсин ва дардни енгсин!

Доим кимгадир керакли бўлсин, кимдир уни соғиниб яшасин. Яна ва яна ўзидағи ялқовлик, хафақонлик, ожизликка қарши курашсин. Йиқилса, ўрнидан туриб, ўзини чорлаган одамлар иқболига шошилсин. Ўзи ар-

доқлаган инсонлар чехрасидан шифо изласин! Ноумид бўлмасин, ғайрат қилсин! Бир-биридан ажойиб режалар тузсин. Янги кундан баҳра олиб яшасин.

Касалликлар асабдан эмас, ҳурматли китобхон. Аслида, биз, одамлар ўз хоҳишимиз билан бошимизга орттириб оладиган бу югур-югурлар, ғам-ташвишлар, йўқ нарсаларнинг ортидан чопишлар-у беҳуда ҳаракатларга асабларнинг ўзи дош беролмай қолади...

Танангизга сиз ҳукмфармосиз, аксинча эмас! «Қандай бўлмасин, бунга эришаман» – деган қарорга келганда, стресс дастурини ишга тушириб, ўз организмингиз имконидан ошиб кетганингизни, ундаги барча меъёрларга хилоф иш тутганингизни ҳам пайқамай қоласиз. Шўрлик вужудингиз «подшо амри вожиб» дея бор куч-қувватини сиз кўндаланг қўйган вазифани бажариш учун сарфлай бошлайди! Кейин ғалаба деб ўйлаганингиз, аслида мағлубият экани англашилади!

Асаб тизими ўзимизнинг бошимизга ўзимиз солган, кейин эса ундан қандай чиқиши билмай юрган сурункали стресс ҳолатидан азият чекади. Ҳаётдаги вазиятлар касалликка сабаб бўлмайди, балки ўша вазиятларга бизнинг муносабатимиз сабабчиидир! Ҳаммаси оддийдек, буни ҳамма биладигандек туйилади, лекин қаёқдандир инсультлар, фалажлар, дистониялар ва хондрозлар пайдо бўлаверади. Ким ўйлабди деймиз-у, ҳайрон елка қисамиз.

Саломатлик, маъжозий маънода айтганда, ҳеч қайси организм узоқ кетишни хоҳламайдиган жаннатмонанд ўлка, лекин ҳукмдорнинг номақбул фармонлари, кераксиз тадбирлари, «маишат»лари туфайли кўпинча ўз юртидан бадарга этилиб, олисда унга талпиниб яшайди. Мабодо шундай эканини сезсангиз, вужудга зудлик билан ёрдам қўлини чўзинг. Доим саломатлиқда яшашига имкон яратинг. Бунда қариндошлар, дўстлар, шифокорлар, дорилар ва билим кўмагига таянинг. Аллоҳга ишонинг ва мададидан умидвор бўлинг!

Сизга ва яқинларнингизга доим соғлиқ тилайман!

ФОЙДАЛАНИЛГАН АДАБИЁТЛАР

Чуркин А. А., Мартюшов А. Н. Краткое руководство по использованию МКБ-10 психиатрии и наркологии. М.: Триада-Х, 2000.

Физиология человека. Георгиева С. А., Беликина Н. В., Прокофьева Л. И., Коршунов Г. В., Киричук В. Ф., Головченко В. М., Токарева Л. К. М.: Медицина, 1981.

Краев А. В. Анатомия человека. Т. 2. М.: Медицина, 1978.

Атлас анатомии человека. М.: ООО «Издательский дом «Оникс ХХI век»»; ООО «Мир и Образование», 2002.

Корнев М. А., Кульбах О. С. Основы строения центральной нервной системы: Учебное пособие. СПб: ООО «Издательство ФОЛИАНТ», 2002.

Трошин В. Д., Густов А. В., Трошин О. В. Острые нарушения мозгового кровообращения. Н. Новгород: Издво Нижегородской государственной медицинской академии, 1999.

Ратнер Л. Ю. Нарушения мозгового кровообращения у детей. Казань, 1983.

Вейн А. М., Соловьева А. Д. Лимбико-ретикулярный комплекс и вегетативная регуляция. М., 1973.

Карлов В. А. Терапия нервных болезней: руководство для врачей. М.: Шаг, 1996.

Васильева И. А. Сам себе целитель. Новосибирск: Экоцентр «Целитель», 1996.

Васильева И. А. Целитель и женщина. Новосибирск: Экоцентр «Целитель», 1995.

Медведев О. А. Целитель раскрывает секреты. СПб.: Комплект, 1997.

Васичкин В. И. Лечебный и гигиенический массаж: практическое руководство. Минск: Беларусь, 1995.

Коновалов С. С. Книга, которая лечит. Болезни позвоночника и суставов. СПб.: Прайм-ЕВРОЗНАК, 2003.

Сухарев В. А. Мир здоровья. Ростов-на-Дону: Феникс, 1997.

Лобзин В. С., Решетников М. М. Аутогенная тренировка (Справочное пособие для врачей). Л.: Медицина, 1986.

Романовская Н. В., Романовский А. А. Как победить остеохондроз. Минск: Современный литератор, 2000.

Алифанов А. А. Очищение через пост. СПб.: Комплект, 1997.

Бортникова С. М., Зубахина Т. В. Нервные и психические болезни. Ростов-на-Дону: Феникс, 2004.

Тиббий-оммабоп нашр

АСАБ ТИЗИМИНГИЗ САЛОМАТ БЎЛСИН

Муҳаррир
Маъмура ҚУТЛИЕВА

Мусаҳҳих
Мадина МАҲМУДОВА

Бадиий муҳаррир
Уйғун СОЛИХОВ

Компьютерда саҳифаловчи
Суннат МУСАМЕДОВ

Техник муҳаррир
Сурайё АҲМЕДОВА

Лицензия рақами: AI № 252, 2014 йил 02.10 да берилган.

Босишига 02.06.2015 й.да рухсат этилди.

Бичими 84x108 1\32.

Босма тобоги 4.25. Шартли босма тобоги 7.14.

Гарнитура «Arial + Baltica Uz». Офсет қофоз.

Адади 5000 нусха. Буюртма № 116.

Баҳоси келишилган нархда.

«Янги аср авлоди» нашриётида тайёрланди.
100113. Тошкент, Чилонзор-8, Қатортол кўчаси, 60.

Мурожаат учун телефонлар:
Нашр бўлими – 278-30-52; Маркетинг бўлими – 128-78-43
факс – 273-00-14; e-mail: yangiasravlodi@mail.ru

**«ЯНГИ АСР АВЛОДИ» НММ
«КАМОЛОТ КУТУБХОНАСИ» РУКНИДА
ҚҮЙИДАГИ ЯНГИ КИТОБЛАРНИ НАШР ЭТДИ:**

Николай Гогол

«Тарас Булба»

84x108 1/32 304 бет, юмшоқ мұқова

Үз даврида рус адабиётининг энг истеъдодли ёзувчиларидан саналған Николай Гоголнинг ижодий тажрибаси тутанмасдир. Гоголча услуб, гоголча тил, гоголча тасвир, гоголча юмор, гоголча реализм жаҳон ёзувчилари учун ўзига хос маҳорат мактаби. Икки қисмдан иборат ушбу китобда муаллифнинг қизиқарлы қиссалари жамланған бўлиб, уларнинг ҳар бирида ўша даврдаги ҳалқ ҳаёти, жамиятнинг ўзига хос муаммолари енгил юмористик услубда ёритилган. Гогол асарларининг туб маъносини чуқур англаб, қаҳрамонлари билан яқиндан танишаркансиз, одамзоднинг туғилиш, ейиш, ичишдан иборат ва ниҳоят паймонаси тўлганда оламдан ўтиши муқаррар бўлган бу ўткинчи дунёда ҳирс-ҳавас нимадан ўзи, дея ўйланиб қоласиз. Турмушнинг мажруҳ ва ҳажвий даражада бемаънилиги-ю ярамаслигини кўрасиз, бинобарин, асар қаҳрамонлари тақдирида қатнашасиз, улар устидан куласиз ва қайғусидан азобланасиз.

Andre Moryua

«Чоршанба учун бинафшалар»

84x108 1/32 216 бет, юмшоқ мұқова

Асли исми Эмиль Соломон Вильгельм Эрзогъ бўлган Андре Моруанинг француз миллий адабиёти соҳасига қўшган ҳиссаси ниҳоятда чексиз. 200

га яқин китоблар, 1000 дан зиёд мақолалар унинг бой адабий меросини ташкил этади.

Ёзувчи фақатгина буюк инсонлар ҳақида автобиографик асарлар ёзиш билан чекланиб қолмасдан, балки романлар, фалсафий эсселар, фантастик новеллалар, психологик ҳикоялар, тарихий ҳамда илмий-оммабоп жанрларда ҳам қалам тебратган.

Моруанинг «Чоршанба учун бинафшалар» туркумидаги ҳикоялари ўзбек тилига таржима қилинган.

Ушбу китоб Моруанинг ўзбек тилида чоп этилаётган илк тўпламидир.

Асар кенг китобхонлар оммасига мўлжалланган.

Антон Чехов

«Буқаламун»

84x108 1/32 296 бет, юмшоқ муқова

Жаҳон адабиёти ҳикоячилигини машхур рус ёзувчиси Антон Чехов ижодисиз тасаввур қилиш мушкул. XIX асрнинг сўнгги чорагида рус китобхонлари эътирофига сазовор бўлган ёзувчи ҳикоялари XX асрнинг дастлабки йилларидаёқ ўзбек китобхонларига тақдим этилди. Абдулла Қодирий ва Чўлпон ҳам таржима орқали ҳикоянависликни айнан Антон Чеховдан ўрганганд бўлса ажаб эмас.

Адабиётимизда ҳикоячиликда бекиёс ўринга эга бўлган Абдулла Қаҳҳор таржималари эса Чехов ижодини ўзбек китобхонларига таништиришда асосий кўприк бўлиб хизмат қилди.

Мазкур тўпламга яна қатор таржима ҳикоялар ҳам киритилдики, мазкур асарлар орқали Чеховнинг ҳаётий ва ижодий сабоқларидан баҳраманд бўласиз.

Ўлмас Умарбеков
«Одам бўлиш қийин»

84x108 1/32 352 бет, юмшоқ муқова

Ўтган асрнинг иккинчи ярмидаги ўзбек насли ривожида ёзувчи Ўлмас Умарбековнинг ўзига хос ўрни бор. Унинг ёшлар ҳёти, маънавий-ахлоқий муаммолар, инсонларнинг мураккаб муносабатлари ҳақида яратилган роман, қисса ва ҳикоялари буғунги кунда ҳам севиб ўқиладиган асарлардир. Адид болаларнинг бепоён орзулар олами, ёшларнинг гоҳ лаззатли, гоҳ изтиробли муҳаббати, сидқ-у вафо, хиёнат, оталар ва болалар, умуман, турфа тоифадаги инсонлар ўртасидаги муносабатларни ғоят чуқур ва самимий тасвирлайди. Шунинг учун ҳам адабнинг асарлари ҳамон китобхонлар қалбини ром этиб келмоқда.

Сайд Аҳмад
«Уфқ»

84x108 1/32 912 бет, юмшоқ муқова

Сайд Аҳмаднинг «Уфқ» трилогияси нафақат ёзувчи ижодида, балки ўзбек адабиётида янги жанр ҳисобланади. Ижодининг энг сермаҳсул даврида ёзган ушбу роман-трилогияда ёзувчи Иккинчи жаҳон урушининг оловли йилларида ўзбек дехқонларининг фронт орқасида кўрсатган меҳнат қаҳрамонликлари ҳақида ҳикоя қиласиди, урушдан олдинги ва кейинги давр муаммолари ҳақида баҳс юритади.

Даврга хос қийинчиликлар, машаққатлар оғушида уруш ва меҳнат фронтига сафарбар қилинган ёшлар қалби жўшқинлик ва

муҳаббат туйфуларидан йироқ эмас: Азизхон ва Лутфиниса, Низомжон ва Диidor, Турсунбой ва Зебихон... Асарда ўт-олов бўлиб ёнган ошиқ-маъшуқларнинг ҳеч бирига висол насиб этмайди. Қийинчиликлардан кейин қаҳрамонлар яна севгига, садоқатга рўбарў бўлишади, аммо биринчи муҳаббат давр ва синовлар қаърига сингиб кетади...

Ўқувчи мутолаа давомида нафақат жонли тасвиirlар орқали тарихий маълумотлар билан танишади, балки ҳаёт машаққатларидан сабоқ чиқаришга, инсонийлик ва муҳаббат айнан қийинчиликлар таъсирида тобланишига амин бўлади.

**Жадид адабиёти намояндадари
«Одоб-ахлоқ китоби»
84x108 1/32 912 бет, юмшоқ муқова**

Ўтган аср бошларида янги тузум мактабларининг ташкил этилиши нафақат давр фарзандларининг, балки миллат болаларининг маънавиятида туб бурилиш ясади, десак хато бўлмайди. Замон маърифатпарварлари ўқувчилар учун қатор дарсликлар яратишиди, рисолалар чоп этишиди, газета ва журналлар очишиди.

Бугунги ўқувчилар айнан ўша мақолаларни, асарларни, китобларни қайта-қайта ўқиши лозим, чунки устозларимизни, борингки устозларимизнинг устозларини маърифатга чорлаган, илмга ошно қилган, зиёли қилган асарлар бугунги давр учун ҳам қадрли, ҳам зарур.